

# WANTOK

NIUSPEPA BILONG OL PAPUA NIUGINI STRET

60 pes


Mosbi 25 toea

Namba 727

9-15 Jun, 1988

Arapela Provins 30 toea

## OL KOKODA BAI KUKIM MOSBI SO



• Dispela meri bilong Lekembo singsing grup bilong Kokoda, Noten provins i bilas na redi tasol long kirapim das long bikpela Mosbi So, Jun 11, 12 na 13 long Moitaka So graun - photo - Henry Morabang

- Lukim 24 pes ripot bilong Mosbi So.
- Pias Fos stretim hevi bilong haus - pes 2
- Nesenel soka resis kamap long Lae.



Lukim dro long pes 23

# Wingti kolim bel bilong ol primia

BIKPELA kibung bilong ol primia insait long kantri i bin kamap long Mosbi long dispela wik. Dispela em i namba 11 bung bilong ol primia.

Bikpela ol toktok i bin kamap long dispela miting em, gavman i no karim aut ol toktok em ol primia i pasim long ol arapela meeting i kamap bipo.

Dispela em bikpela as tru watpo wok namel long provinsal na nesenel gavman i no save kamap gut.

Tripela bikman, Minista bilong provinsal Afeas, Jacob Lemeki, Primia bilong Milen Be, Navy Aule and Primia bilong Manus Stephen Pokawin, olgeta i sutim tok long nesenel gavman i no mekim wanpela samting long ol toktok ol primia i bin pasim tok long en long ol miting bipo.

Mista Pokawin i tok dispela i soim tru olsem, nesenel gavman i no tingting long strongim wok bilong provinsal gavman.

Tasol praim minista Pias Wingti na minista bilong em Jacob Lemeki i tok provinsal gavman bai i stap. Maski long wanem ol kain toktok i kamap.

Em i tok planti ol pawa em nesenel gavman i givim i go long provinsal gavman i no strong moa. Nau planti ol provinsal gavman i kamap olsem ol ADC bilong bipo. Ol i save wetim tasol ol hetkwata long Mosbi long givim ol tokorait long mekim wok bilong ol.

Praim Minista Pais Wingti i tokim ol primia tu olsem, wanpela as we ol gavman na dipatmen i no karim aut ol toktok em bikos i gat ol bikpela wok olsem ileksen.

Nau gavman i wok long tingting yet long mekim wanpela lo long kamapim olgeta



• Pias Wingti



• Primia Stephen Pokawin

nesenel na provinsal ileksen long wanpela taim tasol we i ken isi long ol pipel.

Mista Wingti i tok dispela i ken sevim tru planti ol mani na tu taim na ol wokman. Ol wokman i ken mekim ol arapela wok na i no tingting tasol long mekim wok bilong ileksen.

Em i tokim ol primia tu olsem taim palamen i bung long 27 Jun em bai traime kamapim lo long traime daunim namba bilong ol vot i no gat bilip i save kamap long wanpela yia. Em i tok planti vot i no gat bilip i save kamap na ol memba na minista i no save tingting gut long mekim ol wok bilong dispela kantri.

Praim Minista i tok dispela em i namba wan samting em i laik lukim ol i mas sensim.



# Nambawan

nambawan bisket bilong yu.

COLOR USED

**PLIS**

Ripot



# Plis dipatmen bai stretim wari bilong haus

**LAE:** Ol raskol i bin holim na pretim wanpela man bilong Saina wantaim masket long las wiken long taim em i bin laik lusim haus bilong em.

Sief Suparindenten Katusele i tok tupela man i bin kamap long ka na i tokim dispela man long givim ki bilong ka long ol. Na insait tu long dispela i gat han paus bilong em wantaim K300 na laisens bilong draiv.

Plis i wok long painimaut yet long dispela birua. Ol i no painim tu ka bilong dispela man yet.

**LAE:** Ol raskol i bin brukim woksop bilong Malahang Vokesenel Skul na stilim ol sampela samting bilong wok. Long dispela taim, ol dispela lain i bin go insait tu long opis bilong menesa na kukim ol buk na ol arapela samting em i bin stap antap long tebol bilong em.

Plis i bilip olsem dispela em i wok bilong ol lain sumatin skul i bin rausim. Na plis tu i wok long painimaut moa long dispela trabel.

**NCD:** Insait long Mosbi, ol sampela lain raskol i bin brukim na go insait long wanpela haus long Tokorara long las wiken na stilim wanpela televisen set na wanpela elektrik ogen. Mak bilong mani bilong dispela tupela samting em inap long K2,300 olgeta.

Na long dispela taim yet long Waigani Draiv, ol raskol i bin brukim na bikpela stua bilong Saut Pasifik Masineri. Dispela ol lain i bin yusim wanpela ka long brukim glas windo stua na go insait. Ol i bin stilim tupela jenereta, wanpela sen so na wanpela pam bilong pamim wara na ranawe long ka. Dispela ol samting em ol i stilim inap long mak bilong K5,100 olgeta. Plis i wok long painimaut moa yet lofig dispela tupela trabel.

**HAGEN:** Wanpela man i bin dai pinis na arapela 4-pela i bin kisim bikpela bagarap long het na skin bilong ol bihain long ka bilong ol i kapsait long Kudjib klostu long Kurumul Ti Estet.

Dispela ol lain i bin stap long Gumine na i laik go olsem long Kudjib long taim ol i bin bungim dispela birua.

Plis i bin tokaut tu pinis long nem bilong dispela man husat i bin dai. Dispela man em long Aisure Gaima bilong ples Genabona long Gumine, Simbu Provins.

Ol arapela 4-pela man i gat bikpela bagarap long skin bilong ol na i stap yet long bikpela haus sik bilong Nazarene long Kudjib.

**WESTEN HAILANS:** Long Aviamp viles insait long Westen Hailans Provins, 4-pela man i bin holim na bagarapim wanpela meri long Fonde bilong las wik.

Dispela meri i bin lusim wanpela PMV bas na i laik wokabaut i go long ples bilong em taim dispela birua i bin kamap. Plis ripot i tok tu olsem ol dispela 4-pela man i bin ranawe wantaim hanbeg bilong meri ya. Insait long dispela beg i bin K4 na ol ki bilong haus bilong em.

Plis long Westen Hailans i wok long painimaut yet long dispela birua.

**WESTEN HAILANS:** Plis long Westen Hailans i bin tokaut pinis long tupela raskol pasin em i bin kamap long Togoba na Kerabug eria long Sarere.

Wanpela man bilong Enga wantaim famili bilong em i bin laik go long Hagen taim ol raskol i bin stapim ol na brukim glas bilong ka bilong ol. Plis i gat strongpela bilip olsem ol dispela lain raskol i bin traim long painim gol i kam olsem long Porgera.

Taim ol i painim olsem i nogat gol insait long ka, ol i bin brukim tasol glas bilong ka na tokim dispela man wantaim famili bilong em long go tasol ol i no bin bagarapim ol.

"Plis i wok long painim yet ol dispela lain husat i bin mekim dispela samting.



• Famili bilong ol plisman i slip long haus i bagarap pinis olsem dispela long Gordons Plis bareks.

## Ol meri bilong ol pablik sevan i protes

OL MERI bilong ol pablik sevan long Kiunga Distrik bai holim wanpela protes mas long Fonde (9 Jun) long dispela wik.

Manmeri bilong ol Maparu Kare i tok pe bilong ol haus na kaikai long Kiunga i dia tumas. Na dispela i givim hat taim tru long ol pablik sevan long distrik.

Na dispela ol samting tu i dia na i givim hat taim tu long ol man long ples. Tasol ol i laik baim ol samting olsem kerosin, klos samting, pe i antap tumas.

Dispela i wokim na ol meri long ples i sasim bikpela mani tumas long ol kumu na gaden kaikai long maket. Pe bilong ol maket i go antap bikos pe bilong ol arapela samting tu insait long stua i go antap.

Misis Kare i tok i no longtaim gavman i tokaut olsem ol pablik sevan bai baim moa long haus, pipia na rausim pekpek samting. Na dispela i givim hat taim tru.

Em i paia na tok, sapos pe bilong ol dispela samting i go antap, pe bilong ol pablik sevan tu i mas go antap. Na i no ken tingting long daunim ol dispela pawa samting.

Planti ol meri i wokim aisblok na salim long kisim moa mani bilong sapatim famili. Planti meri i no mekim moa ol wok bilong haus bikos ol i tingting long wokim aisblok. Na dispela i ken bagarapim tru laip bilong ol yangpela famili.

Misis Kare i tok dispela pepa ol bai givim i go long gavman bilong Hardship Alauens.

Em i tok sapos i no gat ol pablik sevan, bai ol wok bilong gavman i no inap kamap. Bikpela piksa em taim ol lain papa bilong graun i pasim Ok Tedi main. Ol pablik sevan, plisman gavman opisa yet i stretim ol dispela toktok. Olsem na i no gat planti hevi i kamap.

Em i tok ol pablik sevan long Not Solomons i save kisim hardship alauens. Ol Not Flai pablik sevan tu i mas kisim dispela mani.

**PRESIDEN** bilong Plis Asosiesen, Plis Komisina na Minista bilong Plis i tok long pait hat yet long ol hevi bilong haus bilong ol plisman na famili bilong ol. Tasol dispela ol tripela man i lukluk long ol rot bilong stretim ol dispela hevi.

Taim presiden bilong Plis Asosiesen, Sief Inspekta Aloysius Eviaisa i wok long bungim olgeta meri bilong ol plisman long mekim wanpela protes mas, Plis Komisina Paul Tohian na minista Peter Kuman i bin tok olsem dispela pasin em Mista Eviaisa i mekim i no gutpela tumas.

Mista Kuman i bin tok, "Long taim mi na komisina bilong mi i bin kisim dispela wok bilong mitupela, mitupela i bin tokaut strong i go long olgeta plisman olsem mipela bai i stretim ol hevi bilong haus. Dispela i bin wanpela bilong ol hevi tasol mitupela i bin tokaut long pablik olsem mipela bai stretim haus bilong ol plisman na famili bilong ol."

Mista Kuman i tok, "Mipela i bin askim pinis long K4 milien long taim gavman i brukim mani bilong neks yia long lukluk long ol ovataim

alauwens long taim ol plisman i bin wok long taim bilong ileksen long 1987 na tu long ol hevi bilong haus."

Em i tok, "Mipela i bin kisim pinis sampela gutpela bekim long ol sampela askim bilong mipela i go long gavman. Long nau, mani bilong baim haus, wara na ol arapela samting bai stap yet long han bilong Dipatmen."

Mista Kuman i tok ol i lukluk nau long peim K1.4 milien long stretim ol dispela hevi. Em i tok dispela mani wantaim arapela K200,000 em ol i gat long fan bai i go long mekim wok bilong stretim na sanapim ol haus bilong ol plisman.

Em i tok, "Sapos mipela inap long lukim Mista Eviaisa na toksave long em long wanem samting em mipela i bin mekim pinis na wanem samting em mipela i wok long wok nau long em, mi no save bilong wanem na em i no inap long olge-

ta pablik. Sapos em i laik mekim olsem, i moa gutpela long em i risain na larim arapela man i kisim ples bilong em.

Mista Kuman i tok olsem ol dispela plis bareks i stap long taun bai ol i mas lukluk hariap long ol. "Mipela bai i statim ol wok bilong mipela long stretim ol samting long Gordons Plis Bareks na bihain long ol arapela hap. Ol meri na pikinini bilong ol dispela lain plisman bai go stap long Bomana inap long taim mipela i pinisim tupela yunit."

Wok bilong stretim ol arapela bareks bai i stat long taim gavman i givim sampela helpim mani long Plis Dipatmen.

Mista Kuman i tok, "Long nau yet bai i no gat ol nupela man o meri i kam insait long joinim plis fos. Dispela em i bihainim toktok i kam long gavman na mipela bai i lukluk tasol long developim dispela ol lain mipela i gat nau."

## Kilim Grasopa 88 i win nau

OLGETA wok long daunim ol binatang no gut, grasopa long Markham Veli i kamap gut. Dispela em ol toktok bilong Siaman bilong Nesenel Disasta Komiti na Sekreteri bilong Dipatmen bilong Praim Minista, Brown Bai.

Em i tok olgeta wok i

kamap gut tru. Na klostu tru bai olgeta grasopa nogut bai pinis.

Bai i mekim ol dispela toktok bihainim wanpela ripot i kamap long wanpela niuspepa. Wanpela gavman opisa i daunim wok bilong ol man i wok long kilim ol dispela grasopa.

Em i tok ol dispela toktok i kamap i no tru. Em ol giman toktok tasol. Na dispela i daunim tru bikpela hatwok em ol opisa bilong Didiman long Morobe na Ramu Suga na ol Difens Fos. Ol dispela pipel i taitim bun long mekim wok stat long mun Mas. Na dispela nau i daunim tru bikpela namba bilong grasopa.

Taim ol i statim dispela operesen, *Kilim Grasopa 88*, em i daunim tru namba bilong ol grasopa. Bipo namba bilong ol binatang nogut i save stap long 25 milien. Tasol nau em 1,000. Na ol liklik grasopa tu i go daun. I gat 35 milien i save stapo long wanpela hekta o eria bilong graun tasol nau bai yu lukim samting olsem 500,000.

## Pres Kaunsil i no kisim komplek

Planti ol gavman dipatmen, pablik na ol bisnis i no amamas tumas long ol stori ol niuspepa i wok long mekim.

Tasol Pres Kaunsil bilong PNG i bin kibung long dispela wik na ol i tokaut olsem i no gat wanpela komplek i bin kamap long opis bilong ol.

I tru olsem i bin gat ol dispela hevi, tasol no gat wanpela bilong ol dispela lain husat i no amamas i salim wanpela pas bilong komplek i go long Pres Kaunsil. Sapos husat i gat komplek orait ol i mas raitim olgeta komplek na salim i go long Pres Kaunsil.

Pres Kaunsil i pasim tok tu long kisim wanpela sekretri long lukautim ol wok bilong Kaunsil na long helpim ol pablik luksave moa long wok bilong Pres Kaunsil long Papua Nuigini.

# PNG i stap insait long malaria program

PAPUA NIUGINI i wanpela bilong ol kantri tru long wol long gat wanpela progrem bilong pinisim sik malaria.

Dairekta bilong Medikel Rises Institut bilong Papua Niugini long Goroka Dokta Michael Alpers i bin tok, "Dipatmen stadi bilong malaria na kain marasin bilong was long skin bilong man i wanpela nupela na gutpela samting tru em i wok long kamap nau."

Aninit long wanpela 5 yia progrem plen ol bai i kisim sampela nupela wokman na meri bilong mekim dispela wok. Yunaitet Stets Ejensi bilong

## LOUJAYA DUNAR i raitim

Intenesenel Developmen (USAID) i givim bikpela helpim long dispela progrem.

Dokta Alpers i tok bai ol i sanapim ol nupela resis stesin long Maprik long Is Sepik long ples we olpela haus sik i bin stap long en. Ol bai i sanapim tu wanpela fil resis stesin long Wosera insait long arapela 18 mun.

Dokta Alpers i bin tok, "Dispela ol samting bai i helpim mipela long mekim ol wok na stadi bilong mipela long ol pipel insait long komyuniti na kamap wantaim

wanpela kain marasin o sut bilong egensim sik malaria.

Dokta Alpers i tok i gat tupela samting i stap long painim marasin o sut bilong pait egensim sik malaria. Long nau yet, ol i wok long mekim wok bung wantaim ol lain bilong Australia long painim marasin o sut ya.

Na namba tu em long wok wantaim ol pipel long painim wanpela kain samting bilong pait egensim sik malaria.

Ol dokta long Amerika i painim sampela rot bilong stapim sik malaria tasol planti bilong ol dispela rot i save stap sotpela taim tasol na bihain i no inap wok moa.

Dokta Alpers i tok dispela ol rot i mas gat planti senis gen bipo long ol ken yusim long ol pipel.

Wok bilong kamap wantaim wanpela gutpela rot bilong pait wantaim sik malaria bai ken stap inap long 10-pela o 20 yia olgeta bipo long ol dokta na saveman i ken painim marasin o sut.

Long Papua Niugini, dispela sik i stap strong tru long ol bikpela lain pipel long nambis tasol i no tumas long ol Hailans eria.

Dokta Alpers i tok planti bilong ol lain namba nambis husat i save kisim taim long sik malaria em long ol yangpela manki na pikinini.

# Sik kamap long Maunt Kare

DIPATMEN bilong Helt long Enga provins i wok long traime daunim sik taifoid. Dispela sik wok long kamap bikpela long hap bilong Maunten Kare gol main.

Maunten Kare em wanpela nupela gol main namel long Porgera long hap bilong Enga na Tari long Saten Hailans provins.

Ripot i kam long opis bilong Helt long Wabag i tok olsem moa long 3,000 pipel i wok long stap long dispela hap na painim gol. Tasol ripot i no tokaut dispela sik i kamap olsem wanem.

Asisten Seketeri bilong Helt long Saten

Hailans, Mark Mauludu i tokim Wantok long olsem em i no kisim wanpela ripot i kam yet long Tari Helt Senta.

Dipatmen bilong Saten Hailans bai i no inap helpim bikos dispela em eria bilong Enga. Olsem na wanem gavman sevis, em Enga provins bai givim i go long ol dispela lain pipel.

Insait long dispela wik yet, hetmasta bilong Kame Komyuniti skul long Wabag i tokaut olsem 26 ol pikinini long skul bilong em i kisim dispela sik taifoid.

Em i bringim pinis dispela ripot long Edukesen Opis long Wabag na Helt Dipatmen.

Edukesen Opis long Wabag tu i bin autim wanpela ripot olsem tupela komyuniti skul insait long provins bai klostu pas. Dispela ol skul bai pas bikos i no gat ol manki i save kamap long skul.

Mausman bilong Edukesen opis long Wabag i tok planti ol papamama i bosim ol liklik manki long lusim skul. Ol i tokim ol manki olsem, "Yu skul yu westim taim.

# Ol 6-pela pipel kalapim boda

LONG Tunde 7 Jun, 6-pela bilong Wes Irian i bun kamap long Vanimo Distrik Kot.

Ol plisman i bin holim ol tripela man, tupela meri na wanpela pikinini, long Vanimo long Sarere 4 Jun long samting olsem 7 klok nait.

Wes Sepik Provinsal plis komanda, sinia Inspekta Nelson Kassi i tok olsem ol dispela lain i kam long wanpela kanu. Ol i tokim ol plisman olsem ol i kalapim boda bikos ol i laik kam long Papua Niugini.


Tupela meri em Yacomimce Fomadata husat i gat 64 krismas na susa bilong em Hermala Fomadata, husat i gat 45 krismas.

Ol tripela man em Mimi Mimawangai husat i gat 48 krismas, Philip Muabuai husat i gat i gat 27 krismas na Yusup Tania husat i gat 22 krismas.

Pikinini bilong Mimi Mimawangai Frank Zako, i gat 3-pela krismas, tasol.

Olgeta i bilong Serui viles long Irian Jaya. Tasol Yusup Tania i bilong Maseri viles.

Kot i tokim ol long no ken wokim wanpela trabel long 3-pela mun.



### Ol top manki Saina

• Hia yu ken lukim kain stail bilong ol saina ya. Sapos yu laik painimaut moa.. lukim ol long taim bilong Mosbi So.

**TORO**  
TORO GO LONG ISLANDA HOTEL LONG DRING...

EM GO INSAIT LONG FUNCTION RUM NA LUKIM WANPELA SAIN..

EM RITIM PINIS NA GO INSAIT...  
RUM: ANA! OL PRIMITIV TASOL!!  
OL PRIMIA TASOL!

OL SEKIURITI PASIM EM...  
YU PRIMIA A?  
YESA! MI WANPELA PRIMITIV...

TORO I NO HARIM NA OL SEKIURITI TROMOI EM I GO AUT...



**Wanem as bilong kibung**

OL primia i gat gupela as long hatim gavman long dispela wik. Wanem as bilong ol dispela kibung bilong ol primia sapos nesenel gavman i no harim ol toktok ol primia i autim long dispela kibung bilong ol.

Dispela kain kibung em i taim bilong nesenel gavman na provinsal gavman i bung na autim belhevi na tingting bilong ol. Em i taim bilong painim rot bilong stretim ol dispela belpen.

Tasol no gat wanpela samting bai kamap sapos i no gat wok i kamap long stretim ol dispela hevi samting bihain long ol kain kibung olsem. Na ol pipel i lukim na tok wanem as bilong ol dispela Kibung? Bikpela mani i go lus nating long karim ol primia i kam na putim ol long hotel. Na i no gat wanpela kaikai i kamap long kibung ya.

Mobeta gavman i skelim gut ol dispela samting. Bikos yumi i no gat inap mani long wokim ol skul na etpos na rot long planti provins bilong ol dispela primia. Mobeta mani i go long dispela wok na maski long putim i go long ol kain kibung we ol i paitim toktok i go i go na bihain bai i no gat samting i kamap.

# Westen Hailans na Not Solomons ileksen stat nau

**LEO WAFIWA i raitim**

taim bilong ileksen.

**Kimbe**

Ileksen long Wes Nu Briten provins i stat pinis long Sarere 4 Jun. Na bai pinis 25 Jun.

Ol 156 kandidate i resis nau long ileksen. Planti bilong ol dispela kenitet em ol man husat i bin kisim ol bikpela wok long gavman na i gat save pinis long wok politiks.


Wanpela bilong ol dispela lain em Herman Talingapua. Mista Talingapua i bin Sekreteri long Dipatmen bilong Wes Nu Briten. Em bai resis long sia bilong Bali Ailan konstituensi.

Narapela kandidate John Lidan. Mista Lidan i bin presiden bilong Kimbe Taun Kaunsil. I gat tupela meri i resis long dispela ileksen.

Planti ol provinsal memba i resis gen long dispela provinsal ileksen. Wanpela bilong ol dispela provinsal memba em Mista Robert Lawrence (Provinsal Minista bilong Praimari Industri). Mista Lawrence bai sanap long Kandrian Kostal. Em bai resis wantaim Misis Philomena Yalvil na 9 arapela man.

**Hagen**

Provinsal ileksen bilong Westen Hailans



**Bikman ya i redi long tromoi vot bilong em**

provins bai stat long Sarere 11 Jun.

Provinsal Ilektoral Opisa Mack Marao i tok 282 kandidate i givim nem pinis long sanap long dispela provinsal ileksen.

Namel long ol dispela lain bai i gat wanpela meri tu i sanap. Nem bilong dispela meri em Doros Kiste. Misis Kiste bai resis long sia bilong Nondugl konstituensi.

Kol konstituensi i winim tru ol arapela konstituensi. Bikos i gat 21 kandidate olgeta i resis long en. Apa Kaugel, Lomusa na Apa Nebiua konstituensi i no gat planti kandidate. Ol dispela tripela konstituensi i gat 6-pela kandidate tasol.

Nesenel pati bai resis gen long bosim Westen Hailans gavman long narapela 4 yia. Tasol pati bilong Praim Minista Paias Wingti (PDM) tu bai resis strong long kisim ples.

Tupela pati wantaim i wok long kempen strong yet long wan wan konstituensi. Na tu tupela wantaim i makim pinis ol kandidate bilong wan wan konstituensi.

Mista Marao i tokim Wantok tu olsem kempen i wok long strong yet. Tasol i nogat ripot bilong pait o trabel i kamap.

Em i tok olsem bipo i gat planti pait i save kamap long taim bilong ileksen. Tasol nau ol samting i stat long senis. Long wanem provinsal ilektoral opis i helpim long skulim ol pipel long pasin bilong ileksen. Olsem na nau planti pipel i save olsem wok bilong kempen i no bilong kros o pait long ol arapela sapota na kandidate o pati.

Plis insait long

provins bai patrol long taim bilong ileksen.

Sampela plisman bai was long ol poling tim husat bai i go aut long ol konstituensi long kisim vot.

**Not Solomons**

Long Not Solomon provins, ileksen bai i stat long Fonde 9 Jun.

Ileksen inap long stat long taim yet tasol i bin gat sampela asua long Komon rol. Olsem na provinsal asembli i skruim de bilong vot i go long 9 Jun long givim inap taim long ol wokman bilong Ilektoral Komisen long stretim komon rol.

Primia Joseph Kabui i laik ol pipel husat stap long provins moa long 10-pela yia i ken vot wantaim ol pipel bilong provins stret.

Tasol lo bilong Komon Rol, i tok ol man husat i stap long provins 6-pela mun i ken vot.

Long dispela as tasol na Provinsal Asembli i no amamas. Ol i laik Ilektoral Komisen i mas senisim dispela hap lo bilong komom rol long wanem 6 mun em i sotpela taim tumas.

Ol i tok planti pipel i ken go stap long provins inap 6 mun tasol long vot. Na bihain bai ol i go bek gen long wanem hap ol i kam long en.

Ol bikman bilong Ilektoral Komisen wantaim provinsal gavman i kibung na paitim toktok long dispela. Nau yet em ol samting i wok long go orait gen na ol pipel i redi tasol long votim ol kandidate bilong ol.

Melanesian Alaiens pati husat i wok long ranim gavman nau i wok long kempen strong yet long go bek gen long gavman. Planti pipel insait long provins i tok olsem Not Solomon

provins em asples bilong MA.

Wanpela nupela pati tu i bin kamap pinis. Dispela pati em ol i kolim Bougainville Yunaitet Grup (BUG). BUG i makim pinis ol kandidate bilong em long resis long ol 18 konstituensi insait long provins. BUG bai makim tu wanpela kandidate long resis long sia bilong primia.

Wantok i no kisim nem bilong kandidate husat bai resis long sia bilong primia. Tasol i luk olsem BUG bai makim Leo Hannet long resis long dispela sia. Leo hannet i bin wanpela primia long provins bipo.

**Morobe**

Ileksen long Morobe provins i wok long go het yet. Na bai pinis long sarere 11 Jun.

Provinsal Ilektoral opis John Alwyn i tokim Wantok olsem 248 kandidate olgeta i sanap long ol 35 konstituensi. Namel long ol em tripela meri. Wanpela bilong ol em Primia Enny Moiatz.

Ripot i kam long Lae i tok olsem ileksen i wok long go het yet long konstituensi ausait long Lae na bai pinis long Sarere 11 Jun. Long Lae taun eria yet, ileksen bai pinis long Fonde 9 Jun. Na long Sarere nait 11 Jun bai ol i stat long kaunim ol vot.

Bai ol i kaunim vot long ol wan wan konstituensi. Tasol ol ripot bai go long bikpela opis bilong kaunim vot long Lae. Mista Alywn i tok tu olsem Redio Morobe bai brotkas long ol pipel. Mista Alwyn i askim ol pipel long stap long haus bilong olna putim yau long radio.

Em i tok planti man i save kam long ples bilong kaunim vot na ples i save pas tru.




P.O. Box 1982, Boroko  
Telepon: 25 2500  
Teleks: NE 22213  
Faks 252579

**PE BILONG WANPELA YIA, 52 NUSPEPA**

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K46
America & Europe	K118	K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.





Sagothorns Ben bilong Wewak i redi long kirapim das long Lae.

## Pe bilong haus sik long Wewak i no senis

MEDIKEL suprintenden bilong Wewak Haus sik Dokta Philip Raif. Raif i bin wokim wanpela pablik awenes kempen insait long Is Sepik provins.

Dispela awenes kempen i kamap long Helt Sevis Program em i save kamap long Redio Is Sepik long olgeta wik.

Insait long dispela kempen, Dokta Raif i tok save long ol pipel olsem Wewak Hausik i laik bungim samting olsem K40,000. Wanpela rot bilong kisim dispela mani em long kisim mani bilong haus sik olsem ol i save wokim. Olsem na em i bin toktok tu long pe bilong haus sik insait tu long dispela kempen.

Dispela awenes

kempen em long wokim klia long ol pipel olsem bai ol i baim yet sut olsem bipo em ol i kisim long haus sik.

Dispela i no min olsem bai ol i apim pe bilong marasin na sut long hausik, nogat. Pe bilong sut bai i no inap long senis.

Ol bikpela manmeri bai baim 50 toea husat i laik kisim sut.

## Memba askim long Saut Simbu projek

MEMBA bilong Karamui Nomane Pawa Sisioka i tok em i no laik Fainens Minista Galeva Kwarara i bosim mani bilong Saut Simbu Rurel Developmen Projek.

Mista Sisioka i tok mobeta Fainens Minista givim dispela mani i go long Dipatmen bilong Provinsal Afeas. Na ol kiap bilong Provinsal Afeas bai bosim dispela projek.

Mista Sisioka i tok nau i no gat wanpela samting i kamap long dispela projek. Ol wokman i save tingting long raun nating long ol gutpela ka i go long Goroka na Mt. Hagen na westim mani na i no wok long dispela projek.

Em i laikim gavman ol i wokim wanpela wok painimaut long dispela projek. Na pinisim ol man husat i no wok gut.

Mista Sasioka i tok tu olsem dispela mani em gavman i dinau long en long kirapim dispela projek. Na gavman bai i kisim mani we long bekim bek wantaim interes sapos ol wokman i no yusim gut dispela mani long wokim projek.

Em i askim tu tupela Minista bilong Simbu long nesenel gavman long sapotim tingting bilong em.

## Samban glasim turis bisnis

PRIMIA bilong Is Sepik provins, Bruce Samban wantaim lain bilong em lukluk raun long Turis binis long Kens, Australia. Mista Mark Kemsler bilong Pasifik Intenesel Hotel i bungim Mista Samban wantaim lain bilong em long Tunde 6 Jun.

Mista Samban i laik kisim sampela save long bringim wok turis i go insait long Is Sepik provins. Bai ol i raun inap long 6-pela de olgeta long Kens/Pot Dagles. Dispela eria i gat bikpela turis bisnis long wol. Mista Samban bai toktok wantaim ol bikman bilong ol kampani na grup long Kens husat i gat bisnis long dispela kain wok.

Ol dispela kampani na grup i tokim Mista Samban long wanem

kain samting em ol i wokim long pulim planti turis. Na tu ol i tokim em ol long wanem hevi o asua ol i save bungim.

Semba bilong Komes i tokim Mista Samban tu olsem turis industri i ken givim wok long planti pipel. Long Keins yet, ol nupela projek i save sot long ol man bilong wok. Ol Aborijinis long Kens i save kisim planti mani long ol samting ol i save salim long ol turis. Nau yet em namba bilong ol samting ol i save wokim na salim i winim mak bilong bipo. I gat planti turis tru na samting ol i salim i save pinis hariap.

Long Trinde ol i lukluk raun gen long sampela ples klostu long Kens. Long hia ol i bungim wanpela Aboriginil grup na ol bikman bilong turis bisnis na komyuniti.

# Nau i sans bilong yu long baim sea long wanpela bikpela kampani long Papua New Guinea!



## ANGCO 5 MILION K1.00 SEA I GO AUT

Yu mas aplai long baim 500 na moa sea. Taim bilong baim sea i op nau, na bai pas long Jun 22, 1988.

Long 1964 i kamap nau, ANGCO em wanpela bikpela Kopi Kampani long Papua New Guinea i wok yet long baim na mekim kopi na salim ol kopi tu i go aut long ol wol maket.

ANGCO i gat gutpela nem long wol maket bilong wanem em save salim gutpela na top kwaliti kopi tasol i go long wol maket.

Taim yu baim sea long ANGCO, yu putim moni i go long gutpela sidaun bilong yu na kantri tu long bihaim taim.

*Kisim wanpela prospektus buk i gat ol tok klia na aplikesen fom long olgeta brans bilong PNGBC na ANGCO opis...*

**PLIS KLIA GUT: BAI ISU LONG BAIM SEA BAI PAS LONG 22 JUN, 1988.**



**KRASNOYARSK - Rasia** Ol man i protes bikos ol i no amamas long gavman i bagarapim gutpela wara. Wanpela kampani wok long bagarapim gutpela wara na ol i laik dispela kampani mas pas.

## Fiji plisman painim moa samting bilong pait

**FIJI:** Ol plisman i painim sampela sotgan, bainat na tupela dram katres long Fiji em ol i wokim long Rasia. Ol i painim ol dispela samting long wanpela fam long Namulomulo viles na long wanpela haus long Sabeto viles, klostu long Nadi siti. Dispela eria em planti pipel bilong India i pulap long en. Ol plisman i bilip olsem sampela lain i mas kisim ol dispela samting i go insait

long kantri long mun Epril, las yia. Ol plisman i holim sampela man pinis na i wok long askim ol nau. Wanpela bilong ol em wanpela trak draiva bilong India husat i gat 47 krismas. Em i kamap long kot long Mande na ol plisman i sasim em wantaim tupela arapela man long kisim sampela samting bilong pait i go insait long Fiji. Ol dispela samting i wankain olsem ol dispela em ol kastam opisa bilong Sidni,

Australia i painim las wik. Ol kastam opisa i painim ol dispela samting insait long wanpela bikpela kontena em wanpela sip i laik kisim i go long Fiji. Plis i holim tu Krishna Datt long Mande Jun na 6 askim em long ol dispela samting. Mista Datt i bin Foren minista long kolisen gavman bilong Dokta Bavadra. Tupeni Baba husat i bin Minista bilong Edukesen long kolisen gavman bilong Dokta Bavadra i tok olsem,

kolisen gavman bilong Bavadra i no save long ol dispela samting bilong pait. Dokta Bavadra i tok tu olsem em yet i no save long ol dispela samting. Dokta Baba i tok olsem gavman bilong Bavadra i no save long ol dispela samting bilong pait. em i tok ol soldia na plis husat i mekim wok painim aut long dispela i giaman long putim asua long kolisen gavman bilong Dokta Bavadra.




**KETZIOT - Israel** Ol kalabus bilong Palestin i malolo long ol haus sel bilong ol. Dispela haus kalabus i ken lukautim 4,000 man. Na nau i gat 2,483 Palestin man i kalabus i stap long en.

## Bikpela straik long Saut Afrika

**LONG** Fonde samting olsem 2 milion pipel long Johanesberg, biktaun bilong Saut Afrika i straik na i no go wok. Ol i no amamas long gavman i no mekim wanpela gutpela samting long bringim sampela senis long lo bilong Saut Afrika we

ol waitman tasol i bosim gavman bilong ol. Minista bilong Man Pawa long Saut Afrika Pietie du Plessis i tok olsem ol blak skin i bin mekim planti straik em ol i no kisim tok orait long mekim. Olsem na em i tok tu olsem sapos ol i mekim yet dispela

pasin bilong ol i no kisim tok orait na straik bai em i pinisim planti bilong ol long wok. Straik bilong tunde en namba wan 3-pela de straik em gavman i givim tok orait long ol i mekim. Leba yunian bilong Saut Afrika, ol kain kain sios grup, na lain husat i egenisim lo bilong apietaid i ogenesesen straik.




**BORKEN - Wes Jemani** Wanpela helpman i putim samting bilong kisim win na go daun long helpim ol wanwok bilong em i dai insait long graun. Ples bilong painim ol ston i pairap na samting olsem 50 ol wokman i bin dai.



**LONDON - Ingran** Presiden Reagan bilong Amerika na Prais Minista bilong Ingran Margaret Thatcher i sanap redi long kisim piksa. Reagan i no givim ripot bilong em long bikpela kibung bilong em wantaim Presiden Mikhail Gorbachov bilong Rasia.



**LONDON - Ingran** Presiden Ronald Reagan bilong Amerika i sekan wantaim Kwin Elizabeth. Meri bilong Reagan, Nancy i lukluk i stap. Reagan i stap wanpela de long Ingran na toktok wantaim Prais Minista Margaret Thatcher.



• Washington - Amerika Presiden bilong Salvador Jose Napoleon Duarte i gat sik log bel. Hia em pikinini bilong em Napoleon i helpim em. Dokta bilong presiden i sanap long bak-sait.

## Ileksen long Frans

TUPELA rait-wing memba bilong Frans Asembli husat i makim ol pipel bilong Nu Kaledonia, i kisim bek sia bilong tupela. Tupela i winim namba wan raun bilong jenerel ileksen long Sande.

Planti Melanesia (Kanak) i no vot insait long dispela ileksen. Wan wan tasol i vot long dispela ileksen.

I no gat ripot bilong pait o trabel i kamap olsem long Epril 24 taim rijonal ileksen na namba wan ileksen bilong makim presiden i kamap.

Sosalis Presiden bilong Frans Francois Mitterand i winim

kosevetiv kolisen gavman long presidensial ileksen long mun Me. Ol konsevetiv. Konsevetiv i kisim planti vot long namba wan raun long ileksen bilong Nesanel Asembli. Tasol ol Sosalis i winim ol.

Tupela pati wantaim i kisim wankain namba long vot long Sande. Tasol ol man husat i kaunim vot i tok olsem Sosalis pati bai winim planti sia bilong 577-sia insait long asembli.

Ripot i tok olsem Jean-Marie Le Pen bilong Nesanel Fran Pati bai i no inap winim planti sia insait long palamen.

Wanpela gutpela askim em, pati bilong

Le Pen (Nesanel Fran) bai givim sapot long Tredisenel Konsevetiv pati, long resis long ol distrik o nogat.

Interio Minista Pierre Joxe i tokaut olsem (lida bilong Sosalis Pati Michel Rocard na gavman bilong em bai winim planti sia insait long palamen.

Lida bilong Kosenvetiv Pati i tokim ol sapota bilong ol long kempen strong. Bai ol i ken winim planti vot long narapela wik.

Alain Juppe husat i bin Baset Minista long gavman bilong Jacques i tok olsem. Nau yet em i no save long strong bilong tupela pati. Bikos tupela pati i wok long go strong wantaim.



KETZIOT - Israel Wanpela soldia bilong Israel i was long banis kalabus. I gat planti toktok tru i kamap nau long dispela banis kalabus. Dispela haus kalabus i ken holim 2,483 ol kalabus. Planti bilong ol dispela kalabus em ol Palestin husat i no kamap long kot tasol Israel i salim ol i go kalabus long dispela hap.

## Rasia tok orait long rekot bilong Beatles

WANPELA memba bilong ol Beatles Paul McCartney i kamap namba wan Westen singa long wokim kamap wanpela rekot bilong em long Rasia. EMI wanpela rekoting kampani i tokaut long dispela. Wanpela mausman

bilong EMI i tok olsem ol yangpela bilong Rasia i amamas tru long long dispela rekot. Melodia kampani long Rasia i wokim dispela rekotg. Melodi bai salim aut 400,000 kopi bilong dispela rekot. Dispela

rekot i gat 13 rok-enrol musik long en.

Wanpela gutpela singsing bilong ol Beatles em planti man i laikim em 'Back in the USSR'. McCartney i tok olsem long taim bilong ol Beatles,

planti ol gutpela lain husat i save laikim musik bilong em i stap long Rasia. Gavman i bin tambu long musik bilong ol Beatles long kamap long Rasia. Tasol planti pipel i save harim ol singsing bilong ol em ol i rekotim long redio o haitim na kisim i go insait long kantri.



PANAMA SITI - Amerika Wanpela meri i brumim ples long Yunivesiti bilong Panama. Planti ol sumatin i laik dispela skul i pas tasol gavman bai opim yet.

**Mobil** **WIN!** **WIN!** **WIN!**

In conjunction with **QANTAS**

**3 TRIPS TO**

**World Expo 88** **BRISBANE AUSTRALIA.**

**PLUS MORE BIG PRIZES**  
**TV • VIDEO CASSETTE • STEREO**

**FREE ENTRY**  
To contest when you spend a minimum of K5 on Mobil products in Port Moresby or Lae

# Pait i daunim divelopmen

Dia Edita,

Mi wanpela manki bilong Mulisoas viles long Laiagam insait long Enga provins. Mi laik sapotim pas bilong brata David Thomas bilong Mulisoas komyuniti skul. Pas bilong em i kamap long *Wantok Niuspepa* bilong mun Desemba, 1987.

Mi les tru long wanem pait insait long Enga i no save pinis. Olgeta taim bai yumi harim olsem meri i kisim tamiok na kilim indai man, ol ples i pait long graun, haus i paia na ol kain samting olsem i save kamap. Long dispela kain pasin tasol na planti haus na tred stua bisnis i save bagarap. Long lukluk bilong mi, Enga provins i stap krangi olgeta nau.

Olsem na askim bilong mi i go olsem inap ol nesenel memba bilong Enga wantaim Enga

Provinsal gavman i lukluk long dispela hevi na kamapim wanpela strongpela lo?

Olsem na mi laik husat man i statim trabel o pait i mas i go stret long kalabus. Maski long go long kot. Na tu ol i mas givim ol dispela kain man 20 yia o moa wantaim bikpela mekim save. Mekim olsem bai ol i ken pilim taim.

Sapos yupela i no mekim wanpela kain lo olsem, na larim ol gras rut viles kot manmeri tasol long lukautim bai pait insait long Enga provins i no inap pinis. Em bai mipela ol pipel bilong Enga i pait olsem yet. Na kilim mipela yet olsem ol pik na dok.

Em tasol liklik toktok bilong mi.

**David Loman na Porealin Wanpis, Mulisoas Viles, P.O. Box 68, Laiagam, Wabag, Enga Provins.**

## Ol plisman i slek

Dia Edita

Mi wanpela manki bilong Laiagam insait long Enga provins. Na mi laik autim wari bilong i go long ol plisman insait long provins.

Taim tupela lain pipel i pait na ol plisman i go ol i no save go brukim pait. Ol i save giaman i go na sekim haus na brukim gaden na painim

meri.

Enga provins em wanpela provins we dispela kain ripot bilong pulim ol meri i kamap. Taim pait i bruk long tupela wanpelin, asde yet ol plisman i stenbai pinis.

Mi ting dispela kain pasin i mas pinis. Go stret long ples bilong pait na daunim ol dispela pait. Na maski long tingting long

painim ol yangpela meri long taim billong pait.

Mi yet i askim olgeta plisman long stapim dispela kain pasin na mekim tru wok bilong ol. Yupela mas tingim ol pipel bilong Enga na helpim ol.

**Aprakame Kisa, Tukae Viles, Laiagam, Enga provins.**

## Maski bihainim meri

Dia Edita,

Mi save lukim ol man i salim ol samting long maket long Lae i no stret. Em i wok bilong ol meri long salim ol samting long maket.

Ol man i mas stap long ples na mekim

bisnis na ol arapela wok bilong ples. Ol i ken lukautim kakao na kopi long ples. Bilong wanem tru yupela i save bihainim ol meri na go sindaun long maket?

Mipela ol Is Sepik i no save mekim olsem. Mj save lukim planti man bilong arapela

provins i save mekim dispela pasin i no stret.

Mi save lukim planti man Hailans i save mekim dispela pasin. Ol i sindaun long maket i go tudak nau ol i slip long maket.

**Max P Yuwi, P.O. box 15, Lae.**

## Ol Lida noken daunim sios

Dia Edita,

Askim bilong mi go long Mista Utula Samana olsem, em i save go lotu tu o nogat? Mi bin lukim

ol niuspepa olsem Mista Samana i bin kolim tewel long Luteran sios. Dispela toktok i no gutpela toktok.

Mista Samana i mas lusim tingting pinis olsem mipela ol Luteran yet i bin putim em long wok politik.

Seven pela yia em i

bin stap olsem primia bilong Morobe i bin long strong bilong mipela ol Luteran. Long 1987 mipela ol Luteran gen i bin makim em long stap long Nesenel Pala-

men. Mista Samana em i wanpela Luteran tu olsem na em i no ken kolim tewel long sios bilong God.

**N.H.T. Gedion, Doreen St, 2 Mail, Lae.**

## Maski daunim Sepik

Dia Edita, Mi laik autim wari bilong mi i go long olgeta pipel na ol arapela provins i mas lukim. Wari bilong mi em long nem Sepik.

Mi laik tokaut stret olsem i gat tupela Sepik provins, Is na Wes. Mi laik mekim liklik toksave long pait i bin kamap long Arawa maket.

Yes, taim dispela pait i kamap, olgeta pipel long Not Solomons i tok olsem ol Sepik i mekim dispela trabel. Tasol mi laik tok klia olsem, ol lain manki bilong

Wosera na Yangoru i mekim dispela trabel. Dispela lain tasol i wok long kamapim trabel long Kieta na Toniva.

I gat planti distrik tru long Is na Wes Sepik. Olsem na mobeta kolim ol stret. Na no ken kolim nem Sepik.

Wes Sepik em nara-pela provins yet. Olsem na no ken putim nating nem bilong Wes Sepik. Sapos yu laik kolim nem bilong Sepik orait plis painimaut gut pastaim.

**Alu Wain, Toniva, NSP.**

## Laik bilong ol meri

Dia Edita,

Mi laik bekim pas bilong susa ya Anna Mark. Pas bilong em i kamap long *Wantok Niuspepa* namba 71 Me 5-11. Pas bilong em i sapot long ol meri i ken putim trausis.

Susa Anna Mark i tok olsem em i putim trausis long taim em i liklik yet i kam inap nau. Em i tok tu olsem ol meri Sepik i no save putim laplap o klos. Ol i save putim trausis tasol.

Dispela em i orait. Nogat tambu long en. Tasol yupela no ken putim trausis bilong ol meri tasol.

Pas bilong Susa Ruth Bair i tok olsem ol meri husat i save oputim trausis bilong ol man i mas putim pens bilong man tu bai orait.

Em tok tu olsem sampela meri i save putim trausis na larim hap sin bilong ol i stap ples klia. Ol dispela meri i no save pilim sem.

Tasol ol i save wokim ol arapela meri i pilim sem long dispela kain pasin. Olsem na susa Ruth i pilim i no gutpela na i rait i kam long *Wantok* long autim tingting bilong em.

**Evis Inase, P.O. box 138, Boroko, NCD.**



• Utula Samana

## Trausis bilong husat?

Dia Edita,

Mi laik sapotim tingting bilong Mundu Manorey. Pas bilong em i bin kamap long *Wantok* long 5 Me. Na pas bilong em i bin toktok long ol meri i putim trausis.

Dispela pas bilong em i tru ya. Long Rabaul yet ol meri i save putim trausis na siot. Na ol i save stailim tru na wokabaut long taun.

Oltaim mi save tingting, ol i putim trausis em ol i luk gut o? Planti bilong ol meri i putim trausis i no luk gutpela. Bodi bilong ol i no slip stret.

Dispela trausis em bilong ol man tasol. Na i no bilong ol meri i putim nabaut.

Na tu taim ol meri i putim trausis ol i no save sem long ol man lukim mak bilong bodi bilong ol o no gat. Planti meri save sem na i no save putim trausis.

Ating ol meri i laik go so op tasol na putim trausis. Dispela kain we ol meri i save dres o putim klos i save bagarapim tingting bilong ol man long holimpas meri na bagarapim ol.

Mi laik gavman i mas traim kamapim wanpela lo. Ol meri i no ken putim samting bilong ol man. Long dispela as tasol na planti trabel samting i save kamap.

Na long taim ol man i mekim dispela ol pasin nogut em i asua bilong husat? Asua bilong ol man o bilong meri. Bikos ol meri yet i rong na trausis i mekim ol na man i bagarapim ol.

Na tu mi laik egensim tingting bilong Ann Mark. Mark em bilong Bisop Leo Hai skul. Na em i tok ol man i noken jeles.

Susa yu bilong Sepik na mi tu bilong Sepik. Ol planti pipel long narapela provins i save lukim mipela i tok, Sepik em asples bilong bagarapim ol meri na trabel. Na dispela i save mekim mipela i sem ya.

Dispela tasol i mekim Wewak taun i pulap tru long ol raskol. Long dispela em liklik bekim bilong mi long Ann Mark. Noah Walmip, Rabaul, ENBP.



## OLGETA PIPEL I LAIKIM NIUGINI TABLE BIRDS

Yu laikim famili bilong yu i kaikaim nambawan kwaliti kakaruk tasol? Maski yu praim, kukim long aven, o yu kukim long paia o yu miksim wantaim arapela kaikai --- Niugini Table Birds em nambawan kakaruk stret.



I'M KAIKAI KAKARUK FRESH FROM  
**Niugini Table Birds**

DD&A 2652



# Ol DPI Opisa i slek

Dia Edita, Mi laik sapotim ol sampela toktok bilong brata ya J. Sem bilong Popondetta. Em i bin toktok long "OL DPI OPISA NO WOK GUT LONG BOANA." Dispela ol toktok bilong em i bin kamap long Wantok niuspepa namba 721 bilong 28 Epril-4 Me, 1988.

Mi yet i bilong ples Kasanombe na mi laik surikim sampela toktok moa long wanem samting em brata ya i bin mekim long en. Mi bin stap longpela taim tru long ples tasol mi

no lukim wanpela DPI opisa i go raun lukluk long ol ples long Nabak senses divisen.

Ol pipel bilong dispela hap i gat bikpela hap graun i stap. Antap long ol dispela hap graun bilong ol, ol i planim kopi na kadamom. Tasol ol i sot tru long save bilong mekim wok long ol dispela samting na kisim mani long en.

I luk olsem ol DPI opisa long dispela ol hap i slek tasol long mekim ol wok bilong ol. "Yupela ol DPI

opisa i nogat mani long mekim ol dispela wok o yupela i nogat inap save long skulim ol pipel long mekim ol dispela wok o olsem wanem?"

Sapos yupela i sot long mani bilong mekim dispela wok, em i bikpela samting. Tasol sapos yupela i nogat inap save o yupela i les tasol, mi no inap long save bilong wanem na yupela i bin laik kamap olsem ol DPI opisa.

Sapos yupela i ol DPI opisa tru, yupela

i mas go insait long ol ples kanaka na givim helpim i go long ol lain tarangu bilong ples. Ol dispela lain i laik mekim ol gutpela wok bisnis long ol samting ol i gat long en, tasol i nogat wanpela man bilong soim ol long rot bilong mekim dispela.

Sapos yu husat DPI opisa o arapela man i lukim dispela na i laik mekim sampela toktok bilong yu yet, rait tasol long Wantok niuspepa olsem bai mi ken lukim.

**Bobby Bewani, WSP.**

# Gavman mas helpim Tokples skul

Dia Edita, Mi bilong Mumeng long Morobe Provins na mi laik sapotim tru pas bilong susa ya Josephin Daniel. Pas bilong em i bin kamap long Wantok niuspepa namba 720 bilong 21 Epril, 1988.

Pas bilong Josephin i bin toktok long ol tokples skul na baibel

Yan i no save helpim bilong gavman. Dispela ol toktok bilong em i tru. Long ples bilong mi

yet tu i wankain.

Ol pipel bilong ples i laik mekim wankain wok tasol i no gat mani. Long dispela hevi na ol man na meri i save ranawe nabaut i go long ol taun. Ol i save traim painim wok long ol taun tasol taim i no gat wok, ol i save go wantaim ol raskol bilong taun na mekim ol pasin nogut.

Na ol meri i save go insait long ol pasin bilong salim skin na

painim mani bilong helpim ol yet long stap long taun. Na long sampela taim tu ol pikinini i no gat papa i save kamap na ol tu i raun longlong long taun.

Sapos yu husat i lukim dispela pas na i gat sampela toktok bilong yu yet long mekim, rait tasol long Wantok niuspepa olsem bai mi ken lukim.

**Sele Lawagem, P.O.Box 369, Port Moresby.**

# Skul bilong olgeta sios o?

Dia Edita,

Mi wanpela man Wewak mi laik autim wanpela wari bilong mi i go long ol Mercy Sista long Yarapos hai skul.

Mi bin kisim liklik susa bilong mi go na askim ol sista sapos i gat spes bai susa bilong mi ken skul long hap.

Sista i bin tokim mi olsem i gat planti spes i stap tasol em i askim sios bilong mi. Mi tokim em olsem mi memba bilong A.O.G sios na man, pes bilong sista i senis olgeta.

Em i tokim mi long kisim susa bilong mi go long arapela skul bikos Mercy Koles i save kisim ol Katolik pikinini tasol.

Dispela kain toktok em i kam long sista o Katolik Edukesen Ejensi i bin mekim. Sapos sista i no bihainim tingting bilong ejensi orait ejensi i mas rausim em long dispela wok. Sapos nogat bai mi yet mi go na rausim tewel nogut i stap long dispela sista.

Planti A.O.G na narapela lain long ol Wan We Sios husat i save skul long Mercy koles i save painim planti hevi tu.

**Johnie Feliku, Wewak Plentesen.**

# Mamose givim gutpela sevis

Dia Edita, Mi laik bekim pas bilong brata ya Mika Apu Apiro em i bin kamap long Wantok namba 720 bilong mun Epril. Pas bilong brata ya i bin toktok long sip 'Mamose' i mas senisim nem bilong em.

Mi no wanbel long dispela tingting na ol toktok bilong yu. Wanem samting en yu bin toktok long en i no gutpela. Dispela em i

tingting bilong olgeta pipel bilong Sepik o em i tingting bilong yu wanpela.

Ating olgeta pipel i amamas tasol long sevis dispela sip i save givim long ol. Nem em dispela sip i holim nau gutpela na i no gat wanpela samting i rong long en. Olgeta ol lain husat i bin sindaun long dispela taim i bin amamas long givim dispela nem long sip.

Sapos dispela sip i

no mekim wok bilong em bai ol pipel bilong Mamose rijon i kisim taim stret. Sapos yu raun liklik long Mamose rijon bai yu ken lukim olsem ol pasindia i save amamas tru long dispela sip. Ol i save kisim gutpela sevis nau i kam long sip ya MV Mamose.

**Lemako Yuape, P O Box 508, Panguna.**

# Trans-Gogol i laikim gutpela rot

Dia Edita, Mi wanpela man bilong Trans-Gogol na mi laik autim wanpela wari long dispela rot ol i kolim Trans-Gogol Haiwe.

Em i rot bilong gavman o em i rot bilong ol welpik. I gat planti pipel i stap long Trans-Gogol eria na i gat planti bisnis

kakao na kopra i kamap long hap.

Sapos yupela i no save orait, Trans-Gogol eria i gat 4-pela skul tu. Olsem wanem - Madang provins em i pinis long Rai Kos o wanem. Yupela ol bikman bilong gavman i mas save olsem mipela ol Trans-Gogol i stap long Madang provins tu.

Provinsal gavman

mas helpim mipela ol Trans-Gogol na stretim dispela rot. Bilong wanem na provinsal gavman i pretim mipela. I luk olsem provinsal gavman i lusim tingting long mipela pinis.

Noken wansait tasol na tingting long mipela ol arere lain tu.

**Mr M Andrew Legas, Trans-Gogol Haiwe, Mawan.**

# Ol bikpela hap sis bilong mekim sanwis!



Teis gut tru, na-em isi tru long mekim bikpela sanwis!



Rausim tasol ol haphap sis ol i katim pinis.

**Gutpela teis... em gutpela long yu!**

\*Registered Trade Mark

# Wel kampani lusim ples

SANTOS Oil Eksploresen kampani bai pinisim wok bilong painim wel insait long Westen Provins. Ol i bin stat long mun Oktoba bilong las yia.

Long dispela taim em i bin kisim samting olsem 500 wokman olgeta bilong Kiunga long

helpim em long mekim dispela wok bilong em. Long dispela wik Fraide 10 Jun, dispela kampani bai i pinisim olgeta wok bilong en long Elevalaria bilong Westen Provins.

Fil Menesa bilong Santos Oil kampani long Drimdamasuk bes kem Ian Thompson i bin tok olsem ol i

bin stat pinis long rausim ol kain-samting olsem ol kompyuta, ol samting bilong salim toktok na painim wel na ol plan-ti arapela samting.

Em i tok ol haus, ol waia bilong pawa na ol samting bilong karim wara tasol bai i stap. Mista Thompson i tok dispela ol samting bai i go long han

bilong ol papa bilong graun na ol lain asples.

Em i tok; "Long taim mipela i lusim dispela hap, ol papa bilong graun i ken kam insait na kisim ol dispela samting na yusim ol long wanem kain rot em ol i laik mekim long en."

# No gat ples bilong ol balus bilong ami

OPOSISEN i askim gavman long givim sampela mani i go long Papua Niugini Difens fos long stretim ol samting bilong em long Nadzab ples balus. Gavman i pasim olgeta Lae ples balus na Difens Fos i no gat ples long putim ol balus bilong em.

Long nau yet, ol soldia i wok long slip long Nadzab ples balus long ol haus sel. Man i makim Difens long Oposisen Timothy Bonga i bin tok olsem em i no save bilong wanem tru na gavman i tokim Difens fos long go long Nadzab. Bikos i no gat



• Timothy Bonga

haus bilong ol balus na wokman long mekim ol wok bilong Difens fos i stap long Nadzab.

Mista Bonga i tok em i tru olsem ol lain long Difens Fos i no bin bihainim lo long mekim dispela samting long was na stap yet long Lae epot na mekim ol wok bilong ol. Tasol gavman i

mas lukluk tu long ol wari bilong ol dispela lain.

Em i tok; "Mipela i no ting olsem Ol lain bilong Difens Fos i laik sakim tok tasol ol bikman na bosman tu i no bin harim ol toktok na wari bilong ol olsem na ol i mekim olsem."

Mista Bonga i tok wanem samting em gavman i mas mekim em long givim sampela mani i go long Difens Fos long wokim ol samting bilong ol yet long Nadzab. Em i tok inap long taim ol dispela samting i kamap, ol lain bilong Difens Fos i mas yusim Lae ples balus long mekim ol wok bilong ol.

# Mosbi i gat nupela skaut bos



• Nupela skaut komisina bilong Nesanel Kepitel na Sentral Provins Steve Bramish i kisim mak bilong em long Komisina bilong hetkwata, Jim Richards. Siev Skaut Kominisa bilong Papua Niugini Mea Vai i sanap lukluk long raithan

OL SKAUT long Nesanel Kapital Distrik na Sentral provins i gat nupela skaut komisina nau. Dispela man em i Steven Bramish bilong Australia tasol nau i wanpela ensinia long Difens Fos long

Mosbi. Mista Bramish em i wanpela saveman bilong wok bilong lukautim ol skaut na long taim long i makim em olsem komisina em i bin skaut lida long Murray Bareks skaut grup.

I gat 11-pela skaut

grup long Mosbi na 6-pela long Sentral provins. Bipo ol i no gat komisina na ol i save painim hat tru long kisim sampela helpim long stretim ol hevi bilong ol.

Long poto em Hetkwata komisina bilong ol skaut Jim Richards

i putim mak bilong komisina long Mista Bramish. Man i sanap long raithan em Mea Vai Siev Skaut Komisina bilong skaut long Papua Niugini. Ol dispela samting i bin kamap long bikipela bung bilong ol skaut i bin kamap long Mosbi.

# Ol ailan yut bung long Kavieng

MANUS YUT i bungim pinis K7,800 long baim rot bilong ol yut long go stap insait long bikipela so bilong Niugini Ailan yut long Kavieng. Dispela Yut So bai i kamap long Kavieng, Nu Ailan Provins long 12 Jun i go inap long 17 Jun.

Provinsal Yut kodineta bilong Manus Blasius Sual i bin tok olsem i gat samting olsem 110 yangpela bilong bikiples Manus na ol ailan i stap nau long Lorengau. Dispela ol lain i redi tasol long brukim solwara long MV Kaum long go long Kavieng long Trinde 8 Jun.

Mista Sual i tok "Ol lain yangpela bilong Manus i bin helpim long painim mani bilong dispela bikipela Yut So long ol kain liklik samting olsem ol danis, wokaton, salim ol botol na wan wan bilong ol lain husat bai i stap insait long dispela So i bin givim K25"

Provinsal Yut opis long Manus yet i bin helpim long givim

K4,000 na PNGBC tu i helpim ol.

Dispela ol lain bilong yut bai stap insait long ol pilai olsem, basketbal, volibal na etletiks bilong ol man na meri wantaim. Na ol man bai i pilai sofbal tu.

Insait long string ben resis, grup Ulta Renewal bai i makim ol lain bilong Manus yut na Titpuke tieta grup bai i makim Manus long ol danis na drama pilai.

Mista Sual i bin givim bikipela tok amamas bilong em i go long menesa bilong PNGBC Peter Pasung long sapotim ol yut bilong Manus na Non Apa long putim dispela samting long pablik i ken save.

Provinsal Minista bilong Edukesen, Yut na Spots Paul Pokolou na tripela arapela provinsal memba bai go wantaim ol yut long Kavieng. Dispela tripela memba em memba bilong Lorengau taun Menel Pohei, memba bilong Mali, Philip Tapo na memba bilong Rapatona, Albert Punjimil.

## Pe em liklik tru...Teis gut tru!

**WRIGLEY'S 10t**  
**PK**  
CHEWING GUM

**WRIGLEY'S 10t**  
**JUICY FRUIT**  
CHEWING GUM

**WRIGLEY'S 10t**  
**ARROWMINT**  
CHEWING GUM

**hubba bubba 8t**  
hubba bubba

**10t**   **10t**   **10t**   **8t**

**NAU 8t**

**NUPELA PRAIS LONG OLGETA STOA**

**WINIM BIKPELA BABELS**

# Sik anemia kamap bikpela long wel pam blok

SIK ANEMIA i wok long kamap bikpela nau long ol wel pam setelmen insait long Wes Nu Briten Provins.

Ripot i kam long Kimbe i tok olsem Divisen bilong Helt long Wes Nu Briten i wok long traim daunim dispela sik. I gat tupela grup bilong ol opisa bilong dipatmen i raun givim skul long dispela sik.

Ekting seketeri bilong Helt Peter Kaocho i tok ol wokman bilong em i wok strong tru long daunim dispela sik nogut. Em i tok tu olsem namba bilong ol man i kisim dispela sik i go antap na winim bilong las yia. Tasol em i tok i no inap tokaut long namba bilong man i kisim sik inap olgeta wok painimaut i pinis.

Koacho i tok i gat sampela pikinini i bin dai pinis long taim ol i kisim dispela sik. Dispela em bikos planti ol papamama i srek tru long bringim kwik ol pikinini bilong ol i go long haus sik.

Nau yet i gat planti

toktok tu i kamap long wok bilong DDT. Ol wokman i bilip olsem taim ol i stapim dispela DDT na dispela sik i kamap. Na tu i gat planti ripot tu bilong malaria nau i kamap.

Ol wokman bilong Nu Briten Wel Pam Dvelopmen i sutim tok long kamapni long dispela sik. Ol i tok as bilong sik i kamap bikos i no gat gutpela sindaun. Planti ol haus i bagarap na kampani i no tingting long stretim ol dispela hevi bilong ol wokman.


Mausman bilong ol pipel, Eki Miopa i tokim *Wantok* olsem planti taim ol wokman i toktok long kampani tasol ol i no save harim tok ya.

Em i tok kampani i save wari long kisim mani na i no tingting long lukautim sindaun bilong ol wokman bilong em.

Mista Kaocho i tok dispela hevi bai go het

inap long wanpela mun. Nau yet i no gat mani na ol bai traim long karim kempen long daunim dispela sik long hap bilong Talasea Distrik tu.

Long ol arapela toktok bilong Helt, Kimbe Haus sik i sot tru long blut na ol i askim ol man long helpim kwik. Bikos dispela sik anemia i save pulim blut tru ya.



## Ariako laikim strongpela lo bilong was long solwara bilong PNG

Primia bilong Madang Andrew Ariako i laik gavman i mas mas wokim ol strongpela lo bilong stapim ol arapela kantri i kam bagarapim solwara bilong PNG.

Mista Ariako i wokim dispela toktok long taim em i pasim wanpela kibung bilong ol fiseri opisa long las wik. Ol fiseris opisa insait long kantri i bin stap long dispela kibung long Madang.

Mista Ariako i tok olsem gavman i mas mekim ol gutpela plen long stapim ol hausait kantri long bagarapim ol pis na arapela kain samting long solwara bilong PNG.

Mista Ariako i tok amamas tu long nesenel gavman long wokim wanpela Nesenel Fisarid Dvelopmen Plen.

Em i tokim ol dispela fiseris opisa

olsem ol man long bipo husati no mekim gut wok bilong ol i mas plenim na kamapim lo bilong bosim 200 Mail Ekonomik Son, transferi prais, wokim wok painimaut long pis indastri na ol arapela wok orait bihain ol i ken wokim plen. Primia i tokim ol fiseris opisa olsem wok bilong ol em long senisim tingting bilong ol pipel husati stap long nambis na ol i ken save olsem kopra tasol i no rot bilong kisim mani. Ol i mas save olsem pis na ol abus samting bilong solwara i wanpela gutpela rot tu long kisim mani.

Mista Ariako i tok tu olsem dispela bisnis bai helpim sindaun bilong ol pipel bilong. Bikos nau ol i strong long kopra tasol na long taim pe bilong kopra i go daun ol bai kisim liklik mani tasol.

# GMIM FAMILI BILONG YU Teis bilong Sunshine NA YU INAP LONG WIN WANPELA LONG 150 SUNSHINE PRAIS!

Wantaim BMX Bikes, Redio Kaset, Bikpela Eski Kula na Liklik Hetpone Redio.



### I NO HAT WOK...

....rausim labol long SUNSHINE tin. Long baksait bilong pepa, raitim nem na adres na liklik lain tasol, tokim mipela bilong wanem **yu** save SUNSHINE Milk! Salim i go long Nestles SUNSHINE, P.O. Box 1660, Pot Mosbi.

Salim planti labol long laik bilong yu! Bai yu ken gat moa sans long win!

Kipim SUNSHINE Instant Milk Powder long kabot na bai i gat milk bilong ol famili. Tanim tasol wantaim wara....na yu gat gutpela nais milk!



COLOR USED

# Ol rot bilong kamapim ol smatpela buk na megasin

OL 15 manmeri long ol kantri long Saut Pasifik i stap insait long wanpela kos bilong stretim ol stori bilong ol buk na megasin. Dispela woksop i kamap long Madang na Michael Keith bilong New Zealand School Publications i bin go pas long en.

Dokta Karlheinz Renfordt husat i bosim opis bilong Friedrich Ebert Stiftung long Saut Pasifik i bin opim dispela woksop long Mande 6 Jun.

Dokta Renford i bin toktok long ol lain

insait long dispela woksop olsem ol buk na megasin samting i winim ol nupela kain samting olsem televisen. Bikos man i ken holim ol dispela samting i stap long taim na kisim gut save long en. Tasol ol kain samting olsem televisen em i kamap nau tasol na ol pipel i lukim na ol toktok samting i go lus pinis. Sapos yu no harim gut toktok bai yu no gat sans long tanim gen na harim bokis samting i lus pinis.

Em i tok tu olsem ol buk na megasin o niuspepa samting i no nidim plag o bateri nogat. Man i ken

karim raun na ritim ol toktok long wanem taim em i laik. Em i no inap wari long baim bateri o painim pawa poin na harim ol toktok o ritim ol samting.


Ol manmeri husat i stap insait long dispela woksop i kisim skul long pasin bilong stretim ol samting olsem piksa na ol stori samting em bai stap insait long ol buk i megasin. Ol i kisim skul tu long wok bilong ol kala piksa na droing samting na olkain rot bilong mekim buk megasin i luk nais olsem bai grisim ol manmeri long ritim.





• Ol lain manmeri husat i kamap long dispela kos

## Steamships HARDWARE

MIPELA WOK LONG MEKIM PNG I KAMAP STRONG




Mipela go pas long saplai long ol kain kain samting bilong wok.



Kam long Steamships Hardware na lukim wanpela so i autim ol kain kain we long wok wantaim ol pawa tul

KAM KISIM WIN LONG STEASHIPS HARDWARE. I GAT SAMPELA FRI PRAIS, RESIS NA OL NUPELA SAMTING. KAM AMAMAS LONG STEAMSHIPS HARDWARE



SARERE-SANDE-MANDE

Theresa Beckwith, 2/1/1988

# BIKUPELA *DISCOVERIES*

**OLGETA KARI  
STAP OLSEM  
TASOL BILONG  
SALIM!**

UVP 752  
TOYOTA HI-ACE  
15 SEATER BUS.  
GOOD GOER

**K3,590**

UVP 860  
FORD FALCON UTE.  
FITTED WITH AIR  
CONDITIONER, B/BAR

**K9,990**

UVP 833  
TOYOTA STARLET  
MANUAL SEDAN

**K2,990**

UVP 805  
DATSUN 120Y MANUAL  
SEDAN

**K1,690**

UVP 747  
ISUZU BLD 25 SEATER  
BUS

**K2,500**

UVP 828  
FORD CORTINA  
MANUAL SEDAN

**K1,990**

UVP 713  
TOYOTA HI-ACE 15  
SEATER BUS

**K1,500**

UVP 797  
ISUZU WFR 15 SEATER  
BUS

**K1,600**

UVP 715  
NISSAN E23 15 SEATER  
BUS

**K4,000**

UVP 806  
TOYOTA CROWN AUTO  
SEDAN

**K2,190**

UVP 840  
NISSAN 4x4 PATROL  
WHITE IN COLOUR

**K9,990**

UVP 834  
SUZUKI 4x4 5 SPEED  
H/ROOF, S/W, ONLY  
22,000 KM

**K9,990**

UVP 829  
MAZDA UTILITY

**K990**

**PRAIS MONI TASOL!**

**POT MOSBI  
TASOL**

# NEW GUINEA MOTORS

**ISUZU**

PORT MORESBY  
Bob Hall  
Ph: 25 3644

LAE  
Mark Seabrook  
Ph: 42 3477

KIETA  
Chris Swan  
Ph: 95 6144


RABAUL  
Ron Gough  
Ph: 92 1022

GOROKA  
Allan Wombwell  
Ph: 72 1644

MT HAGEN  
Tony Ryan  
Ph: 52 1152

KIMBE  
John Suttor  
Ph: 93 5191

and TABUBIL  
Shiva Sinnaduray  
Ph: 58 9048



# The Lowest Wholesale Price For Everyone?



"QUANTITY PRICE EVEN FOR ONE CARTON".

SOON AT OUR NEW...

# CUT PRICE ★ WHOLESALE SUPERMART

Watch This Newspaper For Details Of Our Grand Opening In Our New Gordons Location.



# BAIBEL KOMIK

## Ol wok bilong ol Aposel


Taim ol toktok long wok bilong Philip i kamap long ol disaipel long Jerusalem, Pita na Jon i go long Samaria. Na long taim tupela i putim han antap long het bilong ol nupela pren bilong Jisas, Holi Spirit i go insait long ol.

Man, dispela em i gutpela samting tru em mibin lukim...




Mi laik b a i m dispela p a w a bilong yu.

Simon, mani i no inap baim dispela samting. Yu nogat ples long wok bilong God, long wanem tingting bilong yu ipulap long ol rabis samting. Tanim bel, na prea olsembai God ken lusim sin bilong yu.



Baibel i no tokim yumi sapos Simon i tanim bel o nogat. Nem bilong em i no kamap moa.

Bihain, Pita na Jon i go bek long Jerusalem. Tasol Philip i bin stap bek. Na long wanpela nait, God i salim nupela tok-save gen long em.



Philip! Kirap na go daun long rot bilong Jerusalem i go olsem long Gaza.

Philip i bihainim tasol dispela toktok. Em i no save bai em i painim wanem long dispela hap.



### LONG ROT I GO LONG GAZA

Wanpela ensel bilong God i tokim Philip; "Bihainim dispela rot i go olsem long Gaza." Philip i harim tok na i go..... Em i taitim rot i go na wanpela karis i kam long baksait. Long dispela taim Holi Spirit i tokim em "Go long dispela karis na stap klostu long en."



Wanem kain man tru i stap long dispela karis na God i salim mi kam long bungim en?

# Ol Toaripi helpim wok bilong sios

LONG Sande 5 Jun ol lain Yunaitet Sios bilong ples Uritai long Galp provins husat i stap long Kilakila, Hohola, Tokarara na Gordons long Mosbi i bin bungim mani long helpim sam-pela wok lotu bilong ol.

Dispela moni ol i bin bungim i kamap olsem K1,363.52t. Ol lain long ples Uritai tu i bin helpim ol tu wantaim K900. Ol i bin stat bungim mani long yia 1981 i kam inap long dispela yia.

Mausman bilong Toaripi Tokples Gospel Felosip, Paul

Karava i tok ol i save askim Taun Seket long helpim ol, tasol ol i no save harim tok bilong ol.

Mista Karava i tok bai ol yusim hap mani long salim wanpela man i go skul long Rarongo Teologikal Koles long Rabaul long kamap pasta bilong sios.

Mista Karava i tok Toaripi Tokples gospel

Felosip i tingting long bai wanpela hap graun long Hohola, na wokim wanpela haus lotu long en. Em i bin tokaut tu long ol nem bilong ol Dikan em ol bikman bilong sios long ples Uritai i makim long lukautim Toaripi Gospel Felosip hia long Mosbi. Hia em nem bilong ol Elavo Kakare, Forova Weka na Irua Karikara.

# Tu minit tingting

FRANK MIHALIC i raitim

WANPELA yangpela wokman i bin stilim mani long opis we em i save wok. Bosman bilong em i bin painimautim dispela na i singautim em i kam long opis. Wokman i save pinis, bai ol i rausim em nau.

Orait, bosmas i askim em, "Yu tok stret nau. Yu bin stilim dispela mani o nogat?" Man ya tok yesa, em i bin mekim.

Tasol bosman i no rausim em. Em i tanim na i askim wokman olsem, "Sapos mi larim yu i stap long wok, bai yu inap stil moa."

Wokman i tok, "Nogat. Mi no ken stil gen. Mi kisim save pinis."

Nau bosman i tokim wokman olsem, "Yu save watpo mi marimari long yu? Bipo yet mi bin mekim wankain rong olsem yu. Planti yia i go ponis nau. Tasol bosman bilong mi i bin pogivim mi. Olsem na mi laik marimari long yu tu. Bikos mi bin kisim marimari, mi givim marimari i go long yu."

Em nau! Long PNG tude i gat planti tok long probesen. Dispela i min, ol plisman na jas i ken marimari long ol yangpela man o meri i bin kalapim lo namba wan taim. Long wanem, ol i bin mekim sampela smolpela rong. Nogut ol i go kalabus inap 6-pela mun, bikos ol i stilim pinis wanpela bairo.

Dispela em i gutpela aidia. Yangpela boi o meri i mas stap long kalabus namel long ol man nogut i bin mekim olkain bikpela rong, em bai bagarap olgeta. I olsem yu putim gutpela kaukau namel long ol kaukau i sting pinis. Em tu bai sting.

Tasol astinging bilong probeson em i dispela: yangpela i bin mekim rong, em i mas sori long rong bilong em.

Long maus bilong em yet, o long loya bilong em, em yet i mas askim jas o kot long dispela marimari. Em i mas soim olsem, em i no hambak long rong bilong em. Em i laik stretim bek.

Pasin bilong askim narapela man/meri long pogivim yumi, em i no isi. Em i givim pen.

Long taim mi manki yet, long famili bilong mi i gat wanpela pasin mi no laikim tru. Sapos mipela ol manki i laik go long konpesio, mipela wan wan i mas go long mama na nildaun na askim em long pogivim mipela. Man! sampela taim mi wokabaut inap wan awa stret long painim wanpela ples hait, we mi ken askim mama. Mi sem olgeta long dispela. Em i hatwok tru. Go long konpesio na autim rong bilong mi, em i isi. Askim mama long pogivim mi, em i hatwok tru. Em i pen nogut.

Em i lo bilong bodi na skin bilong yumi: yumi no laik daunim yumi yet. Tasol dispela pasin yet em i pasin bilong Jisas, em i Kristen pasin tru.

Em i hatwok moa long askim narapela man/meri long pogivim yumi.

Tasol dispela kain pasin oltaim i win. Man i daunim em yet, em i no save lus. Kain man/meri olsem em i arapela bikpela man/meri tru. Na bai yu hatwok tru long painim dispela kain.

Watpo Jisas i bikpela tru long ai bilong God? Bikos "em i daunim em yet na i bihainim tok bilong God, i no inap em i dai. Bilong dispela tasol God i litimapim em na i putim em antap tru. Na God i givim em wanpela nem i winim olgeta arapela nem." (Fi 2,8)

# Mi pret nau long sik nogut

## DIA LAIPLAIN

MI wari bikos mi ting olsem mi gat sik VD. Mi bin slip wantaim wanpela meri na bihain mi harim olsem dispela meri em i wanpela pamuk meri.

Tasol dispela meri i bin tokim mi long no ken wari tumas. Mi bin harim planti pipel i tok olsem sapos mi gat dispela sik VD bai mi no inap long gat pikinini.

## DISPELA EM I TRU O NOGAT.

Dia Pren I gutpela olsem yu gat dispela wari long sik VD bihain yu harim olsem meri yu bin slip wantaim em i wanpela pamuk meri. Sapos i tru olsem em i gat dispela sik nogut, yu inap long kisim dispela sik tu.

Em i tru olsem VD



em inap long bagarapim yu sapos yu no kisim marasin na pinisin tru dispela sik long bodi bilong yu. Planti arapela pipel i gat wankain tingting olsem dispela meri na i no save olsem dispela sik i ken bagarapim kru na bodi bilong yu tu. Sapos dispela i kamap yu no inap long stretim dispela sik.

Mi sori long tokaut olsem dispela sik i bikpela nau long planti hap bilong wol na i kamap bikpela tu long Papua Niugini. Ol dokta i tok olsem bikpela bagarap bai

lainim ol yangpela olsem ol i no inap kisim bagarap long sik VD.

Ol yangpela i mas save olsem planti marasin i stap tasol sapos dispela sik i bikpela tru long bodi, ol dispela marasin i no inap stretim sik.

I gat planti kain sik yu ken kisim taim yuslip wantaim ol lain husat i gat dispela sik. Tasol sik i bikpela tru long planti hap em i Gonorrhoea. Yu bai kisim gonorrhoea taim yu slip wantaim man o meri husat i gat dispela sik.

Pastaim tru i gat pen taim yu pispis. Bihain bai i gat ol arapela samting i kamaut wantaim pispis.

Ol dispela samting bai kamap kwiktai tru long ol man. Ating long dispela na planti man i save go lukim ol

dokta. I tru olsem dispela sik i ken stapim yu long kamapim ol pikinini.

Planti meri husat i gat dispela sik i no save olsem dispela sik i stap long bodi bilong ol.


Ol man i save luksave long dispela sik taim ol i kisim pen long bodi bilong ol.

Dispela sik i ken pasim ol meri long karim ol pikinini tu.


Syphillis em i narapela sik VD. Em inap long giamanim yu gut. Wan o tu wik bihain yu slip wantaim ol lain husat i gat dispela sik bai ol liklik sua i kamap long bodi. Ol dispela sua i no gat pen na bihain bai ol i pinis olgeta. Tasol sapos yu kisim marasin long dispela taim bai dispela sik inap long pinis.

LAIPLAIN

# Man i stilim pikinini bilong masalai




TUMBUNA STORI



WHICH PICTURE GOES WITH THE NEGATIVE (TOP LEFT)? Mark it with a X

ONLY ONE OF THE SHADOWS MATCHES PETE. Mark it with a X



1	P	I	S	L	A	I	N		6	S	U			
7	H	O	L	I		8	P	S	9	E	10	P	A	
11	O	R	O		12	T	I		13	S	O	K	A	
15	L	O		16	S	O	L	A	P	I	M		I	
19	I	M	A	20	U		21	M	E	K	I	22	M	
23	D	A	K	A		24	S	I	K		25	A	S	
27	E	N	I		28	K	O	M		29	O	P	I	M
	31	I	S	T	A	S	A	N	32	D	E		A	
33	E	M		34	S	I	N	I	A		35	B	I	
	36	M	S	P	E	S		37	N	I	D	E	L	
39	T	E	N				41	S	I	M	E	N		
42	I	T	O	K		43	L	A	K		44	S	A	N

LONG bipo bipo tru i gat wanpela ples i stap. Nem bilong dispela ples em Slang. Dispela ples i stap insait long Kabwun distrik long Morobe provins. Wanpela taim wanpela man long dispela ples i go long bus long painim kapul. Em raun i go i go tasol em i no painim wanpela kapul. Na ami bel kaskas nogut tru na laik go bek long ples. Em i tanim long go bek long ples na em lukim wanpela wel banana. Dispela wel banana em ol kapul i save kaikaim. Em amamas tru na tingting long was long kapul long as bilong dispela banana.

Em i tok, "nau bai mi was long as bilong dispela wel banana. Na sapos ol kapul i kalap i kam long kaikaim banana bai mi kilim ol na kisim i go bek long ples". Em i amamas tru na wokim wanpela liklik haus klostu long dispela banana na em slip i stap. Em slip i go klostu apinun na em i kirap go was long kapul. Em was i go inap biknait. Tasol no gatwanpela kapul i long

- Lep i go long rait
1. Ol lip i save mekim olsem long taim bilong win.
  5. Hap bilong bodi i save holim ol samting.
  7. Konstitusen em mama ..... bilong PNG.
  9. Paias Wingti, Biabia na Okuk em tripela.
  10. I no skelim.
  12. I no pulap.
  14. Kuk pinis.
  16. Amerika.
  18. Husat i save?
  20. Bikpela win i bin bagarapim Solomon Ailan.
  23. Tok ples bilong ol Hanuabada, Tubuse-reia na Boera.
  24. Kampani i wokim ain bia.
  26. Abus bilong ol pusi.
  27. Longpela pos bilong hangamapim plak ol sel.
  30. Ol yangpela long gret 1 i go inap long gret 6.
  33. Long hoki yu mas skoim wanpela long kisim poin.
  34. Asples bilong ol Kongkong.
  35. Paitim dispela long

kaikai banana. Ai bilong em i laik slip tu tasol em i no wari. Em i sidaun yet i go na em i harim wanpela masalai meri wantaim pikinini meri bilong em i wok about i kam. Pikinini meri bilong masalai meri ya i wok long kra i na tupela i kam. Man ya ting olsem dispela masalai meri wantaim pikinini bilong em bai kam na go long narapela hap. Tasol nogat, tupela i makim stret long dispela wel banana. Man ya i stap yet isi tru na harim tupela kam klostu pinis. Em nau em i kisim tingting pinis olsem masalai meri ya wantaim pikinini bilong em i kam long kaikai dispela wel banana. Hariap tru em i kisim tupela sel kokonas na putim long tupela skru long lek bilong em na giaman long slip. Mala-sai meri i kam long hap em slip long en na lukim tupela skru bilong man ya. Masalai i kisim ston tamiok bilong em na paitim skru bilong dispela man. Masalai paitim i go na pilim olsem skru bilong man ya i strong na em i ting olsem wanpela diwai i stap.

Tudak tru na tarangu masala ya i no inap lukluk gut bai em i ken save olsem dispela i no diwai. Em hangamapim pikinini bilong em long skru bilong man ya na em i go antap long dispela wel banana na wok long kaikaim banana i stap. Pikinini i wok long kra i yet. Na i em tokim pikinini, "No gen kra i, bai mi kisim sampela banana i kam daun na bai mitupela i kaikai". Em tok olsem na wok long kaikaim banana i stap. Isi tasol man ya kirap kisim pikinini bilong dispela masalai meri. na ranawe i go long ples. Taim masalai meri i kaikai banana pinis, em i kam daun na lukim olsem pikinini bilong em i no stap. Em wari na kra i nogut tru long pikinini bilong em na em i kirap bihainim rot man ya i kisim i go long en. Yu save masalai i gat moa spit ya, "Em bihainim i go na kamap klostu long dispela man. Man ya i no pret long masalai meri ya na lusim pikinini bilong masalai, nogat. Masalai i singaut na

tokim man ya olsem. "Em i no pikinini bilong man. Em pikinini bilong masalai. Yu lusim em i stap bai mi kisim". Tasol dispela man i no harim tok bilong masalai meri ya. Em karim dispela dewel pikinini yet na ran i go stret long ples bilong em, Slang. Em i go kamap long ples na tokim olgeta manmeri long ples na ol i go insait hait long wanpela haus tasol. Ol i pasim dua strong tru na redi tasol. Na ol i kisim wanpela ston na kukim long paia na ston i kamap ret nogut tru. Em nau masalai meri ya i kam kamap long ples. Na em singaut i go long ol i givim bek pikinini bilong em. Em i singaut olsem, "Yupela givim pikinini meri bilong mi. Em i no pikinini bilong man. Em i pikinini bilong masalai". Ol manmeri i harim olsem na ol i singautim em long kam sanap long lata bilong haus em ol i hait long en na bai ol i givim pikinini bilong em. Dewel meri ya i kam sanap klostu long lata bilong dispela haus. Na ol i tokim em long opim maus bilong em

na bai ol i tromoi pikinini bilong em i go insait. Tarangu masalai meri i ting tru na em i opim maus bilong em. Taim em i opim maus ol i kisim dispela ston long paia na tromoi i go insait long maus bilong em. Ston i kukim bel bilong dewel meri ya nogut tru na em i wok long tanim tanim long graun. Em i wok long tanim tanim i go daun long graun na wara i kamap long dispela hap. Olsem na nau long ples Slang dispela wara i stap yet na ol i kolim 'Utunya Aramiuk'. Long Tok Pisin bai yumi tok, "Dewel i brukim". Em tasol stori tumbuna bilong mi.

Robert Tiwung,  
Kurum Plantasin,  
Karkar Ailan,  
Madang-Madang  
Provins.

## SKRUIM TOK

1	2	3		4				5		6	
	7						8				
9					10					11	
			12	13					14	15	
16	17						18	19			
20				21		22					
				23						24	25
				26				27		28	
29		30				31					32
33								34			
				35	36					37	
38						39					40

26. Klap bilong ol eksevis man.
27. Poro bilong misis.
28. Long taim yu brukim bai blut i kamap.
29. Wanpela mun.
31. Ol pikinini i save guris long kaikai.
32. Yu no ....., em haus kapa ya!
36. Yau.




DES 17

# BIG ROOSTER No. 4 HAS ARRIVED!

## in GEREHU


Watch for the Opening




*...and Coming Soon  
to Mt. Hagen!*




### GEREHU




### LAE



### KOKI



### 4 MILE



# DRIVE IN

**FOR FAST, FRIENDLY  
EFFICIENT SERVICE...  
7 DAYS A WEEK!**

# BIG ROOSTER

**...it's nice to have a choice!  
the barbecued chicken specialists!**

RTM

Media Interchange International

WANTOK

OKSAVE


BOKIS  
252500

pes 18


BIRTHDAY

BIRTHDAY

TOKSAVE



Special birthday greetings to **PATRICK MATBOB** who celebrates his special day on June 12, 1988. Greetings from your family and friends in Madang and Port Moresby. Best wishes also from Luann, Kolmann and friends at Word Publishing Company and Steamboat and all at 5 mile. Remember: "You're not getting older. You're just getting less younger." We love you - Almanjo and mummy



Happy Birthday Greetings and Best Wishes to **MAUREEN DIZE**. Turning 19 on 10 With Lostsa Luv and Best Wishes from Parents at Murray Barracks, relatives in Vanimo and friends around the place namely; Flondo Gaoma, Lee Waff De Hollee and Sundown-ist Frisco.....

TOKSAVE

**Queens Birthday Special Fun Rising Sunam Soccer Club**  
Venue: SP Motor (car Club)  
Admission: K5 Gentlement K 2 Ladies


new nation

Get a guided of Expo '88's PNG Pavillion without leaving your chair and PNG!

ALSO Pull out colourful poster of the Expo '88 site AND all your regular features and many more to keep you entertained for the rest of the month.

YOUR JUNE issue

ON SALE NOW!




Port Moresby Price — 90t  
Other Provinces — K1.00

Fantasy Fiestas "FF"

Music provided

Sat 11th June 88



call 25 2500

For all your classified

advert call: 25 2500

ABC GUIDE



Table with TV schedules for Thursday 9 June 1988, Friday 10 June 1988, Saturday 11 June 1988, Sunday 12 June 1988, Monday 13 June 1988, Tuesday 14 June 1988, and Wednesday 15 June 1988. Includes times, channels, and program titles.

G - General Exhibition  
PGR - Parents Guidance Required  
AO - Adults Only



PAPUA NEW GUINEA TEACHERS ASSOCIATION

pes 19

# PABLIK NOTIS


# NESENEL MENESMEN KOMITI ILEKSEN, 1988

## Nupela program bilong NMC ileksen, 1988

- 10/05/88 -- Nomisen i op long olgeta hap long kantri. Bikos ol bai votim ol Rejinol Rep long og isnait long nupela NMC
- 16/06/88 -- Nominesen i pas 12 kilok Balot Pepa -- bai i go aut wantaim wantaim spesel ielksen suplimen,
- 07/07/88 -- Ol man i stat logn tromwe vot
- 21/08/88 -- Taim bilong vot i pinis
- 27/07/88 -- Stat long kaunim ol vot -- ol bai kaunim long ol rijin tu.
- 01/09/88 -- Tokaut long ol wina. Nupela Nesenel Menesmen Komiti i autim tok promis long mekim gut wok bilong ol long ai bilong wanpela majistret.
- Tok Save -- Sapos i gat hevi long salim l pas insait long rijin bilong yu, yu mas was gut bai namba tu Returning Officer long provins bilong yu i putim nem bilong em long ol nominesen fom yu wokim pinis bipo long 16/06/88. Bihain yu salim i kam long.

The Returning Officer  
NMC National Elections, 1988  
P.O. Box 6546, Boroko, NCD

**Mista Ilikis Puipui  
Returning Officer**



### Tripela soka king bilong Yurop Soka sempionsip

**DAUNBILO** • Mathias Herget i redi long straikim bal. Dispela man ya i no save isi. Taim em i sut long gol, bal em bilong go insait tasol.

**RAITHAN** • Hansi Dofner bilong Wes Jemani. Em i wanpela strongpela pilaia bilong FC Bayern. Bipo kosa bilong em i no laikim tasol bihain em i luksave long stail bilong em na kisim em bek.

**ANTAP** • Jurgen Kohler em wanpela strongpela fulbek bilong FC Cologne. Taim em i sanap long beklain ol planti birua i save painim taim stret long em.



#### EUROPE'S TOP TEN

	P	W	D	L	%	F A
1. Rep. of Ireland	8	6	1	1	81.2	14/3
2. Holland	7	4	3	0	78.5	13/2
3. Italy	10	6	3	1	75.0	15/3
4. Russia	9	5	3	1	72.2	12/5
5. Rumania	9	5	3	1	72.2	19/11
6. England	8	4	3	1	68.7	20/7
7. Bulgaria	6	4	0	2	66.6	11/5
8. West Germany	9	4	4	1	66.6	10/5
9. Spain	7	4	1	2	64.3	16/10
10. Sweden	9	4	3	2	61.1	9/6

# Guria winim Westpac long penalti

HENRY MORABANG i raitim

GURIA nau i nupela king bilong Nesenel Soka Klap Sempionsip taim em i autim Westpac 5-4 long penalti. Dispela bikpela kik i bin kamap las wik long Bisini ples pilai long Mosbi.

Dispela pilai i bin kamap gut tru. Tupela tim wantaim i soim gutpela stail tru bilong kik. Na ol i strong i go na tupela wantaim i dro 2-2 long ful taim.

Namba wan gol bilong Guria i kam long Dickson Laviong taim wanpela poroman bilong em i kik i kam long wing. Na Westpac i bekim dispela gol long 5 minit tasol. John Watson i

pairapim net taim David Bindegi helpim em long seting bal bilong em.

Ol i kik go na ful-taim. Orait long namba tu hap, Simon Emmanuel i bomim net bilong Westpac gen. Na Steven Mune i bekim long wanpela gol gen.

Tupela tim wantaim i strong i go na ful-taim. Orait referi Kenedy i askim ol long 5 penalti kik. Long namba wan raun tupela tim wantaim i dro. Orait 'penalty dead shot' i kamap, Orait taim ol kik Adam Wangu goli bilong Guria i stapim. Na goli bilong Westpac Abraham i no stapim kik bilong em ya.



Fulbek bilong Guria i hetim bal long mak bilong Westpac. Guria i autim Westpac long 5-4

# Ol Sepik resis long Somare Sil

LONG Kwins Betde wiken long dispela wik long Sarere 11 Jun i go inap long Mande 13 Jun, moa long 28 soka tim insait long Is Sepik Provins bai pairapim bun stret long Somare Sil Tonamen.

Planti tim na klap i wet longpela taim pinis na nau bai ol i no inap wet moa. Taim bilong wantok kaikaim wantok i kam klostu pinis.

Siaman bilong Ogenaising Komiti Francis Bandi i tokim Wantok olsem 11-pela tim olgeta i baim pinis dispela K200 afiliisen fi bilong ol. Na nau ol i mekim save long tren istap.

Tasol wan wan klap o tim i no baim yet dispela afiliisen fi bilong ol. Planti

bilong ol dispela husat i no baim yet afiliisen fi bilong ol bai klostu ol i baim. Olsem na olgeta samting bai i go orait tasol. Mista Bandi i tok samting olsem moa long 28 tim bai kik insait long dispela tonamen.

De em olgeta klap na tim i mas baim dispela afiliisen fi em long 21 Me. Tasol planti tim i painim taim long baim hariap dispela fi. Olsem na nau Ogenaising Komiti i skruim de i go long Fraide 10 Jun long 12 klok nait.

Ol tim husat i no baim afiliisen fi bilong ol long dispela taim bai i no inap kik insait long dispela Tonamen. Dispela em toksave i kam long

Siaman bilong Somare Sil Ogenaising Komiti, Francis Bandi.

Mista Bandi tokim Wantok tu olsem olgeta samting i redi pinis na ol i wetim Sarere tasol long kam hariap long lukim ol Gawi i bagarapim sindaun bilong ol yet.

Long ol dispela tim, tupela tim tasol bilong narapela provins i kism tok orait long kik insait tu long dispela tonamen. Tupela tim ya em Manui na Guria soka klap bilong Tabubil Westen provins. Tupela wantaim i baim pinis afiliisen fi.

Tupela tim ya bai kik wantaim ol tim arapela tim insait long Is Sepik. Na dispela

tonamen bai i stap long tripela de olgeta.

I gat planti tim tru bai kik insait long dispela tonamen. Olsem na Ogenaising Komiti i tilim ol tim long kik

long 4 pul olgeta. Na ol tim husat i kism namba wan ples long wan wan pul bai salensim ol yet long lukim wanem tupela tim bai go long gren

fainel.

Long ol dispela 4-pela tim, K1,000 sek wantaim Somare Sil bai go long tim husat i winim gren fainel. Tim husat i lus long

gren fainel bai kism namba 2 ples wantaim K500. K250 bai go long tim husat i kism namba 3 ples na narapela K250 bai go long namba 4 ples.

## Wewak ripot

LEO WAFIWA i raitim



### KIKBEK

wantaim  
RAINSAU

NAMBA wan bikpela kik i ova pinis. Nau, narapela bikpela kik gen i laik kamap.

Kik namba wan i putim namba long wanem tim insait long kantri i king. Nau, em i taim bilong lukim wanem rijon bai kamap strongpela na i king.

Dispela bikpela kik bai kamap long Lae long dispela wiken. Olgeta 5-pela rijon wantaim bai gat tu tu tim sanap makim ol long dispela namba tu bikpela kik.

Wan wan spot i gat we bilong tokaut husat tru inap winim namba. Ragbi Lig i gat stori bilong en. Planti manmeri i ting Saten Zone bai win. Tasol popaia na Hailans i win.

Na nau, planti manmeri long kantri i ken stat tromoi toktok raun nau long lukim husat tru bai autim taitel bilong dispela bikpela rijonal soka sempionsip long Lae.

Seleksen bilong Mosbi skwat i gat sampela tok egensim pinis. Nesenel kosa bipo, Kolis Pombuai i no ting tim bilong Mosbi i strong. Em i laik lukim sampela arapela tu i stap insait long skwat. Na sampela husat i stap nau em ol i no mas stap insait long skwat.

Mi tu mi pilim olsem, narapela toktok bilong em olsem Mosbi i mas makim tim bilong em longtaim yet. Na ol boi i trening wantaim i stap. Olsem bai orait moa. Tu wik tasol i stap na makim tim i no stret tumas.

Tasol, long narapela sait, mi ting tim bilong Mosbi em olsem Mosbi i strong tru. Nau i stap long han bilong kosa na menesa long pulim kamap 'winning combination'. Olgeta boi insait long Mosbi tim i smat tru long kik. Ol inap win sapos ol i bihainim toktok bilong kosa na menesa.

Wanpela asua tasol i kamap em long Adam Lema. Em i kism bagarap long namba wan bikpela kik namel long Guria na Westpac long las wik Sande. Em i orait pinis o nogat - em bai wanpela wari bilong Mosbi kosa nau. Em i lusim wanpela strongpela beklain man bilong em.

Tasol, dispela i no ken mekim em i wari tumas. Em i gat tripela arapela boi inap kism ples bilong Adam, Savo Paulus, James Gasi, o Vosap Eremas i sambai i stap.

Ol dispela boi inap pasim ol strongpela fowut bilong Lae na Arawa o Rabaul.

Bikpela wari tru bilong Mosbi em i stap long midfil. Husat ol man i kik long midfil i mas ol man we inap spitim kik o sloim kik.

Sapos kosa i putim ol man we bai spitim kik tasol, o sloim kik tasol olsem ka i gat wanpela gia- em Mosbi bai asua.

Wanem tim i spitim kik, orait, Mosbi i mas sloim kik bilong em. Sapos narapela tim i laik sloim kik, orait, Mosbi tu i ken kik slo o ken miksim slo samtaim na spitim samtaim.

Mi gat bikpela bilip olsem Mosbi tim na Sentral tim - tupela tim bilong Saten rijon bai go insait long fainel.

Mi laik tok gutlak long olgeta tim i kam kik insait long dispela bikpela kik long Lae. Yupela olgeta tim na pilaia i kik gut na amamasim olgeta manmeri i kam was long ol kik.

# Manus kism skul long pilai soka

MANUS ripot

SAMTING olsem 17 ol man i bin pinisim 4-pela de kos long kamap soka referi na kosa long Manus las wik.

Yunaitet Nesen Developmen program long lukautim ol pilai i bin go pas long dispela kos. Olsem na wanpela volanti bilong Yunaitet Nesen

Edris Kumbrauh i ranim dispela kos.

Ripot i kam long Manus i tok olsem ol dispela lain husat i kamap long kos i kam long olgeta hap insait long provins. Dispela kos i bin kamap gut. Olgeta man i kamap long dispela kos i skulim ol kain kain rul na lo bilong kik soka na referi.


Provinsal Spot minista Paul Pokolou i bin givim setifiket i go long ol lain husat i pinisim dispela kos.

Ol arapela kain kos bilong ol spot olsem Netball, Ragbi na Boksen tu bai kamap.

Ol lain husat i laik sindaun insait long ol dispela kos i mas baim K10.

WANTOK SPOTS POSTA

# OXFORD UNITED



OXFORD UNITED  
F.C.

Oxford United, Manor Ground, Headington, Oxford.  
Tel. (0865) 61503.  
Year formed: 1896.  
Chairman: Kevin Maxwell.  
Manager: Maurice Evans.  
Honours: Second Division Champions 1984-85, Third  
Division Champions 1967-68, 1983-84, Milk Cup winners  
1986.

BACK ROW (left to right): John Dreyer, Peter Hucker, Jeremy Charles (retired),  
Alan Judge, Gary Briggs, Steve Hardwick, Billy Whitehurst.  
MIDDLE ROW: Sean Reck, Ken Fish (physio), Robbie Mustoe, Paul Swannack,  
Martin Foyle, Ray Graydon (asst. manager), Dean Saunders, Neil Slatter, Peter  
Boades-Brown, David Leworthy (now Shrewsbury), David Langan (now  
Bournemouth), David Fogg (coach), Lee Nogan.  
FRONT ROW: Kevin Brock (now QPR), Trevor Hebbard, Malcolm Shorton (now  
Portsmouth), Maurice Evans (manager), Tommy Caton, Les Phillips, John Trewick.

Shoot!

1988

# **BENSON** *and* **HEDGES**

## **PNGFA CUP PAINOLS LAE**

**BENSON** *and* **HEDGES**

**Company i  
laik tok gut  
lak long olgeta  
tim i laik go insait  
long PNGFA CUP  
PAINOLS**



*The*  
**BENSON** *and* **HEDGES**  
*Company*

# WANTOK SOKA NIUS

## Resis bilong painim top soka rijon



Joe Turia em lapun bilong PNG skwat na tu Pot Mosbi skwa. Hia yu ken lukim em taim em i pilai long tim bilong em Yuni. Arapela birua bilong em Herman Gawi bilong Guria i traime long autim bal long lek bilong Turia. Sori tumas Turia i no strong tumas na ol lain Guria i autim ol 2-1.

### HENRY MORABANG i raitim

**BIKPELA** kik bilong Nesenel Soka taitel bai kamap long Lae long pinis bilong dispela wik. Na dispela kik resis bai stap namel long olgeta top senta bilong 4-pela rijon insait long kantri. Tupela tim bai makim wan wan rijon. Long Noten, Morobe Kantri na Lae bai kamap. Na Mosbi na Sentral bai makim Sauten rijon. Arawa na Rabaul bai makim Niugini Ailan rijon. Hagen na Kundiawa bai makim Hailans rijon long kik long dispela sempionsip.

Seketeri bilong PNGFA Andrew Waho i tokaut long dispela wik olsem 8-pela tim ya bai kamap long kik. Sentral i bin baim pinis affliesen fi bilong em long PNGFA na nau ol i ken stap insait long dispela kik resis.

Waho tu i tok nau yet i no gat wanpela man i ken tokaut long wanem tim bai win. Bikos ol top pilaia long wan wan senta bai bung na dispela bai soim tru olsem wan wan senta i laik win i mas taitim bun.

Pot Mosbi em i sempion tim bilong nesenel taitel. Em i bin winim sil taim olupela kosa Kolis Pombuai i lukautim dispela tim. Tasol nau Chillen William i

winim Pombuai na lukautim Mosbi skwat.

Olpela kosa Pombuai i no amamas long Mosbi skwat tasol planti ol man husat i save toktok long soka i wanbel long skwat bilong dispela yia.

Kosa Chillen i tokim Wantok long dispela wik olsem em i nupela long stail bilong ol pilaia. Olsem na em bai painim hat liklik.

Em i tok em i wok hat yet long taim painim gutpela kik bung na ol i ken winim ol birua tim long Lae. Em i laik apim nem bilong Mosbi gen bikos Mosbi em top senta long kantri.

Na liklik brata bilong Mosbi, Sentral i no inap tokaut long strong bilong em. Tasol, ol arapela senta i mas was aut long tupela tim bilong Sauten rijon ya.

Tupela tim bilong Ailan rijon, Arawa na Rabaul i no mekim planti toktok tumas. Kosa bilong Rabaul Peter Tiran na Mausman bilong Arawa Skwat i tok ol bai go kik tasol. Olgeta strong bilong win bai kamap long ples pilai.

Na long Hailans rijon, Hagen i no tokaut yet sapos ol bai go stap insait long kik o no gat. Ripot i kam long spots opis long Hagen i tok olsem ol i no gat ples bilong slip na pilai.

Mausman bilong opis i tok olsem ol i bin traime painim ples

bilong slip long Lae tasol olgeta ples i pas. Olsem na ol bai holim wanpela miting long Fonde long tokaut sapos Hagen bai go kik o nogat.

Ol lain Simbu (Kundiawa) i redi pinis. Kosa Eddy Jinga i tokim Wantok long dispela wik olsem ol strongpela tim olsem Lae na Pot Mosbi i mas lukaut. Sapos ol i laik win orait ol i mas trening strong.

Jinga i tok long 1986 Kundiawa i holim strong tru Mosbi na Mosbi i winim ol long wanpela gol tasol. Olsem na long dispela wik, Mosbi bai taitim bun gen long winim Kundiawa.

Na ol lain wantok ya long Noten rijon tu i taitim bun yet. Lae na Morobe Kantri bai soim ol arapela senta long pasin bilong pilai soka. Bikos tupela laik tokim ol arapela sapota bilong soka olsem Noten rijon em asples bilong soka. Olsem na soka bai i no inap long lusim Lae.

Ripot i kam long Lae i tok, kosa Richard Nagai i amamas tru na redi tasol long bungim dispela bikpela de. Lae bai traime long winim gen dispela taitel long Mosbi. Lae i laik holim yet dispela taitel na bai paia i laik stret long taim em i go kik.

Bikpela toktok tu i wok long raun olsem Arawa na Rabaul i tingting long stilim dispela taitel. Olsem na Lae na Mosbi i mas pilai strong sapos ol i laik winim dispela taitel.

Long dispela kik resis Wantok i bilip olsem Arawa/Mosbi o Arawa/Lae bai kik long gren fainel.

Wantok spots i tok gut lak long wanem tim i winim dispela bikpela taitel. Lukim yupela long Lae.

### Ol tim na pilaia

- LAE SKWAT**
- Gupe Palai
  - Raymond Nasa
  - Anio Saira
  - Herman Kawi
  - Daniel Mota
  - Akanda Gidigia
  - John Anio
  - Manu Butafa
  - Dioba Wongas
  - Sason Mera
  - Graham Maracos
  - Gidi Nasa
  - Andrew Pui
  - David Laviong
  - Merumo Goruba
  - Peter Pare
  - Kawi Mota
  - Petu Woiwoi
  - Eric Nivo
  - Enne Mais Man
  - Majeri 'Daino' Sami
  - Gidas Bayung
  - Paisan Sami
- MOSBI SKWAT**
- Abiang Tera
  - Adam Wangu

- James Gasi
  - Joe Saleu
  - Paulus Savo
  - Martin Laviong
  - Dickson Laviong
  - Malakai Kupesan
  - Vosap Eremas
  - Komok Jem
  - Amuk Mawi
  - Charles Ashley
  - Steven Mune
  - Sosogan Kulupep
  - Kawaten Pambuai
  - Wesley Waiwai
- KAINANTU SKWAT**
- Francis Fabila
  - Robert Augustine
  - Peter Birue
  - Silars Anigel
  - John Diwoi
  - Andrew Abiara
  - Tony Rolin
  - Bill Glendening
  - John Hondi
  - Petro Passingan
  - Mica Poli
  - Willy Bawasa

- Ken Zilon
  - Nick Gowai
  - John Rex
  - Patrick Matison
  - August Lesse
  - Lau Bangka
- RABAUL**
- Coach Eddie Jinga
  - Paul Tiran - Coach
  - Vincent Buka
  - Charlie Alfred
  - Abel Choel
  - Michael Condition
  - Raphael Leo
  - Papa Lukas
  - Lucas Pouru
  - Arnold Kapen
  - Michael Kapen
  - Raphael Kaskirit
  - Francis Tommy
  - Gembi Simoni
  - Stanis Philip
  - Robert Philip
  - Phlipis Deke
  - Patrick Seiruk
  - Allen Kinjen
  - Jacob David

- ARAWA SKWAT**
- Valentine Tukana
  - Chris Teta
  - Hubert Sarikei
  - Remi Manaha
  - Mame Kaselan
  - George Hatsire
  - Willie Sanapo
  - John Tobin
  - Hupa Simon
  - John Rixie
  - Noel Gure
  - Scoty Mu
  - Bernard Pahui
  - Karon Panui
  - Steve Perm
  - Michael Pon'ni
  - Aron Sindom
  - George Mungas
  - Bernard
  - George Akinea
  - Hilary
  - James Pakatau
  - Jack Pou'u
- Wantok i no inap long kisim skwat bilong Hagen, Central na Morobe Country.*

- Guria winim Westpac - pes 21
- Ol Sepik resis long Somare Sil - pes 21
- Manus kisim skul long soka - pes 21
- Lukim nesenel soka dro - pes 23

**Morobeen** - Biscuit makers to P.N.G.



# PORT MORESBY SHOW 88!



USED



## Pe bilong get long Mosbi So i wankain

MANI bilong baim get na go insait long Mosbi So bai wankain olsem long las yia.

Ol bikpela man na meri bai i baim long K2 na 50 toea long ol pikini-

ni. Na long dispela yia, planti tausen manmeri na pikini long olgeta hap bilong kantri na long ovasis tu bai kamap long So.

Presiden So Sosaiti, John Mudge i tok

planti pipel tru bai i kamap long lukim bikpela Egrikalsa So bilong dispela yia.

Mani bilong wanpela man o grup long baim fi bilong sanapim liklik haus i stap long mak bilong K60 i go inap long K2,000.

Sapos wanpela man tasol i tingting long sanapim wanpela haus bilong salim ol samting bai em i baim K60 fi. Na ol bikpela kampani olsem Steamsips na ol arapela bai mas baim K2,000 fi. Ol lain

bilong Plis Fos tu bai i sambai long ples bilong So long lukim olsem no gat wanpela birua pasin i kamap.

Mani bilong ol lain ripota bilong niuspepa, radio na televisen bilong baim dua em K10 long wan wan

singlis. Sapos ol dispela lain i putim ol dispela singlis, ol bai i go insait nating. Tasol insait long sampela arapela hap, ol i mas baim yet.

Ol i mas kisim tok orait long ogenaíses

bipo long ol i ken go insait long ol sampela ples we i gat bikpela tambu long en. Sampela bilong ol dispela hap em long bikpela egrikalsa ples na ples we ol singsing bilong tumbuna i stap long en.

# Tok welkam bilong So Komiti

MI tok welkam long yupela olgeta long 1988 Mosbi So we i gat kain kain gutpela samting i kamap nau.

Ol pipel i bin lusim ples bilong ol long ol arapela hap bilong kantri na long ovasis tu long kam stap insait long So long dispela yia. Singsing grup bilong wan wan ples i lusim ples bilong ol long maunten insait long ol bikpela bus bilong Papua Niugini na arapela ples klostu long nambis long kam soim yumi olgeta long pasin tumbuna bilong yumi.

Bikpela wok bilong stretim dispela empiteta bilong So i kamap pinis olsem na ol yangpela bai i ken lukim bikpela nem bilong wok bilong atis long ol kain kain samting i stap nau long dispela So. Ol i kam long hap bilong Maikronesia, Australia na Hawaii long soim ol kain kain wok na pilai bilong ol.

Insait long dispela tripela de bilong So, planti kain ol pilai na ol arapela samting bai i kamap. Ol hos bai i resis na kalap, ol ka bai i resis, ol man bai i kalap long parasut na mekim ol kain kain stail bilong ol, resis bilong painim husat i strongpela man namel long ol arapela na kain pilai bilong ol kauboi i resis long baksait bilong bulmakau bai kamap tu. Tasol i no ol dispela samting tasol, i gat planti moa ol arapela samting tu.

Insait long dispela tupela mun i bin go pinis, Komiti bilong So i bin sanapim wanpela nupela grensten, sampela moa toilet, wokim nupela ples bilong boksen, wokim tu wanpela nupela haus bilong ol plisman long stap na was long So, wanpela haus bilong ol paiaman na ol lain bilong haus sik long helpim man husat i painim bagarap long

taim bilong So.

Long stapim tu planti das, So Sosaiti i bin putim kolta long ol bikpela rot i stap long So eria.

Planti bilong ol dispela samting i kamap bikos ol lain bilong Nesenel Kepital Distrik i givim han long helpim So Sosaiti. Olsem na yumi mas givim bikpela tok tenkyu na amamas long wanem samting ol i bin mekim na tu long gutpela wok bilong ol insait long Mosbi.


So Sosaiti i bin sanapim tu 11-pela moa strongpela liklik haus bilong salim ol samting, na i tingting tu long senisim ol arapela wantaim ol gutpela na strongpela samting olsem bai ol i stap longpela taim.

Long givim ples bilong hait long san long taim bihain. So Komiti i plainim pinis moa long 300 kain kain diwai raun long so graun.

So Sosaiti i no wanpela bisnis ogenaísesen i bilong wanpela lain man tasol. Na mipela i amamas long lukim wanem ol samting i kamap gut. Tasol Sosaiti bai i lukluk yet long ol rot bilong mekim narapela So i winim dispela.

Olsem na mi yet wantaim So Komiti i amamas long tok welkam long yupela olgeta wantaim ol famili na pren bilong yupela long dispela bikpela Egrikalsa So bilong 1988. Mipela i save olsem yupela bai pinisim laik na amamas long dispela taim.

**John Mudge, MBE**  
Presiden, Mosbi So Sosaiti,  
Siaman, Papuan Egrikalsarel,  
Industriyel na Kalsarel Sosaiti Limited.



• Siaman bilong Mosbi So Komiti, John Mudge.



• Bikos planti ol liklik haus long so graun bai yusim wara, ol wokman bilong stretim baret na wokim wanpela liklik bris long ples bilong wokabaut i go kam insait long so graun.



• Ol wokman i stretim ples bilong ol pablik i sindaun na lukluk long ol samting i kamap long bikpela pilai graun.

# Taim bilong painim ol plaua na wanpela stail diwai

FRANCIS ULIAU  
i rattim

PLANTI pipel insait long Mosbi, ol arapela hap bilong Papua Niugini i wok long toktok nau long Mosbi Egrikalsa So em bai kamap long dispela wiken, 11 Jun i go

inap long 13 Jun.

Na planti kain kain grup ol singsing grup tu ol wan wan man-meri i wok long stre-tim ol samting bilong soim long taim bilong so.

Wanpela bilong ol kain grup olsem em ol

yanpela bilong St, Mary's Yut grup bilong Gerehu.

Dispela ol yut bai i gat wanpela liklik haus long so graun we ol bai soim ol pablik ol kain kain samting. Bai ol i salim ol plaua ol i planim long ol tin

na sospen na ol arapela samting olsem muli wara na kaikai.

Tasol i gat wanpela nupela kain diwai em planti pipel long Mosbi i no save long en. Na ol dispela yangpela Gerehu bai soim dispela diwai ol i

kolim 'Likuwala Grendis.'

Dispela diwai i olsem wel limbum tasol em i save kamap aninit long ol bikpela diwai o ples we i no gat strongpela san long en. Dispela kain diwai i wanpela gutpela bilas bilong planim arere long ol haus.

Likuwala Grendis tu i narakain long ol kain diwai olsem long ol bus bilong yumi long Papua Niugini.

Dispela diwai i save gro i go long mak bilong 6 fit olgeta. Long taim em i gro lip bilong en i no save bruk olsem lip bilong limbum o buai. Nogat. Lip bilong en i save stap na go kamap olsem wanpela bikpela ambrela. Long taim lip bilong en i stap liklik em i olsem fen bilong holim long han na kisim win long en.

Wanpela man husat i save wok wantaim ol diwai olsem, Kipling Naoni i tokim Wantok olsem em i bin kisim

ol pikinini bilong diwai ya long Rabaul na ol i planim baksait long haus bilong em long Gerehu.

Tupela ripota bilong Wantok tu i bin kalap nogut tru long lukim olsem baksait long haus bilong Kipling i luk olsem wanpela botanikel gaden stret.

Liklik pikinini bilong Kipling, Derrick i bin amamas tru long tokim Wantok olsem nem bilong dispela stail diwai em Likuwala Grendis. Jacob Andoga i save lukautim dispela liklik botanikel gaden bilong Kipling long Gerehu.

Mista Kipling Naoni i bin amamas tru long groim ol dispela diwai na ol kain kain arapela samting olsem tulip. Em i tok em bai givim ol dispela diwai i go long ol yangpela bilong St Mary's Yut grup long salim na kisim sampela mani bilong helpim Yut grup bilong ol. Presiden bilong St

Mary's Yut Grup, Anthony Nene i tokim Wantok em i amamas long gutpela helpim Mista Noani i givim ol long taim bilong So.

Mista Nene tok olsem dispela bai i namba wan taim bilong wanpela Engliken Sios yut grup long stap insait long dispela bikpela So. Ol i laik soim olsem planti yut grup insait long kantri i ken mekim tu wankain samting long kain bikpela de olsem.

Mista Nene i tok tu olsem ol St Mary's Yut grup i wok long bungim mani long salim 5-pela yut i go long Popondetta long stap insait long wanpela miting bilong ol Engliken Yut.

Sapos yu raun long So graun na nek i drai, dispela em i gutpela sans bilong go baim sofdring long ol yut bilong St Mary's na lukim o baim diwai yut ya i luk olsem fen long taim em i liklik na olsem bikpela ambrela.



Ol liklik 'LUCUALA GRANDIS' diwai em Kipling Naoni i givim long ol yangpela bilong St Mary's Yut grup long salim long taim bilong So.

## TOP QUALITY LASER TYPESETTING SERVICE

### SPECIALISING IN

ANNUAL REPORTS  
LETTERHEADS  
PAMPHLETS  
LEAFLETS  
BUSINESS CARDS  
SCHOOL MAGAZINES  
ELECTION POSTERS

We can now offer an instant print service. Try us NOW for all your printing needs.


Ring Mary on 25 2415. After all what have you to lose but a professional job!!

THE PUBLISHING HOUSE  
PTY LTD



TEL: 25 2415 FAX: 25 9238

# Nissan the big lift in PNG



Nissan Forklifts have earned a well-deserved reputation around the world for excellent maneuverability, safety, and durability. And true to this tradition, the new FX Series has been designed to deliver even greater performance and operating ease as well as lasting reliability.


The FX Series was developed using a distinctive operator-oriented approach. As a result, it's quieter, more comfortable and far better equipped than any other forklift in its class.

Step into the cab and discover the FX difference. All controls, levers and pedals are rationally arranged within easy reach.

The steering is light yet sure in its response. The FX Series — putting a new perspective on performance.

**Available 1 Ton - 7 Ton  
Petrol/LPG/Diesel or  
Electric**

**GO SEE THE GOOD GUYS**



# BOROKO MOTORS

**NISSAN**

● PORT MORESBY — PH: 25 5255 ● LAE — PH: 42 1144 ● RABAU — PH: 92 2777  
● MT HAGEN — PH: 52 1433 ● MADANG — PH: 82 2433 ● TABUBIL — PH: 58 3311  
● ARAWA MOTORS — PH: 95 1566 ● HIGATURU MOTORS — PH: 29 7175

AD / JNY1186

# Taim bilong san i traim strong bilong man



SAPOS yu laik go raun long Moitaka so graun ating mobeta yu mas putim ol klos i save putim long taim yu laik go long nambis (no ken kisim ol klos na samting bilong waswas long wanem bai yu no inap long painim wanpela soi wara long Moitaka). Nau em i taim bilong san long Mosbi na

bai yu pilim hat bilong san long Moitaka So graun.

Namba wan samting bai mi panim long so graun em wanpela kain hat em ol Meksiko i save putim long haitim het bilong ol long san. Bringim tu wanpela san glas bai yu ken soim stail bilong yu.

Ol lain bilong Pepsi na Coca Cola bai stap tu long olgeta kona na ol sofdring bilong ol bai helpim long holim nek bilong yu. Tasol ol dispela kain sofdring bilong ol bai i mekim nek bilong yu i skirap moa long kam bek na baim planti moa yet.

No ken ting olsem bai yu kisim fri wara long taim bilong So nogat ya. Olsem na yu mas kisim wara saplai bilong yu yet. Ating wanpela botol wara bai inap helpim yu long winim hat bilong san.

Sapos yu pilim olsem het bilong yu i pen orait, painim tasol wanpela haus o diwai na sindaun kisim win. Na sekim gut su, let na klos bilong yu. Sapos ol i pas tumas long skin bai blut i no inap ron gut long bodi na bai wokim ai bilong yu i raun. Na tu het bilong yu bai i paul.

O yes! No ken lus tingting long kaikai gut long moning. Nogut hangre na hat bilong san i mekim na yu bagarap long taim bilong So.

Sapos ai bilong yu i raun na yu pilim olsem yu bai dai nau tasol, no ken wari tumas. Ol plis na wokman bilong ambulens bai redi tasol long olgeta kona bilong Moitaka So graun, long helpim yu. Olsem na no ken wari tumas.

Moitaka So bilong dispela yia bai i gat ol danis grup bilong ol ailan long Hawaii na Guam. Ol tumbuna danis wantaim ol planti arapela samting bai kamap tu. Ol kampani olsem Coca Cola, Continentel Airlines, Air Niugini, Madang Resort Hotel, Islander Hotel, na Lae Intenesenel Hotel bai putim kamap sampela pilai bilong ol. No ken ius tingting long Mosbi So Sosaiti. Ol tu bai putim kamap sampela pilai na ol kain samting olsem.

Ol Tatatana danis grup bilong Guam i bin kam long Mosbi taim Continentel Airlines i wokim opisal opening bilong ol balus bilong en long flai i kam long PNG. Tasol Fagan Babies bilong Hawaii em namba wan taim bilong ol long kam long PNG. Ol i kam long 9 Jun na redi tasol nau long soim musik na danis bilong ol long Moitaka.

Nau yet em ol i redi tasol long kirapim das

long Moitaka so graun. Bai yu i no inap les long lukim ol bihain long yu ridim dispela stori.

Tripela yia i go pinis long wanpela nait klap long Honolulu ol i kolim Anna Banannas, FAGAN BABIES i bin pulim planti manmeri tru i kam long lukim na harim dispela kain stail musik na danis bilong ol. Dispela em stail bilong tanim na sekim as 'hula dens'.

Musik bilong ol bai yu harim olsem bilong ol Karibian na Afrika. Ol musik em Fagan Babies i save pilaim i kam long ol kain kain eria bilong Karibian na Afrika. Em ol dispela kain stail rege na kalipso musik na ol kain kain musik bilong Bresil, Latin na Nu Olins wantaim ol musik bilong ol stret.

I gat 6 man olgeta bai pilai long dispela grup o ben. Nem bilong ol em;

Bill Danos (drama), Bailey Matsuda (bai pilaim kibot), Mike Muldoon (pekusin), Craig Okino (bai singsing na pilaim gita), Chris Planas (bai singsing na pilaim gita) na Elyoe Tajima (bai singsing na pilaim kibot).

Ol i no save pilai nating tasol long Anna Banannas klap. Ol i bin wokim sampela gutpela samting long helpim planti pipel long wol. Ol i bin pilai long bungim mani long Afrika (Afrika Famin Aid), El-Salvado, Maskula Daistrofi. Na tu ol i bin givim helpim long dispela Fri Nuklia Pasifik na Enti-Apatait kolisen.

Fagan Babies ben i bin opim wanpela pilai ol i kolim Black Uhuru long Julai 1984. Bihain long dispela ol i opim tu wanpela pilai long Muta-baruka long 1986. Na tu Fagan Babies ben i bin sponsorim na pilai long "wanpela danis bilong Afrika long nait". Wanpela danis man bilong Afrika, Desiree Williams i pilai wantaim ol long dispela taim.

Long 1985 ol (Fagan Babies) yet i wokim wanpela rekoting bilong ol. Ol i rekotim ol singsing em ol yet i raitim.

Insait long dispela Mosbi so long Jun, bai i gat tu wanpela kain pilai bilong painim husat em strongpela



RADIO CENTRAL

KIBIENA GADONA



Redio Sentral bai stap long Mosbi So graun na brotkas long ol samting i kamap long tripela de bilong So.

Redio Sentral bai stat brotkas long so graun long hap pas 8 i go inap long hap pas 9 long moning. Long dispela taim, bai ol i amamasim pipel wantaim ol switpela musik. Bihain long hap pas 9 olgeta pipel husat i putim yau long Redio Sentral bai i ken harim wanem samting i kamap long Mosbi So.

Dispela brotkas bai i stap inap long hap pas 5 long apinun. Namel long hap pas 3 na sikis minit i lusim 4 klok long apinun, Redio Sentral bai i kamapim tu brotkas bilong ol tumbuna singsing na ol string ben long So graun.

Redio Sentral tu bai toktok wantaim ol pipel na ol wantok long ples i ken harim ol dispela stori.

Ol brotkas bilong Redio Sentral long So graun bai lukluk long ol singsing na ol stringben samting taim bilong So. Dispela em long givim sans long ol pipel husat i stap insait long Sentral provins long save tu long wanem samting i wok long kamap.


Planti ol singsing grup na ol string ben bai pilai tu long dispela taim. Na em i gutpela long toksave long ol lain husat i no inap long kamap long save long wanem kain ol samting i wok long kamap long dispela bikpela So.

Stesin Menesa bilong Redio Sentral, K Vila i tok em i laikim ol pipel husat i stap insait long Sentral Provins na harim wanem kain ol samting tu i wok long kamap. Em i tok ol brotkas bilong Redio Sentral bai stap long Hiri Motu bikos planti lain husat i putim yau long dispela stesin em ol biklain bilong ples.

K Vila,  
Station Manager,  
Radio Central Province.




MALOLO LONG RAUN LONG SO!

# Na kam traim rost kopi tru bilong PNG long stol namba 208



Kam lukim stol bilong Kopi Industri Bod na traim switpela rost kopi, bai yu lukim tu olsem em i isi tru long wokim!

**KOPI TRU**  
Swit bilong em i nambawan!  
**BILONG PNG**



# 80 toea long kisim bas i go long So graun

BIKPELA Egrikalsa So insait long Mosbi long oigeta yia bai i kamap long Moitaka graun. Dispela em i samting olsem 8 kilomitas longwe long Mosbi siti. Dispela bikpela Egrikalsa So bai i kamap long 11 i go inap long 13 Jun.

Ol lain husat bai i kamap long So long dispela yia bai i kirap nogut long lukim olsem So Sosait i putim pinis kolta long hap rot i go long Moitaka So graun.


Yupela bai kalap long ol PMV bas o arapela pablik transpot na baim 80 toea tasol long go long Moitaka So graun. Na ol yangpela na ol liklik manki bai i baim ol PMV long 40 toea tasol.

Tasol bipo long yu kamap long So graun, ol

draiva bilong PMV bai i stapim ol ka bilong ol long sait bilong rot namei long Moitaka na Mosbi siti na askim yu long baim pastaim. Long wanem long bipo long ol kain bikpela de olsem ol man i save lusim bas na i no tingting long baim bas.

Long taim yu kamap long Moitaka So graun yu kalap tasol i go daun long PMV na yu no inap wari gen long kisim mani long poket na stretim draiva long bringim yu.

Em i isi long taim bilong lusim So graun tasol ating bai i moa gutpela long yu lusim dispela hap long 5 klok long wanem planti man meri wantaim ol pikinini resis long kalap long PMV na go bek long haus bilong ol.



• Taim bilong So bilong Mosbi em i taim bilong draipela san tu ya.

## i kam long pes 6

man insait long Mosbi. Dispela kain pilai resis ol i kolim 'ain men kompetisen'.


Presiden bilong Mosbi So Mista John Mudge, i tok olsem bai i gat planti nupela samting i kamap tu long dispela So. Sampela bilong ol dispela nupela samting em wanpela giaman pait em ol ami bilong Papua Niugini Difens Fos (PNGDF) mekim. Ol arapela samting em ol plis dok na lain bilong ranim moto-baik bai soim sampela trik na stail bilong ol.

Mista Mudge i tok tu olsem em i traim long kisim wanpela rok ben bilong Hawaii ol i kolim 'Beach Babies' long pilai tu long dis-

pela So. Em i traim long kisim tu wanpela tumbuna danis grup bilong Maikronesia. Insait long PNG yet, John Wong na Painim Wok ben bilong Rabaul bai kam bek long Mosbi long wokim sampela nois gen long Moitaka.

Mista Mudge i tok olsem las yia, namba bilong ol man husat i go long lukim so i winim tru ol arapela yia. Samting olsem 100,000 pipel i bin kamap.

Em i tok olsem PNG Elektrisiti Komisen bai soim tu ol samting bilong ol long pablik, insait long so. Dispela em long selebretim 25th aniveseri bilong Elcom.



# WOPA IRONMAN KOMPETISEN

Bai Kamap Long Pot Mosbi So

### ELIMINATION ROUNDS

Sarere, 11 Jun  
11 am

### FINALS

Mande, 13 Jun  
11. 20 am

Husat i strongpela man tru long Mosbi? Painimaut long taim bilong Pot Mosbi So. Morobeen Wopa Ironman Kompetisen em i resis bilong ol bikpela maselman bilong yumi i traim strong bilong ol. Bai i gat tu ol kain kain prais inap long mak bilong K2,000. Sampela bilong ol dispela prais em tupela kala TV ol strongpela man i ken winim.

Ya save pinis, dispela resis bai strong tru ya. Spin i kam tasol na lukim.

Lukim yupela olgeta long Port Moresby Show Main Arena.

SWIT MOA. NAMBAWAN KAIKAI.

Wanpela Wopa tasol i no inap

-- bai yu laikim moa.



• Ol kain pait resis olsem boksen bai kamap. Dispela poto bilong Mosbi So i soim tupela poro ya i lusim ples pait. I luk olsem wanpela bilong ol i mas kisim taim stret.



# "LUKIM YU LONG MOSBI SO!"



Sapos yu laik kamap  
olsem Trukai man  
olgeta de...yu laik  
i stap hamamas,  
helti na strong  
long go het moa!



\*  
I STAP LONG OL  
STOA LONG  
FAIPELA KAIN  
SAIS BEG LONG  
LAIK BILONG  
OLGETA  
25kg, 10kg,  
5kg, 2kg  
na 1kg

# LONG TRU HELT NA STRONG



**KRAAA..... KRAA.....**

Halo, nem bilong mi Laki na mi gat wanpela toksave bilong yupela ol gutpela pipel bilong PNG.

## "LAIKIM PNG KOMPETISEN" NO.3

PNG em i wanpela naispela ples we i gat planti kain kain samting olsem na mipela i laik save hamas pipel tru i save gut long kantri bilong yumi. Dispela em i wanpela moa "LOVE PNG KOMPETISEN" we yu inap long winim K100, K50 o K25 long taim yu traim dispela kompetisen.

### DISPELA KOMPETISEN I ISI TRU!!!


Baim ol Laki Loteri Tiket na sapos yu no winim wanpela prais orait yu ken stap insait long dispela kompetisen olsem:

1. Raitim nem na adres bilong yu baksait long ol tiket em yu no bin winim wanpela prais long en.
2. Putim ol dispela tiket insait long skin pas. Orait raitim ol ANSA bilong yu baksait long skinpas.
3. Salim dispela pas i kam long dispela adres:

Love PNG Competition  
P O Box 1939, BOROKO, NCD.

Ol wina bai stap insait long ol lain husat i raitim ol stretpela asna. Sapos long wanpela mun i no gat wina orait bai mipela i skruim tu prais i go antap moa. Ol manmeri husat i wok long LMS Pty Ltd na ol famili bilong ol i **TAMBU** long stap insait long dispela kompetisen. Na ol plisman bai sambai long taim mipela i kamautim nem bilong ol wina. Nem bilong olgeta wina bai kamap long ol niuspepa we dispela advetaismen i kamap long en.

**TINGIM GUT:** Salim ol tiket we yu lus tasol long ol i kam long dispela kompetisen. Na salim hamas tiket yu laik bikos i no mak mipela i putim.



### WINNERS OF COMPETITION No 2 ARE:

1st K100 - Stephen Turlom  
2nd K 50 - Michael Penny  
3rd K 25 - John Manembi

Please contact Lottery Management Services to collect your prize.

### Kwesten:


Dispela bikrot i stap long wanem hap long PNG?

Raitim nem bilong dispela bikrot tasol - sanapim ansa bilong yu i kam bipo long 27 June, 1988!

### Bai i gat tripela wina tasol:

1st K100 2nd K50 3rd K25.

Em i isi  
tru long  
resis nau na  
kamap Laki  
wina.



• Ol plisman bai soim ol yunifom bilong bipo na bilong tude.

## Ol plisman tu soim wok bilong ol

OL lain bilong Plis Fos long Mosbi tu bai soim sampela wok bilong Plis Fos long taim bilong So. Sief Inspekta Michael Owen i tok olsem ol lain bilong Plis Fos bai i gat tupela liklik haus, namba 104 H na 104 I.

Ol bai putim ol posta o piksa bilong stapim raskol pasin, ol sain bilong rot, soim ol kain stail bilong ol sekuriti lait na ol vidio piksa long ol kain kain wok bilong Plis.

Ol bai i yusim tu wanpela ka i gat ol laut spika na wanpela tep rekoda i stap insait long toksave long ol pipel long ol kain kain lo na sain bilong rot na ol sefti rul bilong ka.

Insait long dispela tupela haus bilong ol, ol plisman bai soim sampela olupela plis yunifom, ol kain kain ol alam (masin bilong toksave long ol birua i kamap), na ol kain kain sekuriti lok na glas bilong windo.

Bai ol i kamapim wanpela kain pilai bilong ol liklik pikinini. Insait long dispela pilai, ol bai askim ol pikinini ol kain kain askim olsem; "Husat em i nupela Plis Komisine bilong yumi? Wanem samting bai yu mas mekim bipo long yu kalap i go long arapela sait bilong rot?" Husat i win long dispela resis bai i kisim ol kain prais ol singlis.

## Tingting bek long NTN

LONG bikpela Mosbi So long las yia, televisen kampani NTN i bin stap wantaim ol pipel na amamasim yumi. Ol pipel i bin amamas tru long kamap long haus we NTN i stap na lukim wanem kain samting ol i mekim.

Mi ken tingim long dispela taim bilong So, NTN i bin sanapim haus bilong en arere long NBC Hill. Na long dispela taim Mary White i bin sanap na i wok long toktok wantaim ol pipel na askim ol kain kain kwesten.

Long dispela taim televisen i bin nupela na NTN i namba wan televisen stesin long Papua Niugini olsem na ol pipel i bin resis

long kamap na lukim NTN.

Na long taim ol manmeri na pikinini i harim olsem Big Dog bai kam long helikopta, olgeta yet i go bung long bikpela pilai graun long lukim em. Long taim em i kamap na i wok long tromoi han olgeta manmeri na pikinini i amamas, singaut na kalap nabaut.

Tasol bihain long wanpela yia tasol wantaim yumi, NTN i no stap na long amamasim yumi gen long taim bilong Mosbi So. Long kisim ples bilong em, namba tu televisen stesin bilong Papua Niugini EM-TV bai i stap. Tasol EM-TV bai i go long kisim nius tasol. Ol bai i no inap stap insait long So graun olsem NTN i bin mekim.

## Guam Singsing grup bai soim pes

WANPELA danis grup bilong Guam ol i kolim Tatana bai kamap long Papua Niugini tude 09, Jun. Balus kampani Continental Airlines i kisim dispela lain i kam long kantri long traime na painim sampela mani long salim ol lain bilong Guam i

go long Saut Pasifik Festival bilong Arts long Townsville Australia.

Ol dispela lain bai danis long ol hotel long Mosbi, Lae na Madang. Ol bai autim danis tu long Nesenel Arts skul na long bikpela Mosbi So.

Ol dispela lain i kam long Mosbi taim Continental Airlines i bin

opim nupela opis bilong ol las yia. Long dispela taim ol i bin danis long Islander Hotel na tu long Nesenel Arst skul.

Continental Airlines i tinging nau long salim tupela balus i kam long Papua Niugini long wan wan wik.

Manesing Dairekta bilong Melanesian turis sevis husat i


lukautim opis bilong Continental Airlines long Mosbi, Peter Barter i tok olsem wanpela balus i save kam long Sande na nau bai narapela balus tu i kam long Trinde.

Dispela i min olsem planti moa turis long Amerika i ken kam na lukluk raun long Papua Niugini.

## YU LAIK BAI BISNIS BILONG YU I GOHET?

### MOBIL TELEFON EM WANPELA GUTPELA WE STRET LONG MEKIM BISNIS BILONG YU I GOHET

#### PTC'S MOBIL FON SEVIS ..



#### ..BILONG OL MAN I LAIK GOHET

Sapos yu saveman bilong bisnis nating yu tingting pinis long baim wanpela Mobilfon bai yu ken sevis long bisnis bilong yu taim yu stap long rot o autsait long opis.

Mobilfon em bilong ol bisnitsman i laik go het.

Mobilfon em helpim yu long holim gut wok bisnis bilong yu maski yu stap long opis o yu raun long helpim bisnis bilong yu i go het.

Mobilfon inap go insait long olgeta ka o bot. Yu ken ring long olgeta hap insait long NCD o inap 8 kilomita longwe long biksolwara. Sapos yu kisim bai yu amamas tru long we em helpim yu long mekim wok bilong yu.

Em bai helpim yu long pasim mani bilong yu tu taim yu mekim wok ausait long opis bilong yu.

Ol dispela lain i save saplai long Mobilfon: Hitron Pty, Ltd; STC Pty Ltd; o Philips Communications Systems. O sapos yu laik yu ken ringim PTC Telecom Business Office long Garden City Boroko o Telecom Business Centre long Mosbi na kisim wanpela pepa i tok aut long olgeta samting bilong Mobilfon.



POST AND TELECOMMUNICATION CORPORATION  
Keeping You in Touch — By Mobilephone

# Serving the nation...


## Spare parts & backup service for every product sold

### COMMERCIAL PRODUCTS


### CONSUMER PRODUCTS




**Lister**  
Never specify less.  
● FROM 4 — 650 KVA  
● SPARE PARTS BACKUP IN ALL OUTLETS  
● SERVICE INSTALLATION & MAINTENANCE  
● EXPERT SIZING & SELECTION



**ZANUSSI**  
**Deep Fryer**  
● 2 pan gas fryer, stainless steel  
● variable temperature from 90—185°C  
**Gas Cooker RCVG 1000**  
● 6 burner on gas oven & cupboard  
● all components are easy to clean enamelled steel  
● versatile hobs for various combinations




**HOVER**  
**Premier 570**  
● deluxe automatic washing machine  
● large 5 kg load capacity  
**Lark**  
● upright vacuum cleaner  
● crevice tool attachments available  
● it beats as it sweeps as it cleans  
**T 4228**  
● twin tub washer  
● stainless steel bowl  
● large 3.6kg load capacity



**NEC** The choice for home entertainment.  
**20" Color TV**  
● quick start picture  
● low power consumption  
● electronic tuning  
**26" Color TV**  
● wrap around stereo sound system (twin speakers)  
● wireless remote control  
● direct audio/video input



**Crypto Peerless** Specialists in food Preparation Equipment  
**Potato Peeler (C28F)**  
● 13kg capacity  
● 7kg & 3kg also available  
**Food Processor (TRS)**  
● more than 70 kinds of cutting, slicing, chipping, dicing, grating, julienne, fine grating and more.  
● stainless steel components in individual storage rack.




**pacific** by gorenje  
Fits your lifestyle  
**Pacific 10 HDS212)**  
● 2 door refrigerator/freezer  
● 270L capacity  
● deluxe moist cold refrigerator.  
**140L & fridge H715 AEC)**  
● durable coppertone paint finish  
● laminated worktop  
● push button defrost




You can be sure if it's **Westinghouse**  
**Refrigerator/Freezer RE 311)**  
● 2 door refrigerator/freezer  
● large 300 litre capacity  
**Chest Freezer (FD 700L)**  
● 700 litre capacity  
● 3 lid hinges for extra durability



**SIMPSON** making life easier  
**Cascade Dishwasher**  
● 14 place setting capacity  
● stainless steel liner  
● automatic detergent & rinse dispenser  
● economy wash cycle  
**NOVA (61-81Z)**  
● economy freestanding electric stove  
● 4 elements  
● slide down oven door  
● internal grill



**ZEUS INDUSTRIES**  
**ZRB5 Chicken Rotisserie**  
● 5 chicken capacity on double pronged spit  
● specially designed drip tray  
**Zu6 Hotfood Bar**  
● 6 tray unit  
● can supply wet or dry heating



**SANDEN**  
**Freezer Display Unit GSU 600**  
● 3 compartment, 600 litre frozen food merchandising unit  
● sliding glass doors for each separate compartment  
● variable temperature for each separate compartment  
**Display Unit AGT 120**  
● benchmounted refrigerator display unit  
● ideal for perishable display — chocolates, pastries, etc.



**BLACK & DECKER.**  
**Crock Cooker**  
● 4.7L family size cooker  
● removable stoneware crock pot  
● time saving appliance for easy living  
**Iron**  
● heats up quickly  
● surface spray and steam components

**BRIAN BELL CAPS**  
**K2.50 only**  
**At the Show Ground**

## Proud to again be involved in this years Port Moresby Show!

# Brian Bell Stores

BOROKO

LAE

GOROKA

MT. HAGEN

PH: 25-5411

PH: 42-3377

PH: 72-1622

PH: 52-1999



• Ol tripela Mekeo i hatim saingsing i stap. Poto bilong 1987 So.

# Gutpela prais bilong ol singsing grup

SAMTING olsem 21 singsing grup bilong ol kain kain eria bai i kamap long Mosbi So. Dispela ol grup i bilong ol kain kain kalsa na bilip na long dispela wiken bai i soim tru ol kain we bilong ol tumbuna long amamasim ol bikpela de olsem.

Wanpela memba bilong So Komiti husat i go pas long ogenaism na lukautim ol singsing grup, Timothy Kaulei i tok olsem 21 grup i putim nem pinis long stap insait long dispela

taim. Tasol em i tok i luk olsem bai i gat ol arapela lain i kamap yet bihain na givim nem tu.

Mista Kaulei i bin tok tu olsem long ol dispela 21 grup husat i bin givim nem pinis, tupela bilong ol bai i kam ausait long Mosbi na Sentral provins. Planti bilong ol grup i bilong Hailans rijin. Planti bilong ol dispela lain i bilong Isten Hailans provins.

Tupela grup bilong kain ausait long Sentral na Mosbi em long Wau Kona Klik grup bilong Menyamya long Morobe Provins

na Dugeduge bilong Westen Provins.

Na arapela gutpela samting tru long dispela yia bai i gat prais bilong olgeta grup husat i putim kamap wanpela singsing grup bilong en.

Bikpela prais bilong namba wan, tu na tri bai i stap tasol bai i gat K100 mani i go tu long ol lain husat i kamap singsing.

Mista Kaulei i tok dispela em i gutpela long soim olsem ol dispela lain i no kamap long amamasim ol pipel tasol. Ol i gat presen bilong ol tu

long stap insait long dispela de bilong amamas.

Bikpela prais bilong singsing grup long dispela yia em i K1,000. Tasol Mista Kaulei i tok dispela mak bilong mani bai i go antap sapos namba bilong ol pipel husat i kamap long lukim So i go antap.

Sapos planti pipel moa i kamap long lukim so, mak bilong prais mani bilong top singsing grup bai i go antap. Namba tu prais i stap long mak bilong K750 na namba tri prais bai i stap long mak bilong K500.




Lokal Kampani bilong wokim na salim ol mit na sosis olsem HAM na BACON-FRANKFURTERS SAVELOYS na SALAMI

Na tu long olgeta de, yu ken kisim fres mit bilong Pik, Kau, Sip-sip na Kakaruk. Na tu i gat ol kain kain kaikai i kam long ovasis olsem Sis, Pis, Soklet, Jem, Bret na planti moa ol arapela kaikai.

RETAIL: Sapphire Small Goods Delicatessen  
Hugo's Building Boroko Tel 25 4539

WHOLESALE: Sapphire Products, Stiepel  
Tel: 28 1180/28 1133 16 Mile, Rouna Road



# "The Life of the Show... ...the 1988 Port Moresby Show"



**PEPSI.  
THE CHOICE OF  
A NEW GENERATION.**

# Nogut yu no lukim ol Continental Micronesia Singsing

SEE THEM PERFORM THEIR DARING FIRE DANCE

Ol win mani bai go long Saut Pasifik Festival ov Ats



**Yu mas lukim dispela singsing paia**

**Bai yu seksek na amamas nogut tru taim yu lukim**

Yumi/Nesenel Ats Skul long apinun Long nait long Islander Hotel	Fraide - Jun 10 Fraide - Jun 10
Mosbi So 4pm - Coca Cola Tieta Long nait long Islander Hotel.	Sarere - June 11
Mosbi So 4pm - Coca Cola Tieta Long nait long Islander Hotel	Mande - Jun 13
Madang Resort Hotel (long nait)	Tunde - Jun 14
Lae International Hotel	Trinde - Jun 15

Ol dispela lain i kamapim dispela so:

**CONTINENTAL AIR MICRONESIA**

Madang Resort Hotel

THE ISLANDER HOTEL PORT MORESBY

Port Moresby Show Committee

LAE INTERNATIONAL HOTEL

air niugini THE NATIONAL AIRLINE OF PAPUA NEW GUINEA

EM TV

# Program bilong ol ben long Mosbi So

Sat 11, June 9.30 - 5.00 pm


- 9.30 • **'String Bands' Your Favourites**  
Taung Sibung  
Solos  
Caipso
- 10.30 • **'Rock Groups' Port Moresby's Best**  
Hollie Maea  
Uni Magic
- 11.20 • **Chinese Youth Martial Arts & Acrobats**  
(Sponsored by Coca-Cola Donation to South Pacific Arts Festival Fund)
- 12.00 • **'The Remains' (Ex April Sun) from Morobe**  
(Courtesy of TALAIR)
- 12.30 • **'Painim Wok' Rabaul's Top Band**  
(Courtesy of TALAIR)
- 1.00 • **'John Wong' PNG's Leading Solo Artist**  
(Courtesy of TALAIR)
- 1.30 • **'Extension' & 'Sirosis' PNG's Hottest Rock Group**  
(Courtesy of AIR NIUGINI)
- 2.30 • **'Jason James' Australia's Country Entertainer**  
(Courtesy of AIR NIUGINI)
- 3.15 • **'Fagan Babies' Hawaiian Roots Music Group**  
(Courtesy of B.D.C, KAKARA FURNITURE, CORAL SEA TRAVEL, TIARE.)
- 4.15 • **'Micronesian' Traditional & Fire Dancers**  
(Courtesy of CONTINENTAL AIRLINES)

International Guest accommodation Courtesy Gateway Hotel.

Sun 12, June 9.30 - 5.00 pm

- 9.30 • **'Gospel & Choir' Singers**  
Tinoi Godua  
Gospel Fever
- 10.15 • **'String Bands' Your Favourites**  
Young Ekais  
Inilave
- 10.30 • **'Rock Groups' Port Moresby's Best**  
Pegois  
Alo Pops
- 11.20 • **Chinese Youth Martial Arts & Acrobats**  
(Sponsored by Coca-Cola Donation to South Pacific Arts Festival Fund)
- 12.00 • **'The Remains' (Ex April Sun) from Morobe**  
(Courtesy of TALAIR)
- 12.30 • **'Painim Wok' Rabaul's Top Band**  
(Courtesy of TALAIR)
- 1.00 • **'John Wong' PNG's Leading Solo Artist**  
(Courtesy of TALAIR)
- 1.30 • **'Extension' & 'Sirosis' PNG's Hottest Rock Group**  
(Courtesy of AIR NIUGINI)
- 2.30 • **'Jason James' Australia's Country Entertainer**  
(Courtesy of AIR NIUGINI)
- 3.15 • **'Fagan Babies' Hawaiian Roots Music Group**  
(Courtesy of B.D.C, KAKARA FURNITURE CORAL SEA TRAVEL, TIARE)
- 4.15 • **'Micronesian' Traditional & Fire Dancers**  
(Courtesy of CONTINENTAL AIRLINES)

International Guest accommodation Courtesy Gateway Hotel.



Mon 13, June 9.30 - 5.00 pm

- 9.30 • **'String Bands' Your Favourites**  
YMB  
KLrymus  
Okay Co
- 10.30 • **'Rock Groups' Port Moresby's Best**  
Lahi Gabua
- 11.00 • **Chinese Youth Martial Arts & Acrobats**  
(Sponsored by Coca-Cola Donation to South Pacific Arts Festival Fund)
- 12.00 • **'The Remains' (Ex April Sun) from Morobe**  
(Courtesy of TALAIR)
- 12.30 • **'Painim Wok' Rabaul's Top Band**  
(Courtesy of TALAIR)
- 1.00 • **'John Wong' PNG's Leading Solo Artist**  
(Courtesy of TALAIR)
- 1.30 • **'Extension' & 'Sirosis' PNG's Hottest Rock Group**  
(Courtesy of AIR NIUGINI)
- 2.30 • **'Jason James' Australia's Country Entertainer**  
(Courtesy of AIR NIUGINI)
- 3.15 • **'Fagan Babies' Hawaiian Roots Music Group**  
(courtesy of B.D.C, KAKARA FURNITURE CORAL SEA TRAVEL, TIARE)
- 4.15 • **'Micronesian' Traditional & Fire Dancers**  
(Courtesy of CONTINENTAL AIRLINES)

International Guest accommodation Courtesy Gateway Hotel.



# Painim Wopa ainman bilong Mosbi

OL PIPEL husat i go long Mosbi So bai i lukim wanpela nupela resis i kamap. Ol lain bilong Morobeen Wopa bisket bai putim wanpela resis bilong painim ainman.


Dispela resis bai kamap long Sarere 11 Jun stat long 11 klok i go inap long 15 miniti go antap painim 12 o klok. Na ol fainels bilong painim husat i sempion masel man bilong dispela resis bai i kamap long Mande 13 Jun stat long 20 minits pas 11 i go inap long 20 minits tu 12. Dispela resis bai i luk olsem bai pulim planti man-meri.

Ol man bilong resis long kisim taitel bilong ainman i mas ran wantaim wanpela 50 kilogrem beg plaua inap long 80 mita olgeta. Long taim bilong gren fainel long Mande, ol lain bilong

resis bai i ran i go inap long namba wan 20 mita mak. Taim ol i kamap long dispela fes 20 mita mak, ol bai i kisim wanpela pos bilong banis na karim ran i go long arapela 20 mita. Ol bai i ran gen long arapela 20 mita na karim wanpela beg i gat gras long en na bihain bai ol mekim wankai tu long wanpela 200 lita dram.

Husat man i winim 18 i ken stap insait long dispela resis. Wopa i no inap sasim wanpela man long stap insait long dispela resis tasol wanem man i laik resis bai i mas baim dua bilong kam insait long So na resis.

Morobeen Bakery bai i givim fri Wopa na Krim bisket i go long ol man, meri na pikinini husat i kamap long lukim dispela resis. Olgeta lain husat i



• Wopa Bisket bai painim wanpela strongpela maselman long taim bilong So. Ating planti man bai traim ya bikos i gat ol gutpela prais bilong dispela resis.

stap insait long dispela resis bai i kisim wanpela Wopa singlis long putim long taim bilong resis. Na bihain ol dispela lain

man husat i resis i ken kisim ol dispela singlis i go ol long haus.

Coca-Cola, wanpela bikpela sapota bilong

dispela So tu bai i givim fri Coca-Cola kol dring i go long ol lain husat i pinisim ran bilong em long taim bilong resis.

Olgeta lain husat i win long taim bilong dispela bikpela hat san bai i kisim wanpela katen liklik Wopa bisket.

Man husat i strong tru na i win long dispela resis bilong Wopa ainman bai i kisim wanpela tropi wantaim wanpela 20 inses Kala televisen na wanpela katen liklik Wopa bisket.

Man husat i kam namba tu bai i kisim wanpela tropi wantaim wanpela kala televisen na wanpela ambrela.

Namba tri prais em i wanpela redio bilong man i save wokabout (Walkman Radio) wantaim wanpela katen liklik Wopa bisket na wanpela katen krim bisket.

Ol bikpela prais bilong dispela resis bai i kamap bihain long taim olgeta resis i pinis. Na man husat i go pas long salim ol bisket bilong Wopa long Mosbi bai givimaut ol dispela prais.

Maketing Menesa bilong Morobeen, Sandy Ross i tok olsem kampani bilong em i amamas tru long sapotim na helpim wanpela kain bikpela pilai olsem insait long taim bilong Mosbi Egrikalsa So.

## Swit bilong muli stret!!

Traim swit bilong muli stret long Tarino botol long taim yu raun long Mosbi So.

Kam na lukim mipela long haus namba 105H,

(bung wantaim Ampitheatre)




For TOP tropical TASTE it's...

**HOHOLA**  
softdrinks




• Ol pikinini bai pinisim laik long dispela tripela de bilong So.



• Taim bilong traim tasol.




• Em i taim bilong lukim ol kain kain pasin tumbuna na ol nupela pasin tu.



• Bai i gat kain kain musik i kamap long pinisim laik bilong ol yangpela.

SEE US AT STALL 72

# CALL IN AND TASTE PNG'S VERY OWN COFFEE



Nestlé **Coffee-mate**<sup>®</sup>  
COFFEE WHITENER




*Made for each other*



## 2-MINUTE NOODLES

### Braised Duck Flavour


MADE IN PNG




## AND MILO

# MOITAKA SHOWGROUND

PORT MORESBY



- FIRST AID ■
- POLICE ■
- TOILET ○
- TELEPHONE ●
- TRAFFIC FLOW →
- GROUND SPACE //



SEE YOU AT THE SHOW!

# PORT MORESBY SHOW



Moitaka Showgrounds  
11-13 June 1988

# Husat stap we long So Graun

1. RED CROSS
- 3b. DUNLOP PNG PTY LTD
4. BRITISH PETROLEUM
5. APEX CLUB PORT MORESBY
6. BOROKO ROTARY
7. SOLONSAR PTY LTD
- 8a. W.D. & H.O. WILLS
- b. W.D. & H.O. WILLS

9. SECRETARIES OFFICE
10. MAKANA VOCATIONAL CENTRE
11. FAMILY PLANNING ASSOCIATION
12. MAINO HEDURA CENTRE
13. HOHOLA YOUTH DEVELOPMENT GROUP
15. DISCOUNT MART
16. COUNTRY WOMEN'S ASSOCIATION
17. DELIEA MADOP
- 18 AWA ORK
19. LUKE YANGUN
20. MABAKA YOUTH GROUP
22. DATEU FAMILY
23. BULUMB GROUP
24. DATEU FAMILY
25. BART & GERARD
26. SAYON SAIWA
27. JANET GERA
28. JANET GERA
29. NOAK KAWAI
30. DARUSILA VEVE
31. ANDREW WAGI
32. JANET GERA
33. TATA & ASSOCIATES
34. ST MARY'S YOUTH GROUP
35. MALAYSIAN HIGH COM.
36. IRIPIR TRUST FUND
37. B & C UNIVERSAL INVESTMENTS
38. MRS LING
- 39 NATIONAL CAPITAL RULES FOOTBALL CLUB
40. SOPI ART SUPPLIERS P/L
41. MRS BRAY
42. MAWAE ASSOCIATION
43. MRS BRAY
44. MRS BRAY
45. CATHOLIC BOOK CENTRE
46. PIWA BROTHERS
47. WORKS DEPARTMENT
- D. JEFFERY TURIA

- 48a. ROMANE YANNGOMINA
- e. HETURA TRADING
- f. MR B GWANG
- g. HUMPHERY AROTAI
- h. TAKAROUNG INVESTMENT P/L
- i. BAHAI FAITH
- j. DONATO GO
- k. DONATO GO
- l. DELTA PNG
- b. UNITED PENTECOSTAL. ASSEMBLY
- c. N. WILLIAMS

61. MAKANA VOCATIONAL
62. LIFELINE PORT MORESBY
49. HAPA PTY LTD
63. LIFELINE PORT MORESBY
64. TROPICAL DESIGNS
65. LALOKI HIGH SCHOOL
68. NEW GUINEA VENDING
69. JOSEPH LAUKU
70. NEW GUINEA VENDING
71. MRS D LIM
72. NESTLES
73. CHIN H. MEEN
74. STEAMSHIPS
75. NEW DAWN MINISTRY
76. COCA-COLA DEPOT
77. COCA-COLA DEPOT
78. COCA-COLA DEPOT

101. LIONS OF PORT MORESBY
102. BRAIN BELL
- 103a. BURNS PHILPS
- b. ELA MOTORS

- 104a. WAIGANI PHARMACY
- b. WAIGANI PHARMACY
- c. SAMUEL SIRIFAVE
- d. BIBLE SOCIETY OF PNG
- e. PTC
- f. PTC
- g. PTC
- h. POLICE DEPARTMENT
- i. POLICE DEPARTMENT
- k. KUROME HOLDINGS
- l. ELA UNITED CHURCH

- 105a. PNG COLOUR LAB
- b. PNG COLOUR LAB
- c. HAUS BILAS
- d. HAUS BILAS
- e. LYREBIRD DISCOUNT
- f. LYREBIRD DISCOUNT
- g. FAMILY PLANNING, DIVISION OF HEALTH DEPARTMENT.
- h. HOHOLA SOFT DRINKS

- 106a. RICE INDUSTRIES
- b. RICE INDUSTRIES



- c. UNAMAI MINI SUPERMARKET
- d. UNAMAI MINI SUPERMARKET
- e. B & C UNIVERSAL INVEST
- f. NIALA TRADING PTY LTD
- g. CUSTOMS CENTENARY ORGANISING COMMITTEE.
- h. CHIN SUN, KUNG FU SCHOOL

107. H.C. Y.H. LEO

109. ARTS & CRAFTS

- 111a. NIUGINI BEVERAGES
- b. NIUGINI BEVERAGES
- c. NIUGINI BEVERAGES

- 112a. MERCY FABILA
- b. MONTI MONGI
- c. COCA - COLA
- d. COCA - COLA
- e. COLA - COLA

113. BADILI VOCATIONAL CENTRE
114. ELCOM
115. B & C UNIVERSAL INVEST

116. SAPPHIRE SMALLGOODS

117. HORNIBROOK CONSTRUCTION

120. PADIHO LUTHERAN MISSION

121. YOMUNA EPERE

122. WAIGANI PARISH
- 122a. TWISTIES R.L.F.C

123. NINE MILE UNITED CHURCH

124. RABOTLA SOCCER CLUB
125. LAREB FARM
127. KEMPA CRICKET CLUB
129. MR WILLIAM KEWA
130. ENDEKO KASOPE
128. PETE KULU
162. ROTARY CLUB OF PORT MORESBY
- 162a. GOLDEN OLDIES ASSOC
- b. GOLDEN OLDIES ASSOC

163. BOROKO AMATEUR SWIMMING CLUB

165. K AMUSEMENTS

166. SHELL PNG PTY LTD

- 168a. EXMARK STOCK & PRODUCE
- b. ALELE PTY LTD

169. UNIVERSITY SOCIAL & RECREATION CENTRE

170. NEW GUINEA VENDING
173. CENTRAL PROVINCE RADIO
180. MONONO YOUTH ASSOCIATION

181. A. HOMBA & T. KAYARIPA

182. AMBIL TRADING PTY LTD

190. JOHNSTONS PHARMACY

191. INTERNATIONAL JAPAN OVERSEAS
192. YELLOW RIBBON PTY LTD.
193. AMERICAN FOOD
194. MRS BIRNER
195. FILIPINO ASSOC
196. FILIPINO ASSOC
197. RODNEY JAMES
198. JOHN BALOLOI
199. BARNES
200. TIM KAULEI

202. COCA-COLA
205. BARCLAY BROTHERS
203. LIONS CLUB OF WAIGANI
204. BARNES - MAGANI R.L.F.C
208. PNG COFFEE INDUSTRY
207. NATIONAL BROADCASTING COMMISSION

- 212b. SIANNE SOCIAL CLUB
- c. DALEY MAIMA
- d. LUTERAN CHURCH WOMERI
- e. B & C UNIVERSAL INVEST

213. MONONO YOUTH ASSOC

217. RAIMEX

221. KATUN TAMI
223. SPORTS AID FOUNDATION
224. K.K. BEAGA

228. LIVESTOCK PAVILION

250. PNG COLOUR LAB

251. DEP. ENVIRONMENT & CONSERVATION

# Ol kain kain singsing tumbuna



• I no ol lain bilong Sentral provins tasol bai kamap. Ol wantok ya bilong Isten Hailans i winim mabu bilong ol.



• Ol bilas na atpela singsing bilong ol Mekeo bai kukim ai bilong ol jas gen long seksen bilong singsing tumbuna.



• Em i sans bilong lukim ol singsing bilong narapela provins. Dispela poto i soim ol kandere bilong Westen provins.



**OOPS!**


When things don't go as you planned, look for the Johnston's Pharmacy Stand.

**JOHNSTON'S PHARMACIES**

BOROKO - 25 5336  
 PORT MORESBY - 21 4424  
 GEREHU - 26 0290  
 KOKI - 21 7318  
 ARAWA - 95 1304  
 KIETA - 95 6250  
 PANGUNA - 95 8028

FIRST AID SUPPLIES — SUNTAN LOTION  
 SUNGLASSES, HATS, & LOTS MORE.

S4S2746




# POLICE SAVINGS & LOANS SOCIETY LIMITED

## We have these for you at the SHOW!




HAND BAGS

ROUND HAND BAGS



UMBRELLA



T-SHIRTS

- CAPS
- HANDBAGS
- UMBRELLAS
- PENS
- T-SHIRTS
- ROUNDBAGS
- KEY TAGS

all for you at the Show!!



PENS

KEY TAGS





• Ol lain Lekembo singsing grup i redi nau long Mosbi So.

## Ol Kokoda bai kirapim das

PLANTI pipel insait long Mosbi long dispela wiken bai i lukim ol kain kain samting i kamap. Na planti i tingting long kamap na lukim wanpela samting em ol yet i gat laik tru long lukim.

Na mi yet i gat bikpela laik tru long lukim ol tumbuna singsing em ol pipel bilong ol arapela provins bai kamapim long taim bilong dispela So. Long wanem, dispela ol singsing

grup bilong wan wan ples bai i soim tru wanem kain samting ol tumbuna i save mekim long taim ol i amamas o wari.

Wanpela singsing grup bilong Kokoda long Noten provins bai i kamap tu long dispela taim. Nem bilong dispela grup em 'LEKEMBO Densing grup'.

Mausman bilong dispela grup Ronald Kuta i tokim *Wantok* olsem dispela grup bai i kamap wantaim tupela bikpela singsing bilong makim ol sampela kain pasin long taim bipo.

Mista Kuta i tok em na Lekembo grup bilong em i gat bikpela tingting bilong bringim singsing bilong ol i go olsem bai ol pipel long ol arapela hap i ken luksave olsem ol dispela lain bilong Kokoda tu i gat singsing bilong ol yet.

Em i tok long dispela tupela bikpela singsing bilong ol, wanpela em 'KAJA' - dispela em i singsing bilong taim bilong bikpela pait na ol i win na bringim dai man i kam bek long ples. Long dispela taim ol i save amamas na mekim dispela singsing bilong soim olsem ol i win pinis long pait.

Arapela singsing bilong ol i save kamap bek long taim ol i go pait wantaim birua na daunim ol. Taim ol i kamap bek long asples, ol i save mekim bikpela singsing, kaikai na amamas wantaim.

Mista Kuta i tok tu olsem dispela grup i bin redi long putim singsing bilong ol long taim bilong So inap long tupela wik olgeta. Long nau yet em ol i redi tasol long kirapim paia long Moitaka So graun long dispela wiken. Planti bilong ol i bilong Morobe eria yet na i gat liklik lain tasol i kam long ples yet.

Lekembo singsing grup i gat samting olsem 32 memba olgeta na 27 man na meri bilong ol bai singsing long taim bilong So.

Dispela em i namba wan taim bilong ol dispela lain long soim singsing tumbuna bilong ol long taim bilong So. Olgeta memba bilong Lekembo i amamas tasol na i stap wetim dispela bikpela de long kamap. Long taim *Wantok* i bin gris liklik wantaim ol, ol dispela lain man na meri i bin amamas tru na i luk olsem ol i redi tasol long bagarapim ples long dispela wiken.

*Wantok* i gat strongpela bilip olsem ol lain kas ya long Tufi bai i kamap tu olsem na dispela tupela grup bilong Oro i mas kirapim das liklik long dispela wiken.

Harim tasol nek na krai bilong kundu bai yu gat gutpela sans long lukim ol dispela wantok ya long Kokoda i soim singsing tumbuna bilong ol long namba wan taim long dispela wiken 11-13 Jun, 1988.

# Winfield

## 25's




**5 extra King Size cigarettes**

There are five extra reasons for enjoying Winfield King Size.

You get five extra top quality King Size cigarettes in Winfield 25's, for only a few toea more than you pay for most other brands of 20's.

Compare the price, compare the value.

# Big value



• Ol niusman i ken go insait fri long so Graun sapos ol i putim dispela K10 singlis.

# Rugbi Lig

# NIUS

NO KENSALIM

Issue No. 18 9 Jun - 15 Jun

## Noten zone i no strong tumas

OL lain sapotas bilong ragbi lig long Noten rijon i no amamas tumas long ol man em ol i bin makim long pilai long Zone sempionsip long dispela wiken.

Long taim Presiden bilong Lae Lig George Mack i bin tokaut long ol lain bilong makim Noten Zone, ol pipel i bin singaut na soim olsem ol i no amama. Planti man long sailt lain i bin singaut long wanem ol i tok dispela ol lain husat i stap

long skwat i no gat ekspiriens olsem ol pilaia em ol i bin rausim.

Tupela bikman bilong Lae Ragbi lig Peter Waim na Jim Nenjipa. Dispela tupela man i tok wanem samting em ol lain blong makim ol man i bin mekim i no bilong helpim na apim nem bilong ragbi lig.

Tupela i bin askim ol selekta long wanem kain rot ol i bihainim long makim man.

Tupela i tok tu olsem ol selekta i bin wan-sait liklik long makim ol man.

Waim na Ninjipa i bin tok olsem wanem samting i kamap long dispela wiken bai i tokaut long wanem samting em ol selekta i bin mekim. Dispela em long taim bilong makim man, ol selekta i bin lukluk gut na makim man o nogat.

Tupela i tok planti ol bisnis haus na ol pipel tu insait long Noten Zone i bin putim mani long lukim ol boi bilong Not i mekim sampela samting tasol i luk olsem ol dispela hatwok bilong ol dispela lain bai i no inap long karim kaikai.


Kosa Peter Bananga tu i bin amamas long toktok bilong dispela tupela man na i tok dispela em i tru. Em i tok Noten rijon tim ol i bin makim i no bin gutpela tumas. Ol i bin inap long kamap wantaim wanpela gutpela sait yet.

Em i tok, "Tim nau em mi gat long en i no gutpela tumas, mi inap long kisim sampela gutpela man moa tasol ol i no bin stap insait long skwat."

Em i tok i luk olsem ol lain bilong makim tim i no bin wok wantaim tingting bilong makim man long kain pilai bilong ol. Na long dispela ol i no givim sans tu long ol sampela gutpela pilaia long ol arapela Lig senta bilong Noten rijon. Long Lae yet i gat planti i stap husat i no stap insait long skwat. Sampela bilong ol dispela lain em long Julius Casey, Koro Sinamau na Thomas Daki.

Em i tok tu olsem dispela bai i givim em bikpela hatwok tru long redim tim bilong em long pilai long Mosbi long dispela wiken.

Em i tok, "Nau bai mi mas go bek long begin na kam bek gen. Ol kain kain ol asa-sait na ol arapela samting bai i mas stat long begin na i kam bek gen."



• Ol pilaia bilong Kainantu i sikan wantaim ol pilaia bilong Lae bihain long bikpela gem bilong ol. Lae i memeim Kainatu 54-4 long dispela gem.

INSIDE

Ol pas - pes 2  
Mosbi Lig - pes 3  
Inglan - pes 3  
Dro - pes 4  
Point lata - pes 5  
Poto Lig - pes 6  
Provins lig - pes 7  
Morobe kantri - pes 8

### Toksave

Rugbi Lig Nius i kamap nau long Tok Pisin.

Sapos yu gat ol stori o poto yu laik bai kamap long *Rugbi Lig Nius* salim tasol long:

Edita  
Rugbi Lig Nius  
P.O. Box 1982,  
Boroko

o ringim Joseph  
Kau long Telepon  
namba 25 2500

24 HOURS TV AND VIDEO  
SERVICE Now available at.....

P.O. Box 822, Lae, Mula Street,  
Phone: 42 4242 - 42 4235

**TEC** ELECTRONICS

USED



## PNGRFL i helpim ol Lions

Dia Edita,

Mi no amamas long pasin ol bikman bilong PNGRFL i bin mekim ong ol Kumul pilaia long taim ol British Lions i bin kam raun long Papua Niugini.

I luk olsem Dokta Jim Jacobi na ol lain bilong em long PNGRFL i no laikim Kumul long winim ol Lions.

Taim ol Kumul i go raun long Ingran na Frans pastaim ol i bin pilai wantaim ol tim bilong provins long dispela tupela kantri. Bihain ol bin pilai wantaim tim i makim kantri.

Bilong wanem tru na ol Lion i no go pilai wantiam tim bilong Hailans Zone na Noten zone long Lae pastaim?

Sapos ol i go pilai long Lae pas-

taim em bai ol Kumul i gat bikipela sans long autim ol Lions.

Ol Kumul inap long rausim ol tim bilong arapela kantri olsem Australia, Nu Silan, Frans na Ingran. Tasol i luk olsem ol bikman bilong PNGRFL i no laikim ol Kumul long winim gem bilong ol wantaim ol arapela kantri.

Sapos dispela em i tru orait bai gutpela sapos yumi rausim ol dispela bikman bilong PNGRFL na putim ol lain husat inap long tingting strong moa long tim bilong yumi, ol Kumul.

Enny A Kuman,  
Kieta, NSP.

## Makim nupela Kumul

Dia Edita,

Mi no amamas long kepten bilong Kumul tim, Bal Numapo. Long lukluk bilong mi Numapo i no bin mekim gut wok bilong em long taim ol Kumul i pilai wantaim Ingran long Mosbi.

Bal em i wanpela gutpela pilaia tasol em i no gutpela kepten bilong tim. Em i wanpela man bilong sem na i no inap opim

## Kepten

maus bilong em long givim strongpela tok tok long ol pilaia bilong em.

Dispela tasol i bin mekim ol Kumul i pundaun long Ingran, Frans na Nu Silan las yia.

Mi ting olsem bai gutpela long givim wok kepten i go long namba 7 bilong ol Kumul em Tony Kila.

Kila em i wanpela pilaia husat i ken pilai gut na tu em inap long givim strongpela toktok long ol pilaia.

Tasol bikipela toktok bilong mi i stap olsem, sapos wanpela pilaia bilong Niugini Ailans i stap olsem kepten em bai ol Kumul inap long winim ol arapela lain.

Nickmen Havini,  
P O Box 365,  
Kieta.

Dia Edita,

Long wanem taim tru bai ol selekta bilong Sauten Zone skwat i save olsem ol gutpela na strongpela pilaia bai holim yet Sauten Zone olsem sempion zone long kantri.

Yumi ken tok olsem Mosbi em i top lig long kantri tasol dispela i no min olsem olgeta top pilaia long kantri bai kam long Mosbi.

Ol pilai bilong Sauten Zone las wik i bin soim olsem namba wan tim bilong Mosbi i no bin inap long namba wan tim bilong Sauten zone kantri.

Namba wan tim bilong Mosbi i gat 10-pela Kumul. Tasol ol pilaia bilong Kantri i kam long Nesenel Kepital.

Long 5 minit tasol insait long gem winga bilong kantri Steven Bibaesi i bin mekim tupela pilaia bilong Kumul Mea Morea na Arnold Krewanty i lukim olsem ol yangpela skul boi. Bibaesi i bin mekim wanpela liklik kik na ron

liklik kik na ron

## Bibaesi i winim ol Kumul winga

abrusim tupela na kisim bal i go skoim trai.

Bibaesi i bin soim gen wankain stail long namba tu hap tap em i abrusim takel Joe Ben i laik mekim long em na resis wantaim Krewanty na Kepi Saea long senta lain i go inap long trai lain.

Tasol Bibaesi i bin hatwok nating. Ol selekta i bin givim em wanpela risev yunifom long Sauten Zone skwat.

Na mi no inap kirap nogut sapos kosa bilong Sauten zone Steve Malum i givim Bibaesi 5 minit tasol long stap insait long pilai graun.

Em i bin mekim wankain pasin long poro bilong Steven, Moses Gene long taim bilong namba wan zone resis long Lae.

Ol lain selekta bilong Sauten zone i moa gutpela sapos yumi kolim ol selekta bilong

Mosbi i bin lukim long ai bilong ol taim Steven i bin daunim tupela top winga long kantri.

Steven i bin top winga stret long dispela gem. Ol Kumul winga husat i bin pilai long tim bilong Mosbi i no inap long spit bilong Steven. Na bilong wanem tru ol selekta i no bin makim em olsem namba wan winga bilong Sauten zone.

Long lukluk bilong mipela ol man husat i no gat save long pasin bilong makim ol gutpela pilai mipela i lukim olsem Steven i no gat nem tasol ol Kumul winga i no inap long em.

Na long lukluk bilong planti sapota bilong Ragbi lig, ol pilai bilong Mosbi i bin stap long skwat bikos ol i gat nem pinis olsem ol Kumul na tu planti man i save long ol.

Sapos ol Kumul

winga long Sauten zone i no inap long wanpela winga nating bilong Kantri, bai ol i inap long strong bilong ol winga long ol arapela zone.


Mipela bai sindaun isi tasol na lukim ol dispela lain husat i gat nem long bringim Sauten zone i go insait long gren-fainel na winim gem.

Tasol wanpela bikipela samting bai i stap yet. Liklik winga bilong Kantri, Steve Bibaesi i bin winim tru tupela Kumul winga insait long tim bilong Mosbi. Dispela em i wanpela samting ol lain selekta bilong Mosbi i mas kisim tru long het bilong ol.

Wanpela rot bilong ol selekta bilong siti long kisim bek gutpela nem bilong ol em long putim Steve long fil.

Hohola way,  
Nesenel Kepitel  
Lig.

## Mipela helpim long lukautim famili bilong yu



**JOHNSTON'S  
PHARMACIES**



BOROKO - 25 5336  
PORT MORESBY - 21 4424  
GEREHU - 26 0290  
KOKI - 21 7318  
ARAWA - 95 1304  
KIETA - 95 6250  
PANGUNA - 95 8028

S&S2723



# Sauten bai stap sempion zone

OL BIKPELA pilai bilong Zone sempion sip bai i kamap long dispela wiken. Na Sauten Zone i redi tasol long soim ol arapela lain olsem em i king yet.

Kosa bilong Sauten Zone tim, Steve Malum i gat sampela nupela pes i stap long helpim tim bilong em long bagarapim ol arapela Zone.

Gedion Kouoru tu i kam bek pinis long kantri bihain long em i bin go raun long ovasis na dispela bai i givim planti gutpela sans na senis long ol boi long fowat. Nupela man bilong Nesenel Kepitel Lig Ume Aihi i bin soim pinis ol lain selekta olsem i gat ol sampela arapela gutpela pilaia i stap tu long ol arapela lig insait long Sauten rijon.

Liklik Tara Korae bai i kisim ples bilong Michael Matmilo long fran ro na em tu i wanpela bilong ol nupela pes insait long Sauten Zone tim.

Dispela ol tripela wantaim Haoda Kouoru, Issac Rop na Mark Ipu bai i sanap long franlain bilong Sauten

rijon long bringim salens na traim bun wantaim ol birua bilong ol.

Hapbek bilong Mosbi Brothers Akwila Emil i statim nau nem bilong em na i stap tu insait long tim bilong Sauten rijon. Na faiv-et bilong Kumul Darius Haili bai i mas soim strongpela pilai tru long dispela wiken long kisim bek Kumul jesi bilong em. Sapos em i no amamasim ol selekta, ating bai em i mas traim gen.

Arnold Krewanty, Arnold Tivilet, Mea Morea and Kepi Sea long beklain i save pinis long wanem kain samting em i top futbol na bai i ol kamap long fil wantaim ol kain gutpela na strongpela pilai bilong ol long bagarapim ol arapela rijon.

Tasol planti ol sapota bilong Sauten rijon bai i tok tu olsem namba wan winga bilong Country, Steven Bibaesi bai i mas stap insait long ol namba 13 pilaia long kamap long fil.

Bibaesi i bin soim strongpela pilai na i winim tru ol top winga bilong Mosbi long taim bilong ol tes pilai. Na long

dispela taim tu em i bin putim tupela gutpela trai. Bibaesi i bin winim tru tupela top pilaia bilong Mosbi siti, Kepi Saea na Arnold Krewanty long wing.

Sauten Zone bai i mas wokim bikpela wok tru long winim pilai bilong ol egensim Noten Zone sapos ol i laik go insait long gren fainel. Sapos ol i laik pilai kaskas bai ol manki Not i tokim ol long kaikai das. Tasol maski ol i winim gem bilong ol, ol i mas taitim bun tu long daunim ol boi Hailans long Sande bilong lukim husat bai i sempion rijon bilong dispela yia.

Skipa Bal Numapo bai i go pas long ol boi Hailans long senta wantaim helpim i kam long wantok bilong em yet, Noah Kul. Dispela tupela man i bin kamapim planti trabel tru long taim bilong ol pilai bilong Zone trail long makim ol pilaia bilong Hailans rijon. Olsem na tupela bai kamapim wankain samting gen long dispela wiken sapos ol boi Saut i no putim gut ai long tupela.

Ol boi Hailans bai i lukluk long ol bikpela fowat bilong ol olsem Mathias Kombra na Joseph Paraka long brukim banis long givim sans long ol fulbek bilong ol long go slip antap long trailain.

Pawa boi long hapbek bilong ol manki Hailans, Sam Karara bai i kamap gen long fil long soim ol selekta olsem em i winim man em ol i save laikim, Tony Kila.

Karara bai i mas ran long dami hap long wanem ol dispela kain stail bilong em i bin helpim lain bilong em long winim ol pilai long Lae.

Ol lain boi bilong Not tu i bin kamap pinis wantaim sampela senis long kamapim strong nem bilong ol long ragbi lig insait long kantri. Wanpela gutpela senis tru em long kisim pilaia bilong Lae, Alphonse Malala i stap long hap bek. Malala i save yusim gut tru het bilong em long salim bal i go aut long tupela winga bilong em.

## Australia bai mememim Ingran

BIKPELA intanesenal pilai bilong ragbi namel long British Lions na tim bilong Australia bai i kamap long dispela wiken long Sidni Futbol stedium. Dispela pilai bai i soim sapos ol lain wel pusi ya bilong Ingran inap long strongim yet toktok bilong ol long bagarapim Australia o nogat.

Lions bai gat gutpela sans tru long wanem bikpela senta bilong Kwinslen Gene Miles na skipa bilong Nu Saut Wels Wayne Pearce bai i no inap pilai. Tasol i gat tu ol sampela olupela ragbi nem i stap yet insait long dispela tim bilong Australia.

Sampela bilong ol em ol kain man olsem Michael O'Connor, Wally Lewis, Peter Sterling na Gary Jack. Sampela bilong ol lain lapun bilong ragbi olsem tupela fran seken rowa Paul Vautin na Wally Fullerton Smith na huka Greg Concesco bai i kamap gen long fil bihain long tripela yia.

Miles na Pearce i no inap long stap insait long tim bilong Australia long wanem ol selekta i bin lukim olsem tupela i no smat tumas long pilai. Ol selekta i bin makim ol pilaia long kain pilai bilong ol long dispela sisen.

Ol lain husat bai makim Australia long dispela bikpela gem em Gary Jack (NSW), Andrew Ettingshausen (NSW), Michael O'Connor (NSW), Peter Jackson (Qld), Tony Currie (Qld), Wally Lewis (Qld-Kepten), Peter Sterling (NSW - namba tu kepten), Bob Linder (Qld), Paul Vautin (Qld), Wally Fullerton Smith (Qld), Sam Backo (Qld), Gred Concesco (Qld) na Phil Daley (NSW)

Tupela arapela risev em Gary Blecher (Qld) na Steve Folkes (NSW).

## Noten Divisen i autim ol Lions

BRITISH LIONS i mas mekim bikpela wok tru long stretim bikpela asua bilong ol bipo long Sarere. Ol i mas soim tru kain pilai bilong ol long brukim difens na pilai wantaim bal sapos ol i laik traim bun wantaim Australia.

Long bikpela pren pilai wantaim wanpela Noten Divisen tim bilong Australia long Sande, ol British Lions i bin kisim taim stret. Ol boi asples i bin bagarapim stret Lions 36-12 long Scully pilai graun, Noten Australia.

Dispela em i namba wan taim tru insait long 22 yia long dispela asples tim long mekim save long ol ragbi turis ya. Noten Divisen i bin kamap wantaim 5-pela trai na British Lions i bin putim tupela gol tasol.

Lus bilong Lions long ol boi bilong Noten divisen i bikpela samting na ol i mas stretim hariap. Sapos ol i no stretim na senisim kain pilai bilong ol, Australia bai i salim ol i go long kaikai das gen. Sapos ol i lus bai i putim namba bilong taim ol i lus long Australia i go antap long 14. Em long 1978 i kam inap nau

insait long ol pilai bilong tes mets.

Insait long bikpela pren pilai bilong Lions wantaim Noten Divisen long Sande, olupela representativ pilaia bilong Saut Sidni Robert Lauri na hap bek Ewen McGrady i bin gutim but tru bel bilong ol lain bilong ol long bagarapim Lions insait long 10-pela minit tasol bilong pilai. Na long hap taim, ol kas Noten i bin stap pas tru long 22 na Lions i bin stap long 12-pela poin tasol.

Bikpela prop bilong Lions, Lee Crooks i bin lukim olsem em i sot tru long win long namba tu hap bilong pilai.

Paul Loughlin husat i bin pilai gut tru long las Trinde na win Nu Kastel i bin kisim taim stret long Sande long taim em i laik traim strongim posisen bilong em long fulbek. Em i no bin inap long stapim ol sampela birua long brukim banis.

Sapos Lions i soim yet wankain pilai olsem em i bin soim long Sande, Australia bai i kaikaim em gut tru. Ol wel pusi bilong Ingran bai i no inap tru long stapim longpela lek bilong ol sikau bilong Australia sapos ol i laik pilai kaskas long dispela wiken. Tasol ol boi bilong Ingran tu i wok long givim sampela gutpela skul long ol manki Saut long no ken ting ol tasol i save long pilai ragbi.

## Ol nupela lo bai kisim tok orait

wanpela skram long dispela.

Na Australia i laikim dispela miting long tok orait long larim arapela poro long pilaim bal sapos poro bilong em i kisim bagarap. Sapos dispela tu i kamap tru bai i no gat skram long lukim husat bai i kisim bal.

Ingran tu i laikim olsem referi i no ken tokim ol pilaia bilong sait i holim bal long sanap bihain long 5 mita mak bihain long poro bilong ol husat i gat bal long en. Ol i laikim tu olsem kik o pilai bilong penalti i mas kamap long hap we bai i stap long en na i no long ples we asua i bin kamap long en.



• Raket pilaia bilong Ingran Henderson Gill i abrusim ol pilaia bilong Kumul long Mosbi. Tasol i luk olsem raket ya i no inap long tim bilong Australia.

# RAGBI LIG DRO

## PORT MORESBY

**Port Moresby City - Under 17 yrs Pepsi Cup**  
8th to 12 June 1988  
Lloyd Robson Oval

**Port Moresby City - Under 19 yrs Yamaha Cup**  
8th to 12 June 1988  
Lloyd Robson Oval

**Wednesday 8th June 1988**

5.30 pm (5) Hawks v Tokarara  
6.30 pm (6) Kone Tigers v Saraga  
7.30 pm (7) Magani v Tarangau  
8.30 pm (8) Paga v Wests

**Friday 10th June 1988**

(W - WINNER)

5.30 pm (9) Air Niugini v Boroko  
6.30 pm (10) DCA v Defence  
7.30 pm (11) v  
8.30 pm (12) v

**Saturday 11th June 1988**

10.30 am (13) W (9) v W (10)  
11.30 am (14) W (11) v W (12)  
12.30 pm U19 W (9) v W (10)  
1.30 pm U19 W (11) v W (12)  
2.30 pm Southern Zone v Northern Zone  
4.00 pm Highlands Zone v Islands Zone

**Sunday 12th June 1988**

Final Pepsi Cup

1.00 pm (15) W (13) v W (14)

**Thursday 9th June 1988**

5.30 pm (5) Hawks v Tokarara  
6.30 pm (6) Kone Tigers v Saraga  
7.30 pm (7) Magani v Tarangau  
8.30 pm (8) Paga v Wests

**Saturday 11th June 1988**

Ground No. 2

9.00 am (9) W (1) ANG v W (3) Brothers  
10.00 am (11) W (5) v W (6)

Ground No. 3

9.00 am (9) W (1) DCA v W (3) Defence  
10.00 am (10) W (3) v W (4)  
LLOYD ROBSON GROUND  
12.30 pm (13) W (9) v W (10)  
1.30 pm (14) W (11) v W (12)

**Sunday 12th June 1988**

Final Yamaha Cup

12 Noon (15) W (13) v W (14)

2.30pm 3rd Zone v 4th Zone  
4.00pm 1st Zone v 2nd Zone

## 1988 COMBINED BANKS RUGBY LEAGUE

DATE	TIME	MATCH	8	ANZ	PNGBC
15/6/88	6	BSP	9	*BSP	NIUGINI LLOYDS
	7	AGBANK	6	PNGBC	NIUGINI LLOYDS
	8	BPNG	7	ANZ	BPNG
	9	*ANZ	8	AGBANK	BSP
		INDOSUEZ	9	*INDOSUEZ	WESTPAC
SEMI FINALS					
22/6/88	6	INDOSUEZ	6	BPNG	7th
	7	ANZ	6	BSP	4th
	8	NIUGINI LLOYDS	6	WESTPAC	3rd
	9	*AGBANK	6	PNGBC	1st
				*BPNG	2nd
FINAL					
29/6/88	6	AGBANK	6	BPNG	8th
	7	BSP	6	INDOSUEZ	6th
	8	ANZ	6	NIUGINI LLOYDS	W 5/7
	9	*WESTPAC	6	PNGBC	L34
GRAND FINAL					
6/7/88	6	ANZ	6	WESTPAC	* TEAM 7
	7	PNGBC	6	INDOSUEZ	
	8	BSP	6	BPNG	
	9	*NIUGINI LLOYDS	6	AGBANK	
10/8/88 COMBINED BANKS SP BREWERY					
				W 1/2	W (W 3/4 vs L 1/2)
13/7/88	6	AGBANK	6	INDOSUEZ	* TEAM 8
	7	BPNG	6	WESTPAC	

## KIMBE

**Saturday 11 June**

9.30 C Magani v Tarangau  
10.30 C Muruks v Hawks  
11.30 B Magani v Tarangau  
1.00 B Muruks v Hawks  
2.30 A Magani v Tarangau  
4.00 A Muruks v Hawks

**Sunday 12 June**

9.30 C United v Umboli  
10.30 C Royals v Brothers  
11.30 B United v Umboli  
1.00 B Royals v Brothers  
2.30 A United v Umboli  
4.00 A Royals v Brothers

## BOUGAINVILLE

**Saturday 11th June**  
Arawa High School

11.55 U19 Wests vs Tarakum  
13.00 U19 \* Easts vs S/Raiders  
14.05 B Easts vs S/Raiders  
15.30 A Easts vs S/Raiders

**Sunday 12th June**

10.50 U19 ANG vs Souths  
11.55 B ANG vs Souths  
13.00 B Wests vs Tarakum  
14.05 A ANG vs South  
15.30 A Wests vs Tarakum

# RAGBI LIG POIN LATA

## PORT MORESBY

Air Niugini \_\_ 16  
Magani \_\_ 14  
Defence \_\_ 14  
Wests \_\_ 10  
Kone Tigers \_\_ 10  
Paga \_\_ 10  
DCA \_\_ 8  
Tarangau \_\_ 8  
Brothers \_\_ 6  
Hawks \_\_ 6

## KIUNGA

Brothers \_\_ 24  
United \_\_ 12  
Waliwest \_\_ 5  
Ambang \_\_ 4

## NATIONAL CAPITAL

Boroko \_\_ 9  
Hohola \_\_ 7  
Tokarara \_\_ 6  
Bomana \_\_ 6  
Saraga \_\_ 5  
Korobosea \_\_ 4  
Waigani \_\_ 1

## KAINANTU

United \_\_ 19  
Magani \_\_ 18  
Panthers \_\_ 15  
Hawks \_\_ 15  
Tigers \_\_ 14  
Royal \_\_ 9  
Brothers \_\_ 5  
Tarangau \_\_ 5

## BOUGAINVILLE

Seagulls \_\_ 10  
Dolphins \_\_ 10  
Barbs \_\_ 8  
Snafu \_\_ 4  
Panthers \_\_ 4  
Muruks \_\_ 0

## RABAUL

N Raiders \_\_ 10  
Muruks \_\_ 10  
Crusaders \_\_ 9  
Balanamatan \_\_ 6  
Brothers \_\_ 3  
PTC \_\_ 3  
Sea Eagles \_\_ 3  
Tarangau \_\_ 2

## MENDI

Brothers \_\_ 14  
Hawks \_\_ 9  
Bulldogs \_\_ 8  
Royals \_\_ 6  
Magani \_\_ 3  
Tarangau \_\_ 2

## NORTH SOLOMONS

Souths \_\_ 10  
Air Niugini \_\_ 9  
Sea-Raiders \_\_ 8  
Wests \_\_ 8  
Easts \_\_ 7  
Tarakum \_\_ 0

## MT HAGEN

Newton Jets \_\_ 15  
Magani \_\_ 14  
Tigers \_\_ 12  
Brothers \_\_ 11  
Country \_\_ 10  
Royals \_\_ 8  
Hawks \_\_ 6  
Tarangau \_\_ 4

## LAE

Panthers \_\_ 10  
Spiders \_\_ 8  
Tarangau \_\_ 8  
Tigers \_\_ 6  
Defence \_\_ 6  
Brothers \_\_ 4  
Magani \_\_ 4  
Royals \_\_ 0



TRADITIONALLY THE NAME  
ASSOCIATED WITH PERFECTION  
IN CIGARETTES  
BENSON & HEDGES

*Special Filter*

**BENSON and HEDGES**


20

When only the best will do.

# LIG POTO



• Ol Anda 19 pilaia bilong Air Niugini husat i gat waitpela yunifom na Bomana husat i gat blakpela yunifom i taitim bun long namba wan gem bilong Yamaha Kap resis i kamap nau long Mosbi. Air Niugini i bin strong moa na autim Bomana long dispela gem.



• Sauten Zone pilaia i trening na redi nau long bikpela zone resis bai kamap long Mosbi long wiken.



• Wanpela pilaia bilong DCA i ran i kam tasol em i bungim ol birua long han bilong ol Kone Tigers. Kone i bin winim dispela gem 36-24.




• Dispela pilaia bilong Boroko i kaikaim das taim ol Saraga i banisim em long gem bilong ol long Nesenel Kepitel lig long Sarere. Tasol Boroko i kirap na autim Saraga 28-20.



• Arua Soge bilong DCA i no inap ranawe long winga bilong Kone Tigers, Gordon Haru. Gordon na brata bilong em Stanley i bin pilai strong tru long dispela gem.



• Lok nogut bilong Kone Tigers Alphonse Umba i rausim bal i go long wanpela poro bilong em taim ol pilaia bilong DCA i pasim rot.



• Bos o wanem. Tarangu ol mangi Sauten Zone i trening tasol Kepi Saea i no wari. Em i wok-about isi isi tasol i go.

# Ol Muruk bai kisim taim long Crusaders

**INSAIT long bikpela pilai bilong ragbi lig long Rabaul long dispela wiken, planti senis bai kamap long poin lata sapos ol tim husat i resis i kamap gen wantaim ol kain pilai olsem ol i bin soim long las wiken.**

Insait long bikpela pilai bilong dispela wik Sarere, Brothers bai i kamap strong tru long daunim wanpela top tim ya Not Raiders. Long las wiken Brothers i bin soim strongpela pilai egensim Muruks na bai ol i tingting long mekim wankain samting long taim ol i salensim Raiders.

Las wiken Brothers i bin mekim ol lain bilong Muruks i pret liklik. Olsem na long dispela wiken ol boi bilong Raiders i mas tingting gut na pilai long taim ol i bungim ol boi Brothers long bikpela gem long Sarere. Sapos ol i kranki bai ol i kisim taim.

Tasol Raiders bai i tingim long holim yet ples bilong en long namba tu ples long poin lata. Na sapos ol i strong gen long dispela wiken, ol bai inap long daunim Brothers na lukluk tasol long pilai bilong top tim Muruks na Crusaders. Sapos Crusaders i strong na autim Muruks em bai ol boi Raiders i no gat tok. Ol bai i amamas tasol long save olsem ol i king nau bilong Rabaul lig.

Long arapela bikpela pilai bilong Sarere, Sea Eagles bai i traिम strong wantaim kas ya long Balanamatam. Dispela pilai tu bai i wanpela gutpela pilai na bai strongpela tru long wanem tupela tim wantaim bai i resis long kisim tupela poin na surik liklik i go antap long point lata.

Sea Eagles bai i taitim bun tru long autim Balanamatam na go antap tasol ol lain kas ya long Balanamatam tu bai i soim wankain strong long holim ol manki Eagles i stap daunילו na ol yet long raunim tewel bilong Crusaders, Raiders na Muruks. Olsem na dispela pilai tu bai wanpela strongpela pilai tru.

Long bikpela pilai bilong Sande, tupela top tim, Muruks na Crusaders bai i pait long lukim husat bai i kam daun long poin lata na husat bai i go antap. Dispela pilai bai i gutpela long wanem Crusaders i save pinis olsem em i gat bikpela sans tru long kisim tupela poin.

Muruks bai i lukim tripela gutpela pilaia bilong ol long dispela wiken. Dispela ol tripela man em James Kopia, Joe Gispie na Jack Sabat husat i stap insait long ailan rijon tim long Mosbi.

Olsem na ol bai i no inap stap long givim han long ol poro bilong ol long bagarapim Crusaders long dispela

wiken. Tasol Muruks tu i gat sampela gutpela man i stap long kisim ples bilong ol dispela man long sanapim strongpela banis long fowat lain long stapim ol fulbek na hevi fowat bilong Crusaders. Bikpela tingting bilong Muruks long dispela wiken em long salim ol boi Crusaders i go kaikai das.

Crusaders tu bai i gat wankain tingting long rausim ol bos ya long poin lata. Crusaders bai yusim gut tru dispela sans bilong ol long hamaim ol boi Muruks.

Dispela gem bai i gutpela moa long wanem husat i win bai i kamapim planti senis long poin lata. Sapos Crusaders i win em bai i surik i go antap na Muruk bai pundaun i kam daun. Na dispela bai i givim bikpela sans tru long ol boi bilong Raiders long muv i go antap long point lata.

Insait long arapela bikpela pilai bilong Sande, ol wokman bilong pawa lain ya PTC bai i traिम bun wantaim Tarangau. Tarangau i bin winim namba wan gem bilong ol long las wiken na bai i tingting strong tru long holim yet dispela kain stail. Olsem na long dispela wiken, ol lain bilong pisin ya bai tingting long skrapim nus bilong PTC.

Tupela tim wantaim, bai i kisim taim liklik bikos tupela gutpela pilaia bilong

ol bai i no inap stap.

Tarangau bai i lusim wanpela gutpela pilaia bilong ol Arnold Wanamb. Arnold i bin kamapim sampela gutpela pilai tru long las wiken long bringim tim bilong em long autim Eagles. Olsem na dispela bai i kamapim sampela kwesten mak namel long ol boi Tarangau long dispela wiken Sande.

PTC tu bai tingting planti bikos wanpela gutpela pilaia bilong ol, bikpela prop David Kaius bai i no inap pilai long dispela wiken. Ol i no save long wanem samting bai ol i mekim tasol i luk olsem i gat man bilong kisim ples bilong David.

Long olgeta ol dispela pilai, gutpela ol gem tru bai i kamap long Sarere namel long Not Raiders na Brothers. Long Sande, gutpela na bikpela pilai tru bai stap namel long Muruks na Crusaders. Dispela ol pilai bai i gutpela gem long lukim.

Long ol pilai i bin kamap long las wiken, Muruks 18 i bin autim Brothers 8, Tarangau i bin taitim olgeta rop long su bilong ol na autim Eagles 22-20, Not Raiders i bin bagarapim stret ol lain kas ya long Crusaders 22-8 na Balanamatam i bungim het gut tru long las minit na bagarapim sindaun bilong PTC 16-14.

## Sauts bai go pas yet long Not Solomons

**BIKPELA pilai ragbi lig insait long Not Solomons provins long dispela wiken bai i stap namel long East na Raiders long Sarere apinun.**

Na long Sande, tupela bikpela pilai bai stap namel long king bilong poin lata nau, South na Air Niugini. Arapela bikpela pilai bai i stap namel long West na Tarakum.

Insait long ol dispela pilai, bikpela gem bilong Sarere namel long East na Raiders bai wanpela gutpela pilai long lukim.

East wantaim ol kain man olsem Philip Misikaran long 5/8, huka Arnold Sauta na seken rowa Tom Bakuni bai kamapim sampela bagarap long dispela wiken long nokim Raiders. Sapos ol boi bilong Raiders i no putim gut was long beklain bilong East bai East i ken yusim gut tru spit bilong ol boi bilong em long beklain long kamapim sampela wari long dispela wik Sarere.

Thomas Takoni, wanpela olupela pilaia bilong ragbi yunien long tim bilong Difens bai i go pas long ol boi bilong solwara ya, Raiders. Em bai i kisim helpim i kam long hapbek John Takaku, James Genu long insait senta na 5/8 Silvester Malo.

Sapos ol dispela lain i pilai tim futbol na pundaun antap long trailain, kika Joe Atairere bai i lap tasol na sutim bal long stail su bilong em i go insait long tupela pos. Long dispela pilai bilong tupela, wanem tim i win bai win long liklik poin tasol.

Namba wan bikpela pilai bilong Sande bai i stap namel long Air Niugini na Souths. Dispela pilai bai i gutpela na strongpela moa. Long wanem Air Niugini bai i strong moa yet long kisim ples bilong em antap gen long lata. Nau Air Niugini i stap namba tu na Souths i stap antap na i wok long sain gut tru i stap. Olsem na long dispela wiken, ol bikpela F28 balus bilong Air Niugini bai i tingting long banisim san na tromoi Souths i kam daun gen.

Air Niugini nau i stap namba tu long wanem ol i bin lus long pilai bilong las wiken wantaim West. West i bin sambai na i bagarapim gut tru ol kas ya long Air Niugini 16-6.

Air Niugini i bin tok olsem planti ol gutpela pilaia bilong ol i no bin kamap long wanem ol i bin gat bagarap long skin bilong ol. Olsem na long dispela wiken, olgeta ol gutpela pilaia bilong ol bai i kamap long sutim nus bilong Souths.

Souths tu bai i lusim tupela gutpela pilaia bilong ol. Dispela tupela man em huka Paul Sali na gutpela 5/8 bilong ol James Wange-wa. Dispela tupela pilaia i stap long tim bilong Ailan Zone long ol resis bilong Zone sempionsip. Paul i tim trenna na James i wanpela pilaia.

Tasol long dispela wiken, i luk olsem Bala Virigi bai i kisim ples bilong James long 5/8 na Wilfred Manget bai huka bilong Souths. Dispela tupela pilaia bai i kisim olupela save na helpim i kam long Sedi Disi long senta na Limbiye Koyaiye long wing, em bai kirapim das na pundaun long trailain. Kik bilong em tu bai i no inap long popaia, bai bal i mas sut stret i go namel long tupela pcs.

Ari Niugini bai kamap long fil wantaim ol kain man olsem fran rowa George Konde, hapbek Mack Joas na Joe Tumul long insait senta. Huka bilong Air Niugini Karato Yongul i no bin pilai las wik long wanem em i bin kisim liklik bagarap. Tasol long dispela wiken, em i bai kamap long fil na givim han long ol tripela poro bilong em.

Dispela ol 4-pela man bai poro gut tru long bagarapim plen bilong ol manki Souths long dispela wiken.

Long arapela bikpela pilai bilong Sande namel long West na Tarakum, bikpela bilip i stap olsem Tarakum bai kaikai graun long dispela pilai. West bai daunim isi tru pawa bilong ol. Long wanem KT West i bin sutim nus bilong top tim Air Niugini las wiken na bai ol i givim wankain skul i go long Tarakum.

Tarakum i gat planti ol gutpela sans long mekim nem long poin lata tasol ol pilaia bilong ol i no save tingting long pilai olsem tim. Wan wan man i save pilai long laik bilong em yet na tingting long em yet i mas go.

## Hawks bai daunim Muruks

**OL bikpela pisin Hawks bai i kamap long fil long dispela wiken long flai i go antap long lata taim ol i pilai wantaim Muruks long Kimbe Primia Ragbi Lig resis. Dispela bikpela pilai bai i kamap long Sarere.**

Plantim tim na klap i bin kalap nogut long lukim Hawks i resis i go antap long poin lata bilong ol bikpela resis long Kimbe. Olsem na long dispela wiken, ol bai i sanap long fil long strongim yet dispela nem bilong ol.

Na 5/8 bilong Hawks, Pius Jerry bai i gat bikpela wok tru bilong mekim long dispela pilai long lukim olsem Muruks i mas stap long namba tu ples. Jerry i save kamapim planti bel hevi na wari namel long ol birua taim em i pilai. Na long dispela wiken bai em i no inap givim sans long ol boi Muruks.

Ol lain yangpela ya bilong Saut Kos i bin kamapim pinis wanpela strongpela banis we bai i hat tru long ol birua i ken brukim. Skipa na senta pilaia bilong Hawks Sira Peni i arapela man we ol boi bilong Muruks i mas putim gut ai long em. Sapos ol i no was gut long em bai bikpela asua i kamap.

Hawks bai i givim olgeta strong na sapot i go long fran rowa Jacob Petore long brukim banis bilong Muruks na givim sans long ol beklain long go slip long trailain. Petore bai i lukluk oltaim long Hubert Rere long helpim em long brukim banis na sapos em i ksim bal em i gutbai nau long ol Muruks.

Pilaia bilong Kumul, Dairius Haili bai i no inap stap long dispela wiken long helpim ol boi Muruks, olsem na bikpela wok tru bilong dispela wiken bai i stap long han

bilong Apelis Maniot.

Maniot i wanpela gutpela man tru bilong pilai na em i bin stap insait long tripela gren fainel pilai long taim Yunaited i bin lus. Maniot na Haili i bin kam bung wantaim long begin bilong dispela yia long statim dispela klap Muruks.

Muruks em i wanpela nupela klap tasol planti bilong ol pilaia bilong en i gat nem pinis long ragbi insait long Kimbe. Na ol i bin strong tru long stap antap long poin lata bilong Kimbe Ragbi Lig.

Pilai bilong dispela wiken bai strongpela tru tasol long taim fainel wisil i krai bai Hawks i holim het bilong ol i stap antap na kam ausait long fil. Na het bilong ol boi Muruks bai i go daun.

Long Sande, bikpela pilai namel long Yunaited na Umboli bai i mas kamapim sampela nupela samting na senis. Olgeta lain bilong ragbi lis long Kimbe i save olsem Umboli em ol lain bilong kilim man. Na long nau yet ol i gat gutpela beklain tru. Ol boi long beklain bilong Umboli tu i save ron olsem roket na long dispela wiken bai ol i tingting strong tru long mekim olsem.

Nason Lavat long 5/8 na kepten/fulbek Anton Lavu bai i lukluk na toktok long pilai bilong ol beklain. Thomas Rombuck bai i stretim ol boi bilong em long Yunaited wantaim gutpela helpim i kam long Francis Henesi.

Long bikpela pilai bilong Sande, Brothers bai i mekim save long Royals long kalap i kam insait long primiasip lata na strongim nem bilong ol gen. Kosa bilong Brothers John Robin bai i kamap gen wantaim ol kain stail bilong bipo taim ol i bin holim taitel long primiasip lata resis bilong Kimbe inap long tripela yia olgeta. Na long dispela wiken, ol dispela stail bai kamap gen.

# West na Hawks bai stretim wari

INSAIT long ol bikipela pilai bilong Morobe Kauntri Futbol Lig long dispela wiken, tupela olupela birua bai i traim bun gen long pilai. Dispela tupela birua tim em long Mita Hawks na Arc Titan Wes Taraka.

Dispela tupela tim bai i kamap long pinisim olgeta wari na bel hevi bilong ol long dispela wiken. Dispela ol wari na bel hevi em ol i no bin pinisim long taim bilong gren fainel bilong sisen propa.

Tupela tim wantaim i bin kamapim bikipela pait long taim bilong gren fainel pilai bilong sisen propa long dispela yia tasol. Ol lain boi bilong tupela tim wantaim long risev gret i bin statim pait na olgeta wantaim i bin go insait. Long dispela taim tu planti pipel i bin kisim bagarap.

Lig Nius i bin painim trena bilong Mita Hawks Ume Ahi wantaim ol manki bilong em i taitim bun i stap long Ericwoo long strongim bun bilong ol.

Ahi i tokim Lig Nius, "Mipela bai i bungim wanpela bilong ol tim husat i bin mekim na mipela i bin lus long pilai bilong gren fainel long sisen propa. Olsem na long dispela wiken mipela bai bekim dinau long wanem samting ol i bin mekim."

Ahi, husat i no bin slip gut long nait i tok olsem em i bin bungim gut tru ol 17 pilai bilong em. Em i save putim gut ai long ol dispela lain long taim bilong trena na i save was tu long wanem hap em ol i go long en.

Em i tok, "Mi mekim olsem long wanem mi laikim ol pilai bilong mi mas stap fit tru long bekim dinau long pilai bilong dispela wiken."

Long namba wan bikipela pilai bilong Sande, Wests na Hawks bai i traim bun.

Kosa, Wilson Payo husat i bin stap insait

long ol pilai bilong Noten rijon trails long Lae nau i luk fit olgeta. Narapela man husat tu i gat dispela senis em skipa Fraiser Pindoni.

Ahi i tok long nau yet bai em i no inap long kolim nem bilong ol lain man husat bai i pilai long Sande. Tasol em i tok Wests bai i kisim taim na ran long mani bilong ol.

Tasol Wests tu i redi tasol long salensim ol birua bilong ol long dispela wiken. Na insait long kem bilong ol, yu ken pilim tu olsem olgeta man i wokabaut wantaim het bilong ol i stap antap tru.

Kosa bilong Wests Walo Valu i tok olsem ol bai i lukluk long dispela bikipela pilai egensim birua bilong ol olsem ol i save mekim long ol arapela gem.

Walo i tok, "Sapos Hawks i laikim mipela long ran long mani bilong mipela, ol i mas soim dispela long taim bilong pilai insait long fil."

Em i tok em i laik lukim wanpela strongpela tim i pilai egensim ol na i no wanpela tim we i luk olsem ol yangpela skul sumatin husat i pinis nau tasol long skul.

West i no bin lus long wanpela pilai bilong ol long sisen propa tasol long namba wan raun bilong sisen, ol i bin lus tasol long Kifa Eels. West i gat wanpela bilong ol strongpela fowat na ol lain long beklain bilong en i save trik na ran wantaim. Na long gem bilong dispela wiken ol bai i tingting long yusim tru ol dispela lain.

Winga bilong West Richard Gebob bai i no inap stap insait long dispela pilai long wanem em bai i stap long tim bilong Noten rijon. Na Jimmy Peters bai i kisim ples bilong em long flai long wing.

Long ol arapela bikipela pilai, Tevon Rabbits bai i pilai wantaim Eels, na 10 mail Brothers bai i traim bun wantaim ol lain bilong pait wantaim paia ya, PN Fire Fighters.




• Birua nogut bilong Lae Andrew Kuno i bungim winga bilong Kainantu long fainel bilong ol Noten zone reisi las wik. Lae i bin memem stre Kainantu 54-4.





• Ol pilai bilong West Taraka i hapim wanpela pilai bilong Rabbits na laik sutim em long graun. Dispela em long wanpela prisisen gem bilong Morobe Kantri lig.

## Steamships HARDWARE

MIPELA WOK LONG MEKIM PNG I KAMAP STRONG



Mipela go pas long saplai long ol kain kain samting bilong wok.



Kam long Steamships Hardware na lukim wanpela so i autim ol kain kain we long wok wantaim ol pawa tul


**SARERE-SANDE-MANDE**

KAM KISIM WIN LONG STEASHIPS HARDWARE.  
I GAT SAMPELA FRI PRAIS, RESIS NA OL NUPELA SAMTING.  
KAM AMAMAS LONG STEAMSHIPS HARDWARE




**WANTOK**  
RUSPEPA BILONG PAPU: XIUGINI STRIT

# SPAK MAIK




## GOOD YEAR

The Choice of Champions



**TIMBER KING**  
LOGGING & HAULING TRUCK TYRE




**G291**  
UNISTEEL HIGHWAY RADIAL TRUCK TYRE



**G186**  
UNISTEEL ON/OFF ROAD RADIAL TRUCK TYRE



**HI-MILER**  
G8 HIGHWAY TYRE



**G100**  
G100 ON/OFF ROAD TRUCK TYRE

COLOR USED

# REBO

REBO STILIM KANU NA SAIL I GO ACHT... OL MAN LONG PLES RALINIM EM...



YU KAM BEK HIA! 6x!!

TRAIPELA WIN I KAM NA OL MAN LONG PLES I PRET NA GO BEK...



YUMI MAS GO BEK!! TRAIPELA WIN I KAM YA!!

TASOL REBO I GO YET...



EM PULIM KANU I GO NA TRAIPELA WIN TRU I KAM NA KANU I KAPSAT...



HARIAP TRU NA EM HANGAMAP LONG KANU...



TRANGU WIN I KARIM EM I GO LONGWE TRU...

TRAIPELA DE EM HANGAMAP LONG KANU... HANGERE KILIM EM GUT TRU...



IGO MOA NEKS WIK!!

See the complete line of over-the-road truck tyres by Goodyear.




**WRANGLER**  
THE ALL PURPOSE 4WD  
RADIAL TYRE


**NCT**



**GRAND  
PRIXS  
70**



**G800  
GRAND  
RALLY**  
FABRIC BELTED  
RADIAL



**BOROKO MOTORS**

•PORT MORESBY PH 25 5255 •LAF PH 42 1144 •RABAUL PH 92 2777 •MT HAGEN PH 52 1433 •MADANG - PH 82 2433  
•TARUBU PH 58 3111 •ARAWA MOTORS PH 95 1566 •HIGATURU MOTORS PH 29 7175



# PINIKI

MARY BILGAMANIM JOHN OLSEM EM BAI KILIM EM YET SAPOS JOHN I LUKIM EM...

NAU EM RAITIM PAS I GO LONG PINIKI...

DIA LEWA, BAI MI STAP LONG TRUN LIKLIK LONG WANEM SAMPELA BIRCIA I KAMAR. LUKIM YU BIHAIN! \* NA GUT NAIT WA JOHN.

JOHN I STAP WANTAIM MERY TRIPELA MUN OLGETA...

MARY..ATING MI MAS GO BEK LONG PLES! TRIPELA MUN PINIS.

JOHN! YU NO KEN GO! MI GAT BEL!!

JOHN I KIRAP NOGUT TRU...

WANEM? YU TOK TRU A?.. TASOL MI...?!? AVE MARIA!!

LONG PLES PINIKI SALIM WANPELA PAS I GO LONG JOHN...

Didi, John, Mi laik yu kam bek hariap long Ples. Papa na Mama Bilong yu laik yu kam Bek hariap. Mi tu mi LAIK yu kam bek Hariap. long wanem mi gat BEL. GUT MI LEWA PINIKI

TAIM JOHN I RITIM PAS EM KIRAP NOGUT TRU...

WANEM PINIKI I GAT BEL TU? BAI MI WOKIM WANEM?

IGO MOA NEKS WIK!!

**GOODYEAR**  
The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR.

GOROKA  
Ph: 72 1848  
Al's Auto Repairs Pty. Ltd.

MADANG  
Ph: 82 2433

LAE  
Ph: 42 1144

RABAU  
Ph: 92 2757  
92 2777


MT HAGEN  
Ph: 52 1715

POPONDETTA  
Ph: 29 7175

PORT MORESBY  
Ph: 25 5255

ARAWA  
Ph: 95 1566  
95 1516

ALOTAU  
Ph: 61 1167  
Milne Bay Enterprises




## BOROKO MOTORS

• PORT MORESBY - PH 25 5255 • LAE - PH 42 1144 • RABAU - PH 92 2757 • MT HAGEN - PH 52 1715 • MADANG - PH 82 2433  
• TAHUHU - PH 8 311 • ARAWA MOTORS - PH 95 1566 • HIGATURI MOTORS - PH 29 7175

I GAT 48  
KALA TV  
OLGETA LONG  
WINIM

I GAT 112  
KAIN KAIN  
MASIN BILONG  
HAUS LONG  
WINIM

# YU INAP WINIM WANPELA KALA TV



**I gat 48 kala TV na  
112 kain kain masin bilong  
mekim wok insait long haus.  
Olgeta wik bai mipela  
i givim 20 prais.**

Nau yu inap winim wanpela long ol 48 National kala TV na 112 kain kain National masin bilong mekim wok insait long haus Shell i laik tilim.

Long olgeta wik bai mipela givim 20 prais. I gat 6-pela kala TV na 14 masin bilong mekim wok insait long haus mipela bai tilim long olgeta wik inap 8-pela wik i pinis.

Yu laik go insait long resis yu mas baim petrol o disel o kero o wel inap long K5 long wanpela Shell stesin long Mosbi o Lae.

Yu baim pinis orait yu kisim fom na pulampim na givim i go bek long Shell stesin. Em tasol.

Yu wokim pinis orait yu insait pinis long resis na yu inap win insait long Super Shell kala TV resis.

Wokim tude. Baim samting long Shell na go insait long resis.

## 48 BIKPELA PRAIS

*National 14" kala TV*

Piksa i klia na lait tru. I gat han swis long TV na sapos TV i bagarap insait long tupela yia bai mipela stretim bek na yu no mas baim.

## I GAT 112 MOA PRAIS

*National Blenders*

Blender ya i bolim 1 litre na yu ken miksim ol kain kain samting bilong drink insait.

*National Deluxe Iron*

Ain ya i no inap pas wantaim klos. I gat wara sprai na steam kontrol.

*National Coffee Maker*

Em holim 8-pela kap kopi na i gat swis we yu ken wokim kopi long laik bilong yu yet.

*National Rice Cooker*

Em isi tru long kukim rais long dispela masin. Rais bai swit moa na i tuhat inap long 5-pela aua.



Resis op long 9 Me  
na pas long 3 Juli

Long Mosbi  
na Lae tasol.

DDRA 2669/P

EM ISI TRU  
NA BAI YU  
AMAMAS LONG  
GO INSAIT  
LONG RESIS

YU KEN WINIM  
LONG SHELL  
SEVIS STESIN  
TASOL

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.